

ELECTORUM

LIBRI II.

RUBEN.










349.37
R 895

PEABODY INSTITUTE
· LIBRARY ·
BALTIMORE



Sa / Bann





Rubens, Philip

PHILIPPI RVBENI
ELECTORVM
LIBRI II.

In quibus antiqui Ritus, Emenda-
tiones , Censuræ.

EIVSDEM
ad IVSTVM LIPSIVM Poëmatia.



ANTVERPIAE,
EX OFFICINA PLANTINIANA,
Apud Ioannem Moretum.
cId. Idc. viii.

LECTORVM
LIBRI II.

In quibus originalium, Emendationum,
et Varietatum
172586

et Varietatum



AD PRAEFATIONEM
AD PRIMUM LIBRUM
AD PRIMUM LIBRUM
AD PRIMUM LIBRUM

NOBILISS. ET AMPLISS.
DOMINO
IOANNI RICHARDOTO
SENATVS BELGICI
PRINCIPI.



Ximia profectò dignitas est eorum qui sedent in puppi, clauumque Reipub. tenent ac gubernant. Sunt enim arbitri rerum humanarum, imò velut mens & anima ciuitatis, ac su-

premi rectoris vmbra quædam & imago. Verùm hanc fortunam vt multi cupiunt, ita pauci numero capiunt. Ad scientiam principem & dominam (ita ciuilem hanc Peripateticorum ille coryphæus indigitat) magnis opus est præsidiiis & adiumentis. Habet amplissimus iste honos suum onus, cui sustinendo prudentiâ ac virtute, quasi gemino tibicine, fulciri debet. *Plura enim, vt benè animaduertit historicorum prudentissimus, in summâ fortunâ auspiciis & consiliis, quàm telis & manibus geruntur.* Idcirco dux ille Græciæ, quod præclare notat eloquentiæ Romanæ antistes,

numquam optat, A iacis vti similes decem
habeat, sed vt Nestoris: id si contigerit,
non dubitat, quin Troiam, cum facili nego-
tio, tum breuissimo tempore, sit expugna-
turus. Et his te gradibus, PRAESES AMPLIS-
SIME, qui nostrae es ætatis Nestor, & vt ille,

*--hominū
longè opti-
mus vnus
Consilio &
sermone.

Βεγτῶν ὅχ' αἴετ' ἀπάντων

Βαλὴ καὶ μύθοισιν,

in id euectum videmus, super quod ascendi
non potest. Hinc singularis illa SERENISS.
erga te PRINCIPVM caritas: sed & om-
nium, quotquot ipsis triginta vel amplius ab-
hinc annis hisce regionibus cum imperio præ-
fuerunt. Mira certè res, & pænè supra fidem,
diuersis ex æquo placere, & apud plures v-
num eundemque gratiæ & auctoritatis lo-
cum obtinere. Sed nimirum magnæ virtutis
ea vis est, vt sine lenociniis, sine conciliatri-
culis ipsa se commendet; & quamuis nihil
ad gratiam faciat, omnia tamen sint grata quæ
facit. Quinetiam vel inuitam vltro ipse ve-
stigat & ambit Honor: vtque prouidus ac
diligens nauarchus nauigandi peritissimos,
architectus ædificandi, legit & assumit; ita
boni prudentesque Principes eos asciscunt
sibi consiliarios & adiutores, quos aptissimos
ad Rempub. & idoneos maximè iudicant.
Cuius quidem ordinis atque loci non minùs
meri-

meritis quàm dignatione sine controuersia
longè tu princeps, qui congestis omnibus à
Deo bonis, ita imples omnia, quemadmo-
dum alij singula; præterque excellens inge-
nium, raram doctrinam, multarumque no-
titiam linguarum (quas quidem singulas sic
tenes, nullam ut aliam scire videaris) eam
prudentiam eumque rerum usum possides,
ut viri πολιτικώτατs germana quædam effigies
& simulacrum existas. Quicquid grauius ac
prudenter in legationibus obeundis, foederi-
bus sancendis, omniq[ue] administratione
Reipub. ex quo Dei benignitate guberna-
culis admotus es, in terrâ Belgicâ gestum est,
id est eâ quâ nulla nostro sæculo vel fortunæ
ludo magis exercita, vel plures & maiores
rerum conuersiones & vidit & sensit, tuâ
potissimum ope, tuo consilio gestum est.
Quod pro tempestate & procellâ belli Gal-
lici, quæ tam atrociter in nos detonuit, pri-
stina serenitas, velut postliminio, restituta:
quod ab Angliâ tranquillitas, & Alcedonia
in illo mari, quod decumanis antea flucti-
bus agebatur: quod libera denique cum utro-
que regno commercia, & quibus vnaquæque
præ ceteris abundat regio, cum vicinis ea li-
beraliter participat, teterrimæque belli cla-
des in bona pacis conuersæ sunt: id optimis
quidem

quidem PRINCIPIBVS, quorum auspiciis, sed
& tibi, cuius maximè ductu res gesta, acce-
ptum ferri debet. Et, Deo faciente, iam ac-
cedet palma tertia: iam aliquando Christia-
num ~~quoniam~~ *pax missa per orbem*

Ferrea belligeri compescet limina Iani.

Ita spondent tum industria ac prudentia tua,
tum illud dulce loquendi pondus, quo in
quamvis cumque partem animos inclinas, &
Gallicani instar Alcide, leni quadam & blan-
dâ vi rapis: sed & nescio quis Genius, qui
conatus tuos secundat, & quicquid suscipis,
quicquid aggredieris, ad felicem exitum per-
ducit. vt meritò de te dici possit; quemad-
modum in fabulis Anij regis filiæ quidlibet
tactu sui vertebant.

In segetem laticemq, meri baccamq, Minerva,
sic vbique facundiâ, prudentiâ, felicitate tuâ,
discordiam concordia, tumultum otio, bel-
lum pace commutari. O laudem insignem
& omni omnino præconio maiorem! Quid
habuit Græcia, quid Italia præstantius? Eat,
eat ostentatrix sui vetustas, triplicique Pom-
peij curru laureâque glorietur; multò certè
laudabilius fuerit, terna (terna, inquam, ani-
mo bonæ spei pleno) grauissimorum incen-
dia bellorum exstinxisse, quibus non tantum
Europa, sed etiam sola terrarum vltimarum,
& alio

& alio calentes sole populi conflagrarint. Iactet illa licet inclyta nomina titulósque deuictarum cruore gentium óblitos, Nicatoras, Poliorcetas, Callinicos, Asiaticos, Macedonicos, Africanos; omnibus illustrior & tum Deo tum hominibus, qui mite genus sumus, multò gratior & acceptior titulus PACATORIS. Quòd si lumen illud & ornamentum Athenarum Pericles omnibus suis & victoriis & præclaris in repub. factis anteposuit, quòd eius operâ pullam nemo vestem induisset; quantâ dignum prædicatione, quòd operâ tuâ pro pullâ candidam omnes sumunt, omnes quasi nouum adepti fatum, gaudio gestiunt & exultant? quam ego laudationem, quæ eulogia cum vocibus illis publici sensus indicibus conferam, quibus communis quasi parens, & à POTENTISSIMO REGE & SERENISSIMIS PRINCIPIBUS proximus publicæ felicitatis auctor, publicè passim & priuatim audis? Nam ita profectò res est: cessit, cessit liuida illa Dea, quæ plerumq; eminentis fortunæ comes. Emergit è tenebris Veritas, lucémque suam latè distulit ac diffudit. Nemo non videt, quâ caritate publico te impendas; utque siderum modo, quæ irrequieta semper cursus suos explicant, quasi in perpetuâ quadam vigiliâ, num-

numquam oculos à republicâ dimoueas, & in tanto rerum vndique accurrentium congestu vix otiosum spiritum ducas, vt cunctis negotio tuo otium, curâ ac sollicitudine securitatem præstes. Sed hæc vnus angustis epistolij velle concludere, id verò sit

• *magnum
vnde per-
transire
profundū.*

— * *ἡ δὲ περὶ μέγα λαΐμα θαλάσσης.*

Ibunt in Fastos & Annales : & vt quisque scriptorum veritatis erit studiosissimus, ita plurimum in laudum tuarum commemoratione versabitur. Nos aliqua libanda dumtaxat existimauimus, omnibus vt perspicuum foret, vel magnitudinis tuæ contemplatione, deligendum vnum ante alios te fuisse, cuius amplissimum huic paginæ nomen inscriberem : vt eo velut vmbone aduersus maledicentiæ tela tutus tectusque essem, eiusque solo vel splendore, non aliter quàm Achillis aspectu Phryges ac Barbari, Calumniâ, quæ semper in procinctu, perculsa pedem referret. Nec enim metuo, ne quis hæc ipsa tenuiora censeat, quàm vt offerri decorè tibi possint. Notum nimis ac testatum, quarum olim artium exististi cultor, earum nunc esse patronum; atque etiam in loco, quando cum influentibus negotiis paria fecisti, laxando paullulum animo, respicere eas & recolere. Neque verò minùs apud omnes peruulgata
facili-

facilitas & humanitas tua singularis, & illa
difficillima comitatis cum grauitate societas.
Postremò scitur (& quo sciatur, nihil ego re-
liquum mihi facio) quibus & quantis tibi
beneficiis sim vadatus. Constat me proflu-
xisse è fonte domus ac disciplinæ tuæ, quam-
que præcipuam duco felicitatis meæ partem,
ære & librâ tuum esse, meosque adeò labo-
res ex asse tibi deberi. Quod igitur non mo-
dò consuetudinis muta lex, verum etiam of-
ficij sanctissima religio iubet, hoc Amplitu-
dini tuæ scriptum, maximam partem Romæ
concinnatum, velut ἀνάμνησις tutelari Numini,
do, dico. Vt optimi consulas, per ego tuum
te Genium obsecro & obtestor; Deum au-
tem OPT. MAX. votis conceptis veneror, vt
publicis te commodis, NOBILISSIME &
AMPLISSIME DOMINE, diu commodare,
& in hac statione mortali diurnare velit.



* *

A D

AD LECTOREM.



VA cuique saeculo nota, suum insi-
gne. Nostrium hoc loquax atque
streperum, & scriptis potius quam
factis fecundum. Declarant illi co-
piosi librorum indices, qui in omni
genere litterarum semestri quòque
spatio vulgantur, quibúsque vel solis peruolutandis
tantum non aetas hominis occupetur. Quid facias?
hi mores.

* tales nunc
homines
sunt.
* tempori
servire.

* ——— Τῶν νῦν βιβλίων εἰσι.

Nos etiam, Lector, * καὶ ἡμεῖς λατρεύοντες incipimus, & ali-
quā ratione providere, ne tacite & absque sonitu vi-
ta cursum conficiamus, ac perinde quasi scenica satel-
litia, silentes hiantesque prateruehamur. Ergo char-
tis aliquid illenimus, & operam Criticā dedimus,
quam haut parum multi supervacaneam, neque mi-
nus hodie fugiendam, quam in sano corpore Chei-
rurgiam volunt. Quod utinam ita res haberet, ac
nihil usquam nobis erratorum mendorumque reli-
quum elegantium & eruditorum hominum acumen
& industria fecissent! Melius certè cum libris, me-
lius cum litteris ageretur, neque toties inter legen-
dum velut in rupes & scopulos impingeremus. Ve-
rumtamen si quis tam levis aut cacus animi, nihi-
lo minus ut nigrum apponendum mihi calculum
censeat, provocabimus, ut olim quidam à Philippo
Mace-

Macedone oscitante & dormitabundo ad vigilem
& attentum, à iudice parùm a quo vel negligenti
(nolo dicere, imperito) ad eum qui diligenter animum
aduertet, iustisque nostra ponderibus examinabit. Is
enim reapse deprehendet, non temerè alicubi ferrum
& ignem usurpatum. Nisi fortè quisquam repe-
riatur tam ambitiosè tristis, ut in crimen etiam
vocet, quæ animi & amœnitatis gratiâ, velut acroa-
mata quadam, in medium adduxi. Quæ sanè de-
fensione opus non habent, cùm nota ampliatiōis, hoc
adiecta consilio, sententiam nostram satis superq̃
declaret. Sed nec, ut opinor, de genere scriptionis de-
sultorio, deque Ritualibus adiunctis & admixtis.
Vt enim

—— contextæ viridantes floribus herbæ
suauissimos miscent odores: ut sensum oculorum ma-
ximè permulcent

—— & suaue rubens narcissus,

Et crocus alternâ coniungens lilia calthâ:
sic ad delectationem & voluptatem Lectoris nihil hac
varietate & commutatione aptius. Præiit etiam
* πάλῃ & ille καὶ πάλιν & IUSTVS LIPSIVS, qui
anno superiore proximo reipub. litteraria, cui dono
quodam Providentiæ genitus erat, mihiq̃ meo gra-
uissimo tum damno tum dolore est ereptus. Quod ad
membranas & scriptos, quos cito, codices attinet,
eorū usura partim Louanij, partim Romæ mihi fuit,
cùm in Bibliothecâ Vaticanâ, tum eâ quam impenso

* omni sa-
pientiâ ac
virtute
præditus.

pretio comparatam, & omni genere librorum benè
instructam, nobilitatis Romana planè princeps & in-
ter lumina purpuratorum Patrum A S C A N I V S
C O L V M N A fidei curag^s mea liberaliter commise-
rat; quâque diutiùs magnâ cum iucunditate, sed &
aliquo fortè bono litterarum, uti frui potuissem,
nisi parentis imperium, amicorum hortatus ac preces,
ipsius denique patria reuocantis quasi vox alia nos
omnia missa facere & abrumperè cœgisset. Vale be-
nignole Lector, & his faue, qua fauorem merebuntur;
qua minùs, condona.



INDEX CAPITVM

LIBRI I.

CAPVT I.

- M**os antiquus in opidis con-
dendis. Depalare quid
apud Tertullianum. Vrbs vnde
dicta. pag. 1.
- CAP. II.** De communi loco quid
præter Plautum Artemidorus.
pag. 4.
- CAP. III.** Ciceronis Oratio pro
Sullâ mendis aliquot expurga-
ta. 4.
- CAP. IV.** Ciceronis lectio defen-
sa. Vehens pro eo qui vehitur.
5.
- CAP. V.** De die lustrico plura
veterum scriptorum loca. Di-
uersus is pro sexu. Aristoteles
& Plautus explicati. 6.
- CAP. VI.** Quis Antiochus rex
apud Plautum. 8.
- CAP. VII.** Restitutio loci Cice-
roniani. Velia pro villâ. 9.
- CAP. VIII.** In Cæsare complu-
sculæ correctiones. 10.
- CAP. IX.** Oratio Ciceronis pro
Sullâ duobus locis emendata. 12.
- CAP. X.** In Hirtio non parua
rei coniectura, Iubam à Petreio
cæsum; non, vt vulgò legitur,
hunc ab illo. Florus & Oro-
sius obiter correcti. 12.
- CAP. XI.** Quibus victimis fa-
ctum in Suouetaurilibus. Dio-
nysius Halicarnass. emendatus.
14.
- CAP. XII.** Ciceroni labe duæ
deteras. 15.
- CAP. XIII.** De duplici Plauti
loco coniectura. 16.
- CAP. XIV.** De verbo Populares
quædam non protrita: vox po-
puli latè patens. In Glossario
vetere diuinitio. 17.
- CAP. XV.** Lux Hirtio. 18.
- CAP. XVI.** Quinctiliani locus in
Declamat. purgatus. 19.
- CAP. XVII.** Quid sinus togæ.
Quinctilianus illustratus. 20.
- CAP. XVIII.** Medicina Liuij
duobus vulneribus. 22.
- CAP. XIX.** Valerio Maximo
vox fugitiua restituta. 23.
- CAP. XX.** Antilogiam in Cæsa-
re videri. 23.
- CAP. XXI.** In Liuij vera scri-
ptura reposita. 24.
- CAP. XXII.** Quæsitum super
loco Cæsaris. Curiæ insula.
Appianus correctus. 24.
- CAP. XXIII.** Liuius de opinio-
ne emendatus. 26.
- CAP. XXIV.** Vocula Cæsari red-
dita. Ærarium sanctius ab eo
apertum. 26.
- CAP. XXV.** Liuij & Siliij a Cæsaria.
28.
- CAP. XXVI.** Cartij numeralis
error de exercitu Darij. 29.
- CAP. XXVII.** Antilogiæ suspi-
cio ab Hirtio & Suetonio segre-
gata. 30.

CAP. XXVIII. Liuij locus corrigitur & declaratur. 31.

CAP. XXIX. Vitium in Curtio animaduersum. Roxanē Oaxthris, nō Cohortani filiam fuisse. 31.

CAP. XXX. De Circo & map-pæ missione. 32.

CAP. XXXI. Desperatus & depositus Liuij locus sanatus. 33.

CAP. XXXII. Conatus in duobus Hirtij locis emaculandis. 34.

CAP. XXXIII. Q. Curtius aliquoties castigatus. 35.

CAP. XXXIV. Quid Abacus & Delphica. Quando Romam & vnde aduecti. Quâ materiâ:

quomodo vasa in iis disposita. In Plinio coniecturæ. 36.

CAP. XXXV. Cæsaris quædam loca tentata. 38.

CAP. XXXVI. In Liuiio diuinationes. 39.

CAP. XXXVII. Curtij duo loci pristino nitore restituti. 39.

CAP. XXXVIII. De Armillis collectanea. Glossæ & Isidorus emendati. Tertullianus illustratus. 40.

CAP. XXXIX. Coniectura triplex in Liuiio. Vna in Ammiano. 42.

CAP. XL. In Polybio loci nomen de opinione repositum. 43.

LIBRI II.

CAP. I. Vestibus olim versus & tituli inscripti. sed & imagines intextæ. 45.

CAP. II. Mendum è Propertio extritum. Sententia melior & argutior reposita. 47.

CAP. III. Liuij locus de coniectura correctus. 48.

CAP. IV. In Hirtio coniectura. Verba in ordinem reposita. 49.

CAP. V. Lucani incogitantia & emendata. 50.

CAP. VI. Liuiio lux & sanitas. 50.

CAP. VII. Taxatus Cæsaris locus & tentatus. 51.

CAP. VIII. De simpulo siue simpuio. Scholiastes Iuuenalis & Varro correcti. 52.

CAP. IX. Duum Liuij locorum correctio. 53.

CAP. X. Petronius correctus &

illustratus. 54.

CAP. XI. Liuij locus emaculatus. 54.

CAP. XII. De veste militari. Publicitus ea data. Sagum, Lacer-na, Pænula, Armilauza. De colore vestium militarium disceptatum. 55.

CAP. XIII. Occultior significatio vocis Commeatus, & exempla. 58.

CAP. XIV. Soleis feminarum inserti clauis, gemmæ. Calcei purpurei, interpuncti auratis prælati. Crepidæ æratæ. Calcei pedum quasi vincla. 59.

CAP. XV. De numero copiarum Rom. ad Cannas. Liuius ex Silio emendatus. 61.

CAP. XVI. Veteres hanc semper ad legem Grammaticorū scripsisse,

- psisse, eique rei exempla. 62.
- CAP. XVI. Agellij duo fœdis-
sima stigmata sublata. 63.
- CAP. XVII. Vlpianus explica-
tus de Sparsionibus equorum.
Quid Spartor? 64.
- CAP. XIX. Percutiendi verbum
rariore significatu. 65.
- CAP. XX. De tunica interiore
disceptatum. Ouidius, Plutar-
chus, Agellius explicati. 65.
- CAP. XXI. Περύπλοα & curiosi-
tas Pauli Iouij. 67.
- CAP. XXII. In Agellio glosse-
mata quædam expuncta. 68.
- CAP. XXIII. Dissensus scripto-
rû in annis imperij Titiani. 69.
- CAP. XXIV. Suus numerus Sue-
tonio restitutus. 70.
- CAP. XXV. De sacris Apicibus,
eorumq; materiâ & formâ. Ga-
lerus, Albogalerus, Apiculum.
Varronis lectio defensa. 71.
- CAP. XXVI. Iuuenalis emenda-
tus & secus quàm vulgò enarra-
tus. 74.
- CAP. XXVII. Suetonius & Dio,
siue potius Xiphilinus, leui cor-
rectione in gratiam reconcilia-
ti. 75.
- CAP. XXVIII. In Scholiaste
Iuuenalis vetus scriptura inte-
grata. 76.
- CAP. XXIX. Iulij Frontini de
Strategematis pluscula loca sa-
nata. 77.
- CAP. XXX. Adoratio sacræ pur-
puræ. Non omnes ad eam pro-
miscuè admissi. A Constantio
cœpit, & hodie etiam in vsu. 79.
- CAP. XXXI. Qui Diui fratres
in Lampridio. Vopiscus corre-
ctus. 80.
- CAP. XXXII. E Iulio Frontino
pluria vitia sublata. 81.
- CAP. XXXIII. De versibus ali-
quot Claudiani cōiecturæ. Nu-
meri militares. 82.
- CAP. XXXIV. De cultu sacra-
rum arborum. Longè lateque
diffusam hanc superstitionem
fuisse, & in Conciliis sæpè dam-
natam. 83.
- CAP. XXXV. Frontinus de A-
quæductib. duobus locis corre-
ctus. 85.
- CAP. XXXVI. De pueris ac puel-
lis alimentariis. 86.
- CAP. XXXVII. In Claudiano
diuinationes. Dissensus à viro
docto. 88.



THEOGNIS.

Τὲς ἀγαθὲς ἄλλῃ μάλ᾽ ἀμέμφεται, ἄλλῃ ἐπαινεῖ·
Τῶν δὲ κακῶν μνήμη γίνεταί ἔδεμία.

Ille bonos culpat grauiter, hic laudibus ornat ;
Prauorum verò mentio nulla hominum.

PHILIPPI RVBENI ELECTORVM LIBER I.

CAPVT I.

*Mos antiquus in opidis condendis . Depalare quid
a.ud Tertullianum. Vrbs unde dicta.*



IVERSA sunt hominum studia,

* Καὶ ἄλλος ἄλλω κατὰ δὴν ἰαίνεται.

Me quidem, vt verum proloquar, antiqua
delectant. Quippini? inter vetera tot mo-
nimenta, quæ passim in oculos incurrunt,

———— * σέβας δ' ἔχει εἰσπορώντα.

Itaque paullatim è Scriptoribus collectum
imus, quæ maximè eò facere videntur, vt

* Et alia
res alij vo-
luptatem
creat.

* - habet
stupor aspi-
cientem.

varijs inter se locis comparatis & quasi collisis abstrusum veri-
tatis lumen effulgeat. Specimen aliquod in his libellis vnà cum
Criticis dabimus, & initium quidem ab opidis condendis, omi-
nis causâ, sumemus. Primùm igitur obseruo, palis siue termi-
nis, qui opidum condituri essent, spatium ei destinatum signa-
se & finisse. Liuius lib. I. Pomerium dicit esse circa murum locum,
quem in condendis vrbibus quondam Etrusci, quâ murum ducturi erant,
certis circa terminis inauguratò consecrabant. Ex quibus verbis, non
tam muri locum, quàm largiùs quicquid pomerij esset, termina-
bant. Ita & Varro IV. De L. L. Cippi pomerij sunt circa Romam.
Tacitus de Româ vetere, lib. XII. Inde certis spatijs lapides per ima
montis Palatini. Tertullianus hoc dixit meo animo, Depalare. vt
in Apologet. cap. x. Mons, quem incoluerat, Saturnius dictus; ciui-
tas, quam depalauerat, Saturnia usque nunc est. Et Metaphorâ scitâ,
aduersus Hermog. cap. XXIX. Omnia opera sua Deus ordine con-

A

summauit,

summauit, incultis primò elementis depalans quodammodò mundum, dehinc exornatis velut dedicans. Nec aliter aduersus Marcionem lib. v. cap. vi. de Paulo Apostolo: Nam quòd architectum se prudentem affirmat, hoc inuenimus significari depalatorem disciplinae diuinæ. Vbi quod interpretes explicant, Propalatorem, & quasi à palàm deducunt, haud placet, & priores sanè loci refutant. Sed architectum ille explicat quasi conditorem, & qui fines posuerit disciplinae diuinæ. Ergo primùm termini. quid deinde? Aratrum terræ impressum formâ & modo, quem Cato apud Isidorum promit, lib. xv. Qui urbem nouam condit, tauro & vaccâ aret: vbi arauerit, murum faciat: vbi portam esse vult, aratrum sustollat & portet, vt portam vocet. Similia aut plura Io. Zonaras in Romulo: Ρωμύλος θάψας τὸν ἀδελφὸν ὤκισε τὴν πόλιν, καὶ βοῦν ἄρρενα συζούζαν θηλείαν, καὶ ἄρότρῳ ὑνυῶ χαλκίῳ ἐμβαλὼν, αὐτὸς μὲν αὐλακὰ βαθεῖαν κυκλωτέρῃ περιέγραφεν. οἱ δὲ ἐπόμενοι τὰς βώλας, αἱ ἀνίστη τὸ ἀεργεῖν, εἴσω πάσας τῆς αὐλακὸς περιέσρεφον. καὶ ὅπου μὲν ἐμελλε τὸ τεῖχος ἀνίστασθαι, καθεὼς εἴρηται, ἡ αὐλαξ ἐτέτμητο. ἐνθα δὲ πύλας σῆσαι διανοῶντο, δὴ λειμμὰ ἐποίησαν τῆς αὐλακὸς, τὸ ἀεργεῖν ἀνέχοντες ὑπερθεῖν. Πᾶν μὲν γὰρ τεῖχος νομίζουσιν ἱερὸν. τὰς δὲ πύλας εἰπερ ἤμνητο ἱερεὺς, οὐκ ἔστι τὰ μὲν δι' αὐτῶν εἰσάγειν, τὰ δὲ ὑποπέμψαι τῶν ἀναγκαίων καὶ μὴ κατὰρῶν. Romulus cū fratre sepelisset, urbem condidit, & bouem marem vaccæ adiungens, arcumque vomerem aratro inferens, ipse sulcum profundum in orbem circumduxit. qui sequebantur, glebas, quas aratrum excitasset, omnes intra sulcum reiciebant. Atque vbi murus extruendus erat, vt dictum est, sulcus ducebatur: vbi verò portas statuere volebant, interruptio sulci atque interuallum fiebat, aratro sublato. Nam omnem murum sanetum arbitrantur. Quòd si idem in portis, tum nec inferre nec efferre per eas necessaria liceret & quæ non pura. Similia Plutarchus in eâ re, imò ab ipso Zonaras, qui sæpè eum transcribit. nisi quòd vbi hîc αὐλακὰ βαθεῖαν κυκλωτέρῃ περιγράφει, sulcum profundum in orbem circumducit, ille αὐλακὰ βαθεῖαν περιάγει τοῖς τέρμασι, sulcum profundum circumducit terminis. vbi benè hoc de terminis tangit, & non facit priscam Romanam circularem: vti certè nec fuit. Dionysius quidem disertè, vbi hæc narrat, περιγράφει τετράγωνον χῆμα τῶ λόφῳ, colli quadrangulam figuram circumscribit: & Festus indicat in voce Quadrata. Addit Dionysius: Ἐξ ἧς Ῥωμαίοις τὸ τῆς περιάρσεως τῶ χωρίου ἐν διαισμοῖς πόλεων ὠνομάζεται. Ex quo Romanis istud de circumaratione in condendis

condendis

condendis opidis hodieque manet. Varro hoc quoque totum, vt ple-
raque antiquitatis (exstaret modò) monuit lib. iv. De L.L. *Opi-*
da condebant in Latio Etrusco ritu multa, id est, iunctis bobus tauro &
vaccâ interiore, aratro circumagebant sulcum. Terram unde exscalpse-
rant, Fossam vocabant, & introrsum factum, Murum. Postea quod
 fiebat orbis, Vrbs. Sed quod est introrsum factum, putarem me-
lius, iactû. vti ex Zonarâ & Plutarcho discimus fieri solere. Cu-
mulus scilicet ille terræ, siue porca altior appellata Murus. De
hoc sulco & Festus: Primigenius sulcus, qui in nouâ vrbe condendâ
tauro & vaccâ designationis causâ imprimitur. Tangit Isidorus:
Vrbs vocata ab orbe, vel ab vrbo parte aratri, quod in vrbe condendâ
adhiberi solet. Et Pomponius tit. De verb. sign. Vrbs ab vrbo appel-
lata est. vrbare est aratro definire. & Varus ait, vrbum appellari cur-
uaturam aratri, quod in vrbe condendâ adhiberi solet. Hinc est illud,
Optauitque locum regno & concludere sulco.

Sed & Manilius de toto more, lib. iv.

Vrbibus augebit terras, iunctisque iuuentis
Mœnia succinctus curuo describet aratro.

Et signum coloniae opidive conditi taurus & vacca, aut alter eo-
rum, in numis passim. Quod ipsum Romæ in veteri vrbe Tacit-
us agnoscit XII. Ann. Foro Boario *æneum tauri simulacrum aspici-*
mus, quòd id genus animalium in condendis opidis aratro subditur. Et
Xiphilinus de Commodò: Τὴν δὲ Ρώμην ἀθάνατον, ὅτι καὶ κολωνίαν,
οἰκουμένην τῆς γῆς (καὶ γὰρ ἀποικον αὐτὴν ἑαυτῇ δοκεῖν ἐβούλετο) ἐπωνόμασε. καὶ
ἀνδρῶν τε αὐτῆς χευσσοῦς χιλίων λιτρῶν μετὰ τε ταύρου καὶ βοῶς θηλείας ἐγένετο.
Romam immortalem, fortunatam coloniam, orbem terrarum appella-
uit. volebat enim omnino urbem suam esse coloniam videri: & ideò
statua ei aurea mille librarum cum tauro & vacca posita est. Nec verò
in condendis solùm opidis, sed & euertendis, adhibitum ara-
trum. Seneca de Clement. lib. i. cap. vlt. Injicere tectis ignem, ara-
trum vetustis vrbibus inducere, potentiam putat. Horatius:

——— *imprimeretque muris*

Hostile aratrum exercitus insolens.

Adde IC^{um} L. XXI. Quibus mod. vsus fr. amitt. & satis erit exem-
plorum. At frustra est totaque errat viâ Cælius Rhodiginus,
cùm hæc verba Ciceronis, *vt vexillum videres, & aratrum cir-*
cumduces, ad excidium referenda censet, quæ nemo non videt

ad deductionem coloniarum pertinere. Sed non est lege agendum cum eo, cui nihil pensius fuit, quam multa conceturiare, numerumque librorum & grandes titulos ac lemmata venditare. Extremum erit quod Festus scribit in *Quadrata*: locum ante templum Apollinis in Palatio sic dici, *vbi reposita sunt, quae solent boni ominis gratia in vrbe condenda adhiberi.*

CAP. I I.

*De communi loco quid prater Plautum
Artemidorus.*

Prologus Plautinus, sed non Plauti, sic ait:

Ea tempestate flos poetarum fuit,

Qui nunc abierunt hinc ad communem locum.

Clara res est, omnesque scimus eum significari locum, quod imus omnes. Tamen quia sumpta ea dictio est communi vulgi sermone, pro bono facturum mihi videor, si fido teste firmem. Is est Artemidorus lib. i. cap. LXXX. Narrat quendam per somnium sibi visum in lupanar ingredi, nec posse inde retroire. Is, inquit, post aliquot dies mortuus est. merito. Κοινὸς γὰρ ὁ τόπος οὗτος καλεῖται, ὡς καὶ ὁ τοῖς νεκροῖς δεχόμενος. Communis enim locus ille appellatur, ut & is qui mortuos suscipit.

CAP. III.

Ciceronis oratio pro Sullâ mendis aliquot expurgata.

Post tot eruditos homines, qui in Cicerone emendando multum & laboris & operæ consumpserunt, superesse videntur quæ notemus. Oratione pro Sullâ Cicero in Torquatum inuehitur, quod ab eo peregrini esset nomine affectus. Sic enim inter alia:

Ac si, Iudices, ceteris patricijs me & vos peregrinos videri oporteret, à Torquato tamen hoc vitium sileretur. Est enim ipse à materno genere municipalis.

Vitij vox hîc vitiosa, & substituam libens, *conuitium*. Peregrinitatem enim vitium, nisi valdè ἀνέγως haud dixeris. Quod inferius, pollutum videtur:

Permitto

ELECTORVM LIB. I.

Permitto aliquid iracundiae tuae, do adolescentiae, cedo amicitiae, tribuo parenti. Sed nisi aliquem modum vitae constitueris, coges oblitum me nostrae amicitiae habere rationem meae dignitatis.

Cur enim modum vitae hîc postulet? imò linguæ. Sed vera lectio scripti libri: aliquem modum tute constitueris.

Nemo vnquam me ne tenuissimâ quidem suspitione perstrinxit, quem non peruerterim.

In membranâ reperio, quem non pertulerim ac perfrugerim. Verè, si perculerim legas.

Ac si considerare cœperis, vtrum magis mihi hoc necesse fuerit facere, an tibi: intelliges honestiùs te inimicitiarum modum statuere potuisse, quàm me humanitatis.

Est inibi, an istud tibi. quod verbum sententiæ planè est opus: quia defendere sibi Cicero sumpserat; Torquatus accusare.

C A P. I V.

Ciceronis lectio defensa. Vehens pro eo qui vehitur.

Multa quidem Dionysius Lambinus in Cicerone correxit; quædam verò deprauauit. velut in hoc loco è Bruto, siue De claris Oratoribus:

Sed in te intuens, Brute, doleo, cuius in adolescentiam per medias laudes quasi quadrigis volantem transversa incurrit misera fortuna reipub.

Sic ipse edidit, cum antè libri vehentem haberent: quod negat ferri posse, ceu ineptum loquendi genus. Nam equus, currus, quadrigæ vehunt; non autem res vlla vehit equo, currui, quadrigis. Tène hoc dicere, ijs litteris, eâ eruditione virum? Ineptè igitur locutus est Quadrigarius Annal. vi. *Ei Consuli pater Proconsul obuiam in equo vehens venit, neque descendere voluit.* Liuius apud Carisium lib. ii. *Ibi manens sedeto, donicum videbis me carpento vehentem domum venisse.* Apul. i. Miles. *Equo per albo vehens.* Lamprius Elagabalo: *Quæ earum carpento, quæ equo veheret.*

* Ἀλλ' ὅ γ' ἄρ' πῶς ἐστὶν αὐτῷ πνεῦς ἐμμένει αἰετῶν

Ἀνδρῶν πῶς. —

* At nō est homini vigilanti perpetuū esse.

Humanum est labi, errare, nescire, decipi.

CAP. V.

De die Lustrico plura veterum scriptorum loca. Diverſus is pro ſexu. Ariſtoteles & Plautus explicati.

DE Lustrico die quod variè scriptum eſt, & αξιομνημόνικον videtur, hoc capite exequi, & vno velut faſce complecti mens eſt. Et, vt exordiar à Feſto, *Lustrici dies*, ait, *infantium appellantur, puellarum octauus, puerorum nonus, quia his luſtrantur, atque eis nomina imponuntur.* Ergo purgatur tunc luſtranturque, & ſpe bonâ iam vitæ, nomina imponuntur. Discrimen hoc in vtroque ſexu de die lustrico etiâ Plutarchus obſervauit in Quæſt. Rom. CII. Διὰ τὴν μὲν παίδων τοῖς ἄρρεσιν ἐνναταίρις, τοῖς δὲ θήλεισιν ὀγδαίαις τὰ ὀνόματα τίθεται; *Quare pueris maribus nono die, puellis octauo nomina imponunt?* & cauſas deinde ſuas addit. Idem Macrobius 1. Saturn. cap. xvi. *Eſt etiam Nundina Romanorum Dea, à nono die naſcentium nuncupata, qui luſtricus dicitur. Eſt autem luſtricus dies, quo luſtrantur, & nomen accipiunt: ſed is in maribus nonus, octauus eſt feminis.* M. Antoninus Imperator mutaffe videtur, ac triceſimum diem præfiniſſe. Ita enim Capitolinus de eo: *Iuſſit apud Præfectos ararij Saturni vnumquemque ciuium natos liberos profiteri, intra triceſimam diem nomine impoſito. Vbi tamen alij legunt, intra tertium diem.* Nomina autem hæc dare proximi ſæpè ſolent, qui ritus hodieque valet. Suetonius Neronis cap. vi. *Futura felicitatis ſignum euidentis luſtrico die exſtitit. Nam C. Ceſar, rogante ſorore, vt infanti ei, quod vellet, nomen daret, intuens Claudium, cuius dare ſe dixit. Vbi nomen pro prænomine capiendum, quia ipſa gentilia nomina certa ſemper eademque erant; at Prænomina modò mutabant.* Hoc ipſum de propinquis Polyænus indicat, Stratag. lib. vi. exemplo vi. de Iaſone, qui nato ſibi puero, primores Theſſalorum ad conuiuium vocauit, vt nomen puero imponeretur, atque in ijs fratrem Merionem, vt is primas in eo actu teneret. Imò totum hoc Romani à Græcis ſumpſere, cſi in die leuiter diſſidentes. Nam Græcis decimus erat qui iſtis nonus. Præter alios Suidas: Δεκάτῳ ἐς ἡμῶν. Εἴδος δὲ παίδων ſυγχρονωμένων τοῖς Ἀθηναίων ἀσθεὶς τῇ δεκάτῃ τῆς νυκτὸς ἀπὸ τῆς γενέσεως ſυγκαλεῖσθαι τοὺς πατρὸς &

ἔδος & μηδὲ οἰκίους καὶ τοὺς ἐγγύτατα φίλους, καὶ παρόντων ἐπείνων τὰ τ' ὀνόματα τοῖς παισὶ τίθεσθαι, καὶ καλιερεῖσθαι τοῖς θεοῖς. ἔπειτα τοὺς συνεληθότες δὴ καλεῖσθαι: *Decimam conuiuari*. Mos erat cū pueri nati essent Atticis ciuibus, *decimā noctium* à natali conuocari paternos maternosque cognatos & amicorum proximos, atque ijs præsentibus nomina pueris dare, & Dijs sacrificare; denique qui conuenissent conuiuari. Aristophanes in Auibus de hoc ritu:

Οὐκ ἄρτι θύω τῷ δεκάτῳ τούτης ἐγώ;

Καὶ τ' ἔνομ' ὡς περ παιδίῳ νῦν δὴ θέμις.

Non ergo decimam nunc sacrifico ob hanc ego?

Et nomen illi iam velut puero dedi.

Vbi Scholiastes: Σαφές ὅτι τὰ ὀνόματα τῶν παίδων ἐτίθεσαν τῇ δεκάτῃ. Notum quod nomina infantibus imposuerunt *decimā*. Sed & Euripides in Electrâ:

Ἦκεις, οἶμαι, τῶν ἐμῶν λοχιδμάτων.

Τέπων ὑπὲρ μου θύσον· ἐγὰρ οἶδ' ἐγώ.

Δεκάτῃ σελήνῃ παιδὸς, ὡς νομίζεται.

Et partionem audisti, opinor, tu meam.

Pro me sacrificā (ego ipsa ritum nescio)

Decimā puelli luce, sicut mos habet.

Ita isti. At Aristoteles de septimo die scribit, quod miremur. In Historiâ Animalium lib. vii. cap. vltimo: Τὰ πλείστα δὲ (παιδία) ἀναίρεται πρὸς τῆς ἐξδομῆς· διὸ καὶ τὰ ὀνόματα τότε τίθενται, ὡς πρὸς δούλους ἢ δὴ μᾶλλον, τῆς σωτηρίας. Plerique puerorum moriuntur ante diem septimum: ideoque & nomina tunc imponunt, tanquam iam de salute magis fidentes. Sed licet accipere tunc non ita strictè, nempe circa & post septimum diem. Plautus non mouebit, qui in Truculento, quasi ex more Græciæ:

Quin Dijs sacrificare hodie pro puero volo.

Quinto die quod fieri oportet. DIN. Censeo.

Nam illa sunt Amphidromia Græcorum, quinto die vsitata. de quibus Suidas, Hesychius & Athenæus. At nostra hæc sunt Nominalia ab illis diuersa. Dico Nominalia: nam & sic ille dies appellatus. In Glossis: *Nominalia, ὀνομαθισία*. Tertullianus de Idololatriâ cap. xvii. inter officia priuatarum sollennitatum recenset *Nuptialia, Nominalia*, quibus, vt mox significat, *nomen solet imponi*. Atque hæc de Lustrico die.

CAP. VI.

Quis Antiochus rex apud Plautum.

L Epidè & facetè à Plauto scriptum in Pœnulo:
 — vbi ego curer mollius,

Quàm regi Antiocho oculi curari solent.

Sed enim quæ causâ huius dicti? Lambinus & alij negant quicquam super hac re legisse. Ego videor aliquid, parum plenè, & ab Historico in rebus grauibus, ὡς ἐν παρόδῳ scriptum, tamen quod satis sit ad rei fidem. Antiochus Syriæ rex, Seleuci Callinici filius solitus ex oculis laborare, & vti medico Apollophane in his alijsque rebus magis arduis curandis. Colligimus ex Polybij v. vbi narrat Hermæ cædem, concinnante hoc medico & annuente rege patrata: Συμφερόντες, inquit, μὴ ταῦτα καὶ περιεαλόμενοι σῆψιν, ὡς σκοτωμάτων τινῶν ἐπιπεπρωκότων τῷ βασιλεῖ, τὴν μὲν περιερίαν ἀπέλυσαν ὅτι πῦρ ἡμέρας, & plura quæ addit. Sed ex his vides σκοτώμασι, id est, caligini oculorum obnoxium regem fuisse; & haud dubiè pro more Syriaco, sed & regio, mollissimè curatum. Nam, vt vel obtentus hic morbus insidijs (id enim aliquis fortasse dixerit) neque re, sed verbo malè Regi fuerit; vero tamen omnino simile est, iam antè eodem illo tentatum, fideique conciliandæ genus morbi simulasse & notum & familiare. Et quamquam τὸ σκότωμα pro δῖνῳ quoque, id est, vertigine sumitur; hîc tamen, & propriè quidem, hebetudinem visus atque caliginem significat. Idque post paullò modus curationis confirmat per motum & inambulationem matutinam, quæ ad oculariam ægritudinem proficiant; ad vertiginem non item: quemadmodum pro affectu, & eo quod inter nos est

Alternum sanctæ fœdus amicitie,

docuit me Lud. Nonnius, qui supra liberalem omnem doctrinam καὶ τὴν ἰατρικὴν à patre & auo maiorum gentium medicis velut iure hereditario possidet.

CAP. VII.

Restitutio loci Ciceroniani. Velia pro Villâ.

IN Oratione de Aruspicum responsis:

P. Valerio pro maximis in rempub. beneficijs data domus est in Villâ publicâ; at mihi in Palatio restituta: illi locus; at mihi etiam parietes atque tectum.

Sunt hæc à ratione & veritate longè auersa. Nam quomodo domus in domo sit data? cùm ipsa Villa publica ædificium fuerit, quemadmodum in nummis videre est: atque adeò in campo Martio, procul sanè à loco, vbi Valerius, consensu omnium, habitauit. Corrigebat Pantagathus, in *Vico publico*: Antonius Augustinus in *Viâ sacrâ*. Vtrumque, ἀέρι πλῆρη. Nec enim de vico illo potest verum esse, qui non in regione eâ Palatii, sed *altæ Semitæ*, vt descriptores Urbis memoriæ prodiderūt; & imposuit illi viro, cui tamen pleraque veterum litterarum quæsitæ meditataque erant, corrupta Liuij lectio. Non item de *Viâ sacrâ*, quia cū auctore nullo nititur, tum à libris nimium quantum abhorret. Ego meo remigio rem geram:

* Ὡς δὲ μοι φεγνέοντι δόξατο κέρδιον εἶναι,

* Sic inquirenti mihi visum relictius esse.

data domus est in Velia publica. Profectò ita res fuit. Cùm in summâ Velia ædificare Valerius cœpisset, idque suspectum populo, tanquam arcem moliretur, *confestim* (ait Liuius) *delata materia omnis infra Veliam, & vbi nunc Vica Potæ est, domus in infimo cliuo ædificata.* Et Asconius, an potius Varro, firmamentum addit. Nam Asconius in Pisonianam scribit, Varronem tradere, *P. Valerio Volesi filio Poplicolæ ades publicas sub Velia, vbi nunc ades Victoriæ est, populum ex lege, quam ipse tulerat, concessisse.* Vica Pota enim & Victoria eadem vna Dea. Docet hoc incomparabilis vir & nullo non præconio maior I. Lipsius lib. II. Quæstionum Epist. & Notis in Ludum Senecæ: atque etiam Isidorus, disertè scribens, *Viciam* antiquis dictam, quæ nunc Victoria est: in quo si *Vicam* rescribamus, habemus hanc Diuam. & in veteri codice legi, *Vitam* pro *Vicam*, quod est à *Vico*. Sic enim veteres dixere sine n: vt *Tago, Frago, Pugo.*

CAP. VIII.

In Cæsare compluscula correctiones.

Commentarios Cæsarianos multi studio doctrinæque præstantes homines illustrarunt; & nuperrimè quidem Ioannes Brantius vir clarissimus, & à iure ciuili, ab historiâ ac litteris politioribus benè instructus, Notis non modò suis illis perelegantibus & examussim bonis, sed etiam Petri Ciacconij, quas è schedis eius & liturarijs ingenti labore & industriâ collegit, in ordinem redegit, & vnâ vulgari curauit. Quo facto cùm studij propensæque in rem litterariam voluntatis illustre specimen dedit, tum magnam ab eruditis omnibus gratiam iniuit. Huius itaque, id est hominis πολὺ φιλάτε, ceterorùmque quibus obtigit ea Sparta, pace bonaque cum veniâ, carptim ego quædam & vellicatim è Cæsare libabo.

Hac re perspectâ Crassus, cùm suâ cunctatione atque opinione timidiore hostes, nostros milites alacriores ad pugnandum effecisset, atque omnium voces audirentur, exspectari diutius non oportere; cohortatus suos, ad hostium castra contendit.

Qui rem & filum narrationis videt, fatebitur contra mentem Cæsaris hæc scribi. Nam quomodo suâ cunctatione Crassus timorem hostibus, alacritatem suis daret? imò contrà prorsus; & detrectantes metum pati solent. Addo, quòd hostes hîc, non Crassus, cunctentur: atque adeò ipse eos vltro in castris sedentes inuasit. Fuluij liber, *sua cunctatio atque opinio: nihil pro re. ego sic emendabam: cùm suâ cunctorumque opinione timidiore hostes: & statim, numero plurium, effecissent.* Sententia nimis est clara. De bello ciuili lib. i.

Eadem ferè atque eisdem de rebus Prætor Roscius agit cum Cæsare, sibi que Pompeium commemorasse demonstrat.

Vir doctus haud iniuriâ resistit, & hæc verba culpat. Quid enim aliud eadem dicere, quàm, eisdem de rebus? Hoc est verè * δις τὸ αὐτὸ εἰπεῖν, quod meritò Comicus inscitiam appellat. Tentabam mēderi: *Eadem ferè, atque eisdem diebus.* vt hoc velit, non eadem solùm mandata Roscium pertulisse, sed eodem quoque tempore.

Quod

* Bis idem dicere.

Quod verum esse, ex Dione lib. XLI. & ipso hîc Cæsare discimus. Eodem libro:

Decuriones Auximi ad Actium Varum frequentes conueniunt, docent iudicij sui rem non esse: neque se, neque reliquos municipales pati posse, C. Cæsarem, tantis rebus gestis, opido mœnibusque prohiberi. Proinde habeat rationem posteritatis & periculi sui.

Nego hîc aptum esse posteritatis verbum: quia præsens istuc omne periculum imminebat, non in posterum expectabatur. Verius, *potestatis*. Callidè rogant scilicet, nec sine occultis minis: videat cogitètque, non quid velit solùm, sed quid etiam possit. sese vel inuito eo Cæsarem admissuros, nec esse ipsum resistendo. quid autem futurum sic deserto? Paullùm infrà:

*Gladiatores, quos ibi (Capuæ) Cæsar habebat, in forum productos Lentulus * libertati confirmat, atque ijs equos attribuit. quos* * Lips. libertate. *postea monitus à suis, quòd ea res omnium iudicio reprehendebatur, circum familiares conuentus Campaniæ, custodiæ causâ, distribuit.*

Implexè & morosè dictum videtur, *familiares conuentus Campaniæ*. Qui enim isti sunt? Cicero qui in locis vicinis, & tantum non in re præsenti fuit, liquidò ita narrat, vt gladiatores distributi modò sint in vrbe ipsâ. Verba eius lib. VII. ad Atticû Epist. XIV. *Gladiatores Cæsaris, qui Capuæ sunt, sanè commodè Pompeius distribuit, binos singulis patribus familiarum*. Non ergo temerè credimus per alios conuentus Campaniæ distributos. Mihi stat legere: *circum familias conuentus Campani*. Conuentum Campanum accipio ipsos incolas & corpus Capuæ vrbis. Sic conuentum *Vticensem* infrà nominat, sic conuentum *Cordubensem*: sic de hac ipsâ vrbe lib. III. *Periculum veritus, quòd conuentus arma ceperat*. Vide Festum de hac significatione in voce *Conuentus*: & Asconium, atque alios. Iam *Campanus* à Capuâ formatur, non *Capuanus*, quod Varro indicauit lib. IX. de L.L. Virgilius etiam:

Et Capys, hinc nomen Campanæ ducitur vrbi.

CAP. IX.

Oratio Ciceronis pro Sullâ duobus locis emendata.

GVitemus iterum aliquid è Tullianâ suadâ, Oratione pro Sullâ.

Ego verò quibus ornamentis aduersor tuis? aut cui dignitati vestrae repugno? quid est quod iam ab hoc expetas? Honor ad patrem, insignia honoris ad te delata sunt. Tu ornatus erumnis venis ad eum lacerandum, quem interemisti; ego iacentem & spoliatum defendo.

Haud paullò pulcrior meliôrque lectio è m. f. cruitur, in quo est: *Tu ornatus eximijs*. Liquet scribendum: *exuvijs*. Imago ab ijs est, qui in bello hostem peremptum armis & ornamentis spoliant, eâque sibi circumponunt. Tale pænè hoc Taciti: *Cùm ex funere Reip. raptis Consularibus spolijs, innoxios pueros, illustres senes, conspicuas feminas eadem ruinâ prosterneres.*

Et pro vulgatâ lectione;

Ecquod est huius factum aut commissum, non dicam audacius, sed quod cuiquam paullò minùs consideratum videretur, quero. Verbum ecquod vnquam ex huius ore excidit, vnde quisquam posset offendi?

longè concinnior pleniôrque libri eiusdem:

Ecquod est huius factum aut commissum, non dicam audacius, sed quod cuiquam paullò minùs consideratum videretur? Factum quero? Ecquod vnquam verbum ex huius ore excidit, vnde quisquam posset offendi?

CAP. X.

In Hirtio non parua rei coniectura, subam à Petreio casum; non, ut nunc vulgò legitur, hunc ab illo. Florus & Orosius obiter correcti.

IN Commentario de bello Africo locus est asper & confragosus, quem ὁμαλὸν & planum reddo.

Rex interim Iuba ab omnibus ciuitatibus exclusus, desperatâ salute, cum iam conatus esset cum Petreio, vt per virtutem interfecti esse viderentur, ferro inter se depugnant, atque firmior imbecilliorum Iuba Petreium facile ferro consumpsit. Deinde ipse sibi cum conaretur gladio traicere pectus, nec posset, precibus à seruo suo impetrauit, vt se interficeret.

In phrasi scrupulus, & in ipsâ historiâ, ob dissensum. De phrasi illâ, cum iam conatus esset, scio M. Antonium Muretum * τὸς ἑστὸν * Tam a-
 βάρ & παυδείας * rescribere, cum omnia conatus. Haud malè; ve-
 rum tamen, pace tanti viri, verius arbitror, cum iam cœnatus esset. * In Notis
 Nam ista post epulas euenisse Florus dicit: Iuba cum se recepisset ad Sen. De
 in regiam, magnificè epulatus cum Petreio. Sed & Appianus hoc fa- Prouid.
 ctum prodit ἐν τῇ διαίτῃ, in cœnaculo. Quod autem ad dissensum,
 noster hic à Iubâ vult Petreium interfectum, cum Florus & Li-
 uius contrâ. Ego verò nec opinor aliter ab Hirtio scriptum, &
 planè emendem, imbecilliorē Iubam Petreius. Arguunt sequen-
 tia sic fuisse, cum addit superstitem à seruo suo impetrasse. De
 homine Romano hoc benè, cui serui & liberti; vix de Rege, cui
 comites aut satellites potius tribuisset. Denique nemo Iubam
 à seruo cæsum tradidit; quidam mutuis eos ictibus perijsse. Se-
 neca ab hac parte, De Prouidentia: Jam Petreius & Iuba concur-
 rerunt, iacentque alter alterius manu cæsi. Item Appianus: Ἰόβας δὲ
 καὶ Πετρήϊος τῶν γυμνασίων πωδανέδροι, ἐν τῇ διαίτῃ ἐξέρεσι διερχόμενοι ἀλ-
 λήλοις: Iuba & Petreius eorum quæ euenerant gnari, in cœnaculo mutuò
 se interfecerunt. Apertè pro Senecâ, vt mirum sit Muretum scri-
 bere quòd ab Hirtio sentiat. Sed & Dio in hac sententiâ: Ἐπειδὴ
 μὴδ εἰς αὐτὸν ἐδέξατο, ἀπέγνω τε τὴν σωτηρίαν, καὶ τῶν Πετρήϊω μηδε-
 μίαν μὴδ' αὐτὸς ἐλπίδα ἀδείας ἔχοντι, ἐμονομάχησε καὶ σωμαπέθανε: Deinde
 cum nemo eum (Iubam) susciperet, & desperaret de salute, cum Pe-
 treio, qui nec ipse vsquam spem securitatis videret, singulari certami-
 ne concurrat, & vnâ cum illo mortuus est. Hæc ita isti; sed Hirtius
 aliter: ac Florus; Iuba cum se recepisset in regiam, magnificè epulatus
 cum Petreio fugæ comite, super mensas & pocula interficiendum se ei
 præbuit. Ille & regi suffecit & sibi. Obiter moneo, cum se recepis-
 set in regnum. nam regiam certè non fuit ingressus; neque in hac
 ea gesta, sed in villâ. Florus autem ait, Petreium sibi ipsi manus
 attulisse, cæso Iubâ, quod Hirtius negat: & credibile est, melius

hunc scisse. Hauferat hoc ipsum è Floro, de more suo, Orosius: Iuba percussori iugulum, pretio dato, præbuit. Petreius eodem se gladio perfodit. Sed planum & certum est, emendandum, iugulum Petreio præbuit; & Glossematium vel imperitia contaminauit. Altera falebra:

Quibus rebus Scipio, quique cum eo essent comites, mirari & requirere.

Superfit enim dictio, quam exturbat codex scriptus, hoc modo: quique cum eo essent, commirari & quærere. Compositum hoc usurpat, vt alia multa, Comicorum in morem.

CAP. XI.

Quibus victimis factum in Suouetaurilibus. Dionysius Halicarnass. emendatus.

Diuersæ olim victimæ pro genere sacrificij, proque Deo Deæve, cui fieret, adhibitæ fuerunt. Suouetaurilibus quidem, vt arbitror, eæ ipsæ quas vox notat & designat, Sus, Ovis, Taurus. Ne tamen hoc inter res iudicatas habeatur, facit dissensus Dionysij Halicarnassensis, qui sacrum hoc instruit *ταύρω καὶ κείῳ καὶ τράῳ*, tauro, ariete, hirco. Hircum videlicet pro sue supponit. Quid ergo? magis illi fides vni, quàm multis erit, bonis & priscis? Varro, cui talia satis exquisita sine dubio fuere, II. De re Rust. scribit: *Populus Romanus cum lustratur Suouetaurilibus, circumaguntur verres, aries, taurus*. Enimuerò & ille suam agnoscit, sed inarem, quem verrem appellat. Quid Fabius? *Souetaurilia iam persuasum est esse ex sue, oue, tauro*. Festus: *Solitaurilia hostiarum trium diuersi generis immolationem significant, tauri, arietis, verris*. Glossæ veteres: *Solitaurilia, θυσία ἐν σὺδς, κείῳ, ταύρω: Sacrificium ex sue, oue, tauro*. Asconius de lustris Censorio: *Solitaurilia sacrificium de sue, oue, tauro faciebant*. Quid quod etiam hodie Romæ in fornice Constantini plurimisque locis sacrum hoc specie trium istarum victimarum? Omnino Dionysij scriptio labare videtur, & fortasse Græcorum ei ritus in mente, apud quos interdum in tali sacro hircus. Suidas: *τριτύς, ἡ ἐντελής θυσία, ἐν σὺδς, κείῳ, καὶ τράῳ: Trittys, perfectum sacrificium, ex sue, oue, hirco*. At creberri-

mè ij-

mè ijdem aliter. imò ipsum illud Romanum iam inde ab Homero, Odyss. A.

Ρέξας ἱερὰ καλὰ Ποσειδάωνι ἄνακτι
 Ἀρνεῖόν, αὐτὸν τε, συνὼν τ' ὀπιθήσεται κάπρον.

Neptuno faciens sacra regi salsipotenti

Masculam ouem, & taurum, suis verremq; maritum.

Ibi tamen Eustathius varietatem ostendit. &, Ἰσέον, inquit, ὅτι ἡ τριαύτη θυσία, ξιττύα λέγεται παρα τοῖς παλαιοῖς, οἱ ξιττύαν ἔλεγον τὴν ἐν ξιῶν ζώων θυσίαν, οἷον δύο μῆλων καὶ βοῶς, ὡς ἐπίχαρμος, ἡ βοῶς καὶ αἰγὸς & περὶ αὐτὰ, ἡ κάπρον καὶ κριὲ καὶ ταύρου. Sciendum quòd tale sacrificium Trittya dicitur antiquis. qui ita vocabant ex tribus animalibus sacrum: sicut duarum ouium & vnus bouis, vt Epicharmus; aut bouis, capra, ouis; aut verris, arietis, tauri. Postremus hic ternio Homeri & noster est. Sicut idem in Hesychio: Τριττύαν, τριάδα, ἔνιοι θυσίαν κάπρον, κριὲ, αὐρὸν. Trittuan, triada, quidam sacrificium verris, arietis, tauri. Et ampliùs deinde: Τρίκτειρα ἢ ξιττύα, θυσία Ἐνυαλῶ. Θύεται δὲ πάντῃ ξία ἔνορχα: Τρίκτειρα siue Trittua, sacrificium Marti. Immolantur autem omnia tria cum suis testibus. Significat integra, neque abscissis virilibus (quod in alijs sacris solebat) immolata fuisse. Atque ideò Solitaurilia priscâ voce, quòd harum hostiarum omnium (verba Festi) inuiolati sunt tauri, quæ pars scilicet ceditur in castratione. Tauros appellat ipfas illas res viriles, vt in alijs exemplis. Sed notetur in Hesychij verbis, Marti factum sacrum. quod ipsum Dionysius: Ταὶ δὲ ἱερεῖα αὐτὰ ξίς περιαχθῆναι περὶ τὸ σεπτόπιδον κελύσας ἔθυσεν κατέχοντι τὸ πεδίον Ἀρεῖ. Eas verò victimas, ter circumductas exercitum, Marti immolauit. Sed quid igitur in dissensu pronuntiandum? Dionysij scriptorem (hoc malo, quàm ipsum) aberrasse videri; & κάπρον pro τράγω, verre pro hirco, substituendum.

C A P. XII.

Ciceroni læbes duæ deterfæ.

AD Ciceronem redimus, qui plurimùm nobis in mente & manu. In libris eius, quos emendatos censemus, legitur, pro M. Cælio:

Quo quidem tempore ille moriens, cum iam ceteris ex partibus oppressa

pressa mens esset, extremum sensum ad memoriam reipub. referuabat (vetus codex, reuocabat:) cum me intuens flentem, significabat interruptis atque morientibus vocibus, quanta impenderet procella vrbi, quanta tempestas ciuitati; & cum parietem sæpè feriens eum qui cum Q. Catulo fuerat ei communis, crebrò Catulum, sæpè me, sæpissimè remp. nominabat: Ut non tam se emori, quàm spoliari suo præsidio cum patriam tum etiam me doleret.

Quæ ille de Q. Metelli morte insidijs & fraude vxoris conciliatâ narrat, aptatque orationi planè ad suum casum. At quod dicit, *quanta impenderet procella vrbi*: haud germanum videtur, ex ipsâ re, quoniam bis idem dixerit, *vrbi, ciuitati*; & ex librorum dissensu. Quidam enim: *quanta impenderet procella sibi*. Fortè ciui. Moriens duo nempe hæc ominabatur & prædicebat: cladem ciui, id est Ciceroni, & cladem patriæ. Ita sensisse eum & dixisse Ciceronis verba satis clarè ostendunt; sed maximè ista: *spoliari suo præsidio cum patriam tum etiam me doleret*. Vulgatam tamen lectionem non utique reijcimus; nec ignoramus, inter urbem & ciuitatem discriminis aliquid esse. Pro C. Rabirio istud corrigo:

At Diæcetes fuit regius, & quidem in custodiâ etiam fuit regiâ, & vita eius oblata pœna est. multa præterea quæ libido regis, quæ necessitas coëgit ferre, pertulit.

Corrigo, inquam: *& vita eius ablata pœnè est*. Cicero ipse inferiùs: *Pertulit ipse custodiam, vidit in vinclis familiares suos, mors ob oculos sæpè versata est*. Coniectura, fateor, hæc est; sed apud æquum & cordatum lectorem satis firma. τὸ δὲ Μεγαρέων ἐδ εἰς λόγος. Fidentiùs vt loquar, facit assensus & approbatio R. P. Andreae Schotti; in quo viro, præter pietatem in Deum, animi candorem, humanitatem, & multam accuratamque doctrinam, inexplabile prorsus & incredibile quoddam studium rem litterariam omnimodis adiuuandi.

C A P. XIII.

De duplici Planti loco coniectura.

Planti Stichos:

Adeunt, perquirunt quid fiet causæ ilicò,

Alienum

Alienum æs cogat, an pararit prandium?

Vxorin' sit reddenda dos diuortio?

Curiosos ac πολυπερίμους notat, qui, si quis auctionem instituit, statim quærunt causas. Obruiturne ære alieno? an prandiū instituit? an ab vxore diuortit? & causæ quidem aliæ satis iustæ & idoneæ; illa remotior & παρὰ δόξαν, de prandio. Obsecro, vniúsne prandij causâ faciendâ auctio? valdè ille sit inanis atque inops, qui eo rem absumat. Certum est litteram mutatam, & primitus scriptum fuisse, *praidium*, id valet prædium. Causæ ferriæ sunt, non parasiticæ. Quærunt de ære alieno, de parato emptorve prædio, de dote reddendâ. Huic annotationi libet alteram ἐπιμέλειν, è Truculento:

A S. *Erubui mecastor misera propter clamorem tuum.*

S T. *Itâne erubuisti? quasi verò corpori reliqueris*

Tuo potestatem coloris tulli capiendi, mala.

Buccas rubricâ, cerâ omne corpus intinxti tibi.

Mirum de cerâ; magisque placeat, cretâ, quæ cum rubricâ aptè iungatur. Nam vterque color in vsu fæminis, quæ vitia corporis, vt Plautina ponam verba, *fucō occulunt*. Idem alibi per translationem:

Creta est profectò horum hominum mihi oratio.

quæ videlicet maculam & sorditudinē omnem animo absterfit.

C A P. XIV.

De verbo Populares quædam non protrita. Vox Populi latè patens. In Glossario vetere diuinitio.

V Agamur huc & illuc,

Floriferis vt apes in saltibus,

& erraticâ scribendi ratione varia libamus. Et nunc quidem super voce *Populares* adferre quædam mihi visum. Significantur eâ consortes & qui eiusdem cœtus factionisque sunt, ac velut vnius populi. Sallustius: *Catilina cum ad iusiurandum populares sceleris sui adigeret*. Seneca De vitâ beatâ: *Mea quidem hæc sententia est (inuitis hoc nostris popularibus dicam) sancta Epicurum & recta præcipere*. Populares vocat suos Stoïcos, in quibus & ipse censebatur.

batur. Sic idem Sallustius: *Quod factum primò populares coniurationis concusserat.* Iterúmque in Iugurthâ, et si paullò aliter: *Ani-
maduertit fugam ad se versum fieri, quæ res indicabat populares esse.*
id est, Romanos & suos milites. Et an non milites etiam inter-
pretemur? In Glossis legitur: *Populares, ὑπαίμαχοι.* Quod tamen
suspectum; & verius immisâ negatione, ὑπαίμαχοι: *non milites.*
Nam ita passim, medio vel inferiore æuo, distincti ferè à mili-
tibus, & pro plebeiis & infimo populo vsurpati. Capitolinus in
Antonino: *Pestilentia grauis multa millia & popularium & militum
interemit.* Spartianus in Nigrino: *Qui esset odio Senatoribus, mili-
tibus, prouincialibus, popularibus.* Vopiscus in Probo: *Immissi dein-
de populares (è plebe Romanâ) rapuit quisque quod voluit.* Ap-
puleius lib. IX. *Confususque miles de inertia suâ quidquam ad quem-
quam referre popularium, quosdam commilitones nactus istas tunc cla-
des enarrat.* D. Gregorius de Paullino Nolano: *Ego hunc tanti me-
riti virum, popularē, vt conspicitur, esse non suspicor.* Posset tamen &
in Glossis legi, *Populares, πατριῶται:* qui sunt eiusdem gentis aut
patriæ, vt sæpè. Quod autem initio dixi, pro consortibus aut v-
nius corporis capi, id causam habet, quia *Populi* vox latè olim
ita sonabat, & ad omne ferè corpus aut gregem pertinebat. Sic
in Manilio, lib. IV. de piscibus:

Littoribusque suis populos exponere captos.

Idem de auibus lib. V.

*Ipse quoque aërios populos cælique ducatum,
Alituumque genus, studium censusque vocabit.*

Columella de apibus: *Duo populi coniungi debent.* Appuleius de
formicis: *Ruunt aliæ superque aliæ sepedum populorum vndæ.*

C A P. XV.

Lux Hirtio.

IN Hirtio ita scriptum est Commentario VIII. belli Gallici:
*Fit deinde S. C^m vt ad bellum Parthicum legio vna à Cn Pom-
peio, altera à C. Cæsare, mitterentur: neq; obscure hæc duæ legiones
vni Cæsari detrahuntur. Nam Cn. Pompeius legionem Pri-
mam quam ad Cæsarem miserat confectam ex dilectu prouinciæ,
Cæsari*

Cæsari eam tanquam ex suo numero dedit. Cæsar tamen, cum de voluntate aduersariorum se exspoliari nemini dubium esset, Cn. Pompeio legionem remisit, & ex suo numero Decimam quintam, quam in Galliâ Citeriore habuerat, ex S. C.^{to} iubet tradi.

Obscurè & implicatè, nisi cum Fulvio legimus: *ex dilectu prouinciæ Cæsaris, eam tanquam*. Sed & explicanda res est. Cn. Pompeius in tumultu necis Clodianæ, legionem vnâ è Gallis Cisalpinis conscripserat: quam postea Cæsar in Galliæ magno motu ad se mitti petijt: quod ita narratur initio lib. VI. *Simul ab Cn. Pompeio Proconsule petit, quoniam ipse ad Urbem reip. causâ maneret, quos ex Cisalpinâ Galliâ Consulis sacramento rogasset, ad signa conuenire & ad se proficisci iuberet*. Vbi videtur legendum diuisim: *Consul is*. cum scilicet tertium Consul esset. Ergo hæc legio est, quam Pompeius suam numerat, quod fuerat à se lecta; Cæsar suam, quod in prouinciâ, cui præerat, collecta. Notamus etiam, quæ hîc Hirtio *Decimaquinta* est legio, manifestè Cæsari *Tertiam* esse & scribi lib. III. belli Ciuilis: *Erant in sinistro cornu Pompeij legiones duæ, traditæ à Cæsare initio dissensionis ex S. C. quarum vna Prima, altera Tertia appellabatur*. Qui hæc sine correctione composuerit, nã ille scit conciliaturas.

CAP. XVI.

Quintilianus locus in Declamat. purgatus.

Petrus Pythæus multimodis rem litterariam benè iuuit; non minimùm autem eò quod bonas & argutas illas Declamationes Quintilianus primus è tenebris eruit, & emendauit. In earum CCCXL. legas in ipso Themate:

Qui voluntate domini in libertate fuerit, liber sit. Mango nouitium puerum per publica rostra iecit prætextatum. dicitur ille liber.

Istud de publicis rostris suspiciosum, & quantum cernere mihi datur, haud sincerum est. Legebam: *per publicanos traiecit*. Et sententia hæc est: Mango, vt fraudem publicanis faceret, puerum venalem nouitium in prætextâ quasi liberum & ingenium

* inesti-
mabilis a-
micus.

traduxit. Fraus successit; sed lis oritur, & puer asseritur in liber-
tatem. Quod ad phrasim, omnino similis in Themate sequenti:
*Quidam rem furtiuam transtulit per publicanos. & prior illa ad aquas
& portum spectat: eoque aptum Traiiciendi verbum. Geminum
planè est, quod vir ingenio, virtute & eruditione nimium quan-
to præstabilis, meusque summus & prorsus ἀτίμητος φίλος*, Ioan-
nes VVouerius apud Suetonium legi monuit lib. De claris Rhe-
toribus: *Venalicij quum Brundisij gregem venalium è naui educerent,
formoso & pretioso puero, quòd portitores verebantur, bullam & præ-
textam togam imposuere: facillè fallaciam celarunt. Romam venit.
res cognita est: petitur puer, quòd domini voluntate fuerit liber, in
libertatem.*

CAP. XVII.

Quid Sinus togæ. Quinctilianus illustratus.


INcredibile est, quantum ad pleniorē antiquitatis notitiā
valeat obseruatio numorum, lapidum, aliorūque veterum
monimentorum. Equidem affirmare ausim, haud parū mul-
ta in scriptoribus esse, quæ vix aliter, quā ex illis cū intelligi
tum explicari rectè possint. Et inter ea, meo quidem animo, quæ
ex M. Fabio Quinctiliano, quā vestis modum Oratori præscri-
bit, hīc subieci.

*Est aliquid in amictu quod ipsum aliquatenus temporum condi-
tione mutatum est. Nam veteribus nulli sinus: perquā bre-
ues post illos fuerunt. Itaque etiam gestu necesse est vsos esse alio,
quorum brachium, sicut Græcorum, veste continebatur.*

Et paullò post:

1. Sinus decentissimus, si aliquanto supra imam togam fuerit, num-
quam certè sit inferior.
2. Ille qui sub humero dextro ad sini-
strum obliquè ducitur velut balteus, nec strangulet, nec fluat.
3. Pars togæ quæ postea imponitur, sit inferior: nam ita & se-
det melius & continetur.
4. Subducenda etiam pars aliqua
tunicæ, ne ad lacertum in actū redeat.
5. Tum sinus iniiciendus
humero, cuius extremam oram reieciſſe non dedecet.
6. Operiri
autem humerum cum toto iugulo non oportet: alioqui amictus fiet
angustus,

ICONISMVS STATVÆ TOGATÆ.



angustus, & dignitatem, quæ est in latitudine pectoris, perdet.
 7. *Sinistrum brachium eousque alleuandum est, vt quasi norma-*
lem illum angulum faciat. 8. *Super quod ora ex togâ duplex*
æqualiter sedeat.

Nam qui isti sinus? Lazarus Baïsius, quamquam ex professo de Re vestiariâ scribit, nullum de iis verbum. Et Antonius quidem Augustinus, etsi rerum veterum apprimè sciens, longius abit: Aldus verò Manutius accedit, remque ipsam tantum non attingit; sed non pariter atque alias res solet, leuiter satis atque defunctoriè. Quoniam autem hæc talia quò plenè animo & cogitatione comprehendantur, ante oculos contemplanda poni debent, ego per imagines interpretes id præstare conabor. Et, vt promissa repræsentem, ecce togæ recentioris cum sinibus exemplum; antiquioris citra sinus, & astrictæ, quoniam * alibi po-

* Infrâ
cap. xxx.
De mappa
missione.

nam, in præsentia præmittam. Pro explicatione notas adieci, quæ verbis Fabij respondent, & omnino satis habeo, quasi punctis hæc signasse. Neque enim

— *multam hîc operam consumere par est,*
 aut longos facere logos super eâ re, quæ melius oculis quàm auribus diiudicatur. Vnum tamen certum est indictum non amittere: quòd sinus hosce Manutius togæ, non attextos, sed appensos & assutos tradit, id nescio sanè, an ei dictarit * *δυάτηρ Ἀλάθεια* * Iouis fi-
Δίος, nec, vt ipsi Fidei, credendum hîc ei censeo. Quin affirmare ausim, sinum nihil quicquam à togâ seiunctum; sed partem eius, imò illam ipsam fuisse, in certum compositam atque replicatam modum. Dicerem, fortè etiam ita leuiter confutam atque concinnatam, vt eamdem ad faciem semper ferè esset. cuius instar hodièque in mulierum Hispaniensium & Italarum quarundam pallis, quas Mantos appellitant. Sed obstare Tertullianus videtur, qui suo æuo (nescio an superiore) cottidianam curam & reformationem adhibitam fuisse scribit.

* Iouis fi-
lia Veritas.

Inseratur Iconismus statua togata.

CAP. XVIII.

Medicina Linij duobus vulneribus.

* mollem
manum
admonebo.

Luium variè corruptum & auxilij egenum esse facilè animaduertet, quisquis in eo fuerit non indiligenter. Ego quibuldam locis * *μαλακὰν χεῖρα προσβαλῶμαι*, & medicinam facere conabor, Apolline, quod spero, propitio. Lib. xxi. narrat legatos Romanos ad castra Annibalis venisse, iuxta Saguntum variâ ludificatione tardatos, & deniq; non admissos. Adiungit:

Apparebat non admissos protinus Carthaginem ituros. litteras igitur nunciosque ad principes factionis Barchinæ præmittit, ut prepararent suorum animos, ne quid pars altera gratificari pro Romanis posset. Itaque præterquam quòd admissi auditiq; non sunt, ea quoque vana atque irrita legatio fuit. Hanno vnus, aduerso senatu, propter auctoritatem suam cum assensu audientium egit.

Negat ecce admissos. Adeone feroces igitur aut barbari Carthaginienses, ut nec legatos audirent? falsum, & statim infra scribitur: *Multò insensius arguebant locutum Hannonem, quàm Valerium Flaccum legatum Romanum.* Ergo admissi, auditi, ac dimissi. Et omnino tollenda negatio, legendumque: *præterquam quòd admissi auditiq; sunt.* Sensus est: Ea quoque legatio tam vana fuit & irrita, quàm illa ad Annibalem: nisi tamen quòd hîc admissi sunt & auditi. Sed cor mihi perfrigefacit quod sequitur, *cum assensu audientium egit.* Itane? cum assensu? Atqui paullò antè narrat, *aduerso senatu* dixisse. & paullò post: *Nemini omnium certare oratione cum Hannone necessum fuit, adeò propè omnis senatus Annibalis erat;* & quæ plura in hac refragatione subtexuntur. Quid agam? quomodo tragulam hanc deicero? Audendum est. Nam, ut ille verè scribit,

Timidus in rebus dubiis, nauci non erit.

& reponendum, *propter auctoritatem suam, non assensum audientium.* Hanno, inquit, silentio caussam egit Romanam, non quòd assentirentur, sed quia inueterata viri auctoritas hoc saltim iuris apud eos obtinebat.

CAP. XIX.

Valerio Maximo vox fugitiua restituta.

Valerius Maximus lib. I X. cap. XI.

Mithridates autem multo sceleratius, qui non cum fratre de paterno regno, sed cum ipso patre bellū de dominatione gessit.

Nemo quidem hoc de ipso Mithridate, sed de Pharnace eius filio, cum Dio tum Eutropius & Orosius. In libris priscis vidi, *Mithridatis autem*. Notulam inferre, & veritas emerget: *Mithridatis F. autem*. Ea valet filium, & ita signabant: quæ notula elapsa scelere Mithridatem, vitio Valerium inquinavit.

CAP. XX:

Antilogiam in Casare videri.

Offendimus in istis Cæsaris verbis Commentario III. Ciuilium:

Multi iam menses transierant, & hiems præcipitauerat: neque Brundisio naues legionisque ad Cæsarem veniebant.

Nam falsa videtur, imò *ἀόυστα* scribere. Ait transisse multos menses: ex quo scilicet copias suas Brundisio expectat. & addit, iam hiemem præcipitasse. quod est, in exitu & declinatione esse. Atqui pridie Nonas Ianuarias, id est mediâ ipsâ hieme, Cæsar Brundisio soluerat (ipse met ita scripsit) quomodo igitur vel ad ultimam hiemem multi menses? Solus sanè Februarius supererat. Res consideranti clara: sed quî soluimus aut medemur? Putarem legendum: *Multum iam mensis transierat*. siue ad ipsum hoc Ianuarium, siue & Februarium refers. Nam brevis scilicet traiectus ille ex Italiâ in Epirum: & Cæsar animo breuiorem faciebat; cui quælibet mora longa & molesta, ob cupidinem vincendi. Hæc ita probè dicta videntur; sed ad aliud ecce saxum nos fluctus ferunt. Nōne enim damnat & euertit quod eodem libro paullo suprâ? Hic fuit oppugnationis exitus, iamq; hiems appropinquaret, & tantis detrimentis acceptis Octavius, desperatâ expugnatione, Dyrrhachium sese ad Pompeium recepit. Hæc, inquam, antè narrat:

& si

& si tunc hiems demum appropinquabat, quomodo nunc in exitu? Quomodo etiam Cæsar Ianuario soluit, cum hæc narrentur postquam oram Italię soluisset? Caligo hîc mihi est, & omnino putem, vel malè, nec suo loco (quod alibi in his libris factum) hæc inserta, vel mendosè legi. Io. autem Rhellicanû miror, qui cuneum aliquem huic nodo quærens, per hiemem non tempus hibernum, sed tempestatem intelligi censet. quod sanè ποικιλιώ-
της, & ab huius scripti simplicitate perquàm alienum.

CAP. XXI.

In Livio vera scriptura reposita.

VBertim & λόγῳ quadam ἐμβολῇ Livius disputat, quid futurum, si Alexander Macedo in Italiam venisset. Atque ille pro Romanis pronuntiat, cum ob alias causas, tum ob vitia Regis.

Referre, inquit, in tanto rege piget superbam mutationem vestis, & desideratas humi iacentium adulationes, etiam victis Macedonibus graves, nedum victoribus.

Quo loco duo monenda. Primum, *humi iacentium adorationes*,
* *adoratio.* legendum videri. Nam * προσκύνσεις illa Persarum satis nota, & ritum hunc adorandi reges fuisse, non adulandi. Secundò, transposita verba esse, & præter Liuij mentem & præter verum. Anne victis Macedonibus graves ex adorationes? illi verò victores erant, nec video quod acumen aut quæ lingua hæc excuset. Cordi meo obsequar, & scribam: *etiam victis graves, nedum [Macedonibus] victoribus.* Fædè & serviles illę adorationes, inquit, vrebant angebántq; etiam victas gentes: quidni hanc victricem?

CAP. XXII.

*Quæsitum super loco Cæsaris. Curicta insula.
Appianus correctus.*

Commentario I I I. Ciuilium, in mandatis quæ Cæsar dat Vibullio pro pace:

*Illum ab Italiâ expulsum, amissâ Siciliâ, Sardinia, se morte Curionis & detrimento Africani exercitus tanto, militumque deditio-
ne ad Corcyram affectum.*

Quæ hæc deditio militum Iulianorum, ad Corcyram, & inter clades nobiles, haud facilè dixeris: imò nusquam in ipso Cæsare reperio, totaque ea pars deest. Itaque suspicio est, vitium esse, germanamque scriptionem, ad *Curictam*, insulam Illyrico obiacentem. Est enim clades illa ad oras Illyrici accepta, in quâ Antonius cum x v. cohortibus captus est ab Octavio & Libone Pompeianis. Nemo locum certiùs clariùsque expressit quàm Lucanus:

*Quà maris Hadriaci longas ferit unda Salonas,
Et tepidum in molles Zephyros excurrit Iader;
Illic bellaci confusus gente * Curetum,
Quos alit Hadriaco tellus circumflua ponto,
Clauditur extremâ residens Antonius ora.*

* Fortè,
Curitum.

Et plura, quæ historicâ fide (vt solet) addit. Ergo in *Curetum*, siue potius *Curitum* insulâ ea clades, vbi flumen Iader in mare exit, & iuxta Salonas. Est sanè in Ptolomæo Curicta insula eo tractu; sed longiusculè tamen à Salonis, ad occasum & interiora maris sita. Quod ipsum Lucanus videtur indicare, cum ponit ad partem, quâ in Zephyros (id est, occasum) Iader excurrit. Certè pro hac lectione quidam Flori vetus liber, vbi *Curictico* vel *Curitico* litore scriptum. Quod non rejiculum, cum & Plinio & Ptolomæo insula hæc *Curicta* nominata. Reliquum est, vt in Appiano manifestarium hîc errorem ostendam, I I. Ε'μφυλίων: Καὶ τ' αὐτῶν ἡμερᾶν Ἀντωνίος τε περὶ τ' Ἰλλυρίδα ἡσαντο ὑπὸ Ὀκταβίῳ Δολαβέλλᾳ Πομπηϊῶ στρατηγούῳτος: *Isdem diebus Antonius apud Illyricam oram victus est ab Octavio Dolabellâ, Pompeij legato.* Falsò planè: quasi idem Octavius qui Dolabella. Atqui seiungendi sunt, & Dolabella in Iulianis partibus fuit. Itaque talis aliqua lectio in Appiano substituenda: Ἀντωνίος τε καὶ Δολαβέλλα περὶ τ' Ἰλλ. *Antonius & Dolabella apud Ill. voce in suum locum retractâ.* Nam Dolabella (quod in Orofio legas, libro v i. cap. x v.) ab Octavio victus ad Antonium fugerat.

CAP. XXIII.

Linus de opinione emendatus.

** valde artificiosè & accuratè.* **A** Nnibalis illa concio ad milites ante pugnam ad Ticinum, facunda est, & * *μελα' τεχνικῶς καὶ ὁμοιόφρων* facta, ac fortè pro Annibale nimis. In eâ hæc quoque leguntur:

Non ego illud parui æstimo, milites, quòd nemo vestrum est, cuius non ante oculos ipse sæpè militare aliquod ediderim facinus, cui non idem ego virtutis spectator ac testis notata temporibus locisque referre sua possim decora: tum laudastis me milites, donastis. Alumnus prius omnium vestrum quàm Imperator, procedam acie aduersus ignotos inter se ignorantésque.

Sed fatin' aut integra, aut pura? illa certè non videntur: *tum laudastis me milites, donastis.* Quid donauerint? an munera accipere à militibus Imperator solet? imò dare. Si non aliquid deficit, legerim in hanc mentem: *donati estis.* Duo recensuit: Et ego, inquit, fortiter sæpè feci vobis spectantibus, & vos me. Laudem igitur à vobis accepi, præmium vnicum ducibus; & vos dona à me ex militiae more.

CAP. XXIV.

Vocula Cæsari reddita. AErarium sanctius ab eo apertum.

Commentario Cæsaris I. De bello ciuili locus est, nisi glaucoma mihi ob oculos obiecta, mutilus & mendosus. *Quibus rebus Romam nuntiatis, tantus repente terror inuasit, ut cum Lentulus Consul ad aperiendum ærarium venisset, ad pecuniam Pompeio ex S. C^{to} proferendam, protinus aperto sanctiore ærario ex vrbe profugeret. Cæsar enim aduentare, iam iamque adesse eius equites falsò nuntiabantur.*

Agite dum, excutite mecum & euentilate. Testimonia desunt aperti à Lentulo & Pompeianis ærarij; imò in diuersum potius eunt. Dio Cassius lib. XL I. clausum ærarium à Consulibus narrat, & claues vnà ablatas: *Quasi, inquit, Cæsar secures non haberet*

beret ad perfringendum. Idem & Cicero tangit Ep. xii. lib. vii. ad Att. Nec Cæsarem rerum prolatio, nec Senatus magistratuumque discessio, nec ærarium clausum tardabit. Et idem Epist. xv. queritur, pecuniam omnem, non modò priuatam, quæ in vrbe est, sed etiam publicam, quæ in ærario, Cæsari relictam. At enim rediit, inquires, postea Lentulus, & aperuit. Hoc præter Cæsarem indicare Cicero videtur, Epist. xx. eiusdem libri vii. Id. Febr. Capuam C. Cassius Tribun. pl. venit: attulit mandata ad Consules, vt Romam venirent, pecuniam de sanctiore ærario auferrent. Sed si verba, quæ sequuntur, consideres, videbitur contrà. Ostendit enim periculum: &, Redeant? inquit: quo præsidio? deinde exeant? quis sinat? Consul ei rescripsit, vt priùs ipse in Picenum. Ergo Pompeij quidem hæc mens & desiderium fuit: vix est, vt arbitrer patratum. Cicero, qui dies & gesta diligentissimè recenset, non id ostendit, neque alius historicorum. Quid quòd palàm contradicunt? Nam consensu narrant, Cæsarem in reditu à Brundisio ærarium, obsistente Metello, perfregisse, compilasse. Ita Dio, Plutarchus, Appianus, Lucanus: & pecuniæ etiam summas Plinius lib. xxxiii. cap. iiii. Orosius lib. vi. cap. xv. (etsi numero impari) conceperunt. Sed iterum fortasse quispiam dixerit, Sanctius modò ærarium, vt Cæsar hîc scribit, à Lentulo apertum; at alterum à Cæsare. Sed & is factius nihilo facit. Nam in publico siue exposito non adeò magna vis auri propter assiduos sumptus: & constat Cæsarem intactas & reconditas populi opes abstulisse, quæ sine dubio in ærario sanctiori. Difertè, vt Appianum & alios præteream, Lucanus:

*Protinus abduçto patuerunt templa Metello.
Tunc rupes Tarpeia sonat, magnoque reclusas
Testatur stridore fores: tunc conditus imo
Eruitur templo multis intactus ab annis
Romani census populi: quem Punica bella,
Quem dederat Perses, quem victi præda Philippi:
Quod tibi Roma fugâ Pyrrhus trepidante reliquit,
Quo te Fabricius Regi non vendidit auro:
Quicquid parcorum mores seruastis auorum:
Quod dites Asia populi misere tributum,
Victoriq; dedit Minoia Creta Metello:*

*Quod Cato longinqua vexit super æquora Cyp̄o.
Tunc Orientis opes, captorumque vltima regum,
Quæ Pompeianis prælata est gaz a triumphis
Egeritur: tristi spoliantur templa rapinâ,
Pauperiorque fuit tunc primum Cæsare Roma.*

Sed & Florus lib. I v. cap. I I. *Ærarium quoque sanctum, quia tardiùs aperiebant Tribuni, iussit effringi.* Paullus Manutius vidit hanc antilogiam, & tollere conatus est. Verùm nihil agit, & vt Comicum hoc vsurpem, inanilogus est, isto suo de triplici ærario commento. quasi videlicet vnum triumphale fuisset, in quo pecunia manubiarum & spoliolum: alterum, in quo aurum vicesimarium, idque sanctius: tertium, in quo annua vectigalium pecunia: medium autem illud apertum à Lentulo, primum siue triumphale à Cæsare. Sed ego

Numquam istud dixim neque animum inducam meum.

Quis enim auctor de triplici ærario? Quæ etiam mens aut stultitia Lentuli, modicum aliquid auri abripere, gazas & massas intactas relinquere? Adde dissensum Flori.

* Nunc dicam, nobis quod rectius esse videtur.

* Νῦν δ' αὖ τ' ἔρπειω, ὥς μοι δοκεῖ εἶναι δεῖσα.

in Cæsaris nempe verbis mendum aut defectum potius esse, & interpositâ negatione legendum, *protinus non aperto*. Constat quidem venisse eo fine Lentulum (ex Cæsare hîc & Cicerone:) sed ex verbis item ipsis Cæsaris & narratione, trepidè nimis au-fugisse, & re infectâ, videtur. Verumtamen hîc nisi de opinione nihil certum dico, & Academicâ lege, ἐπέχω.

CAP. XXV.

Liuij & Silij ἀβλεψία.

Absolui Liuius non potest, ita scribens, lib. XX I.

Saguntum vt caperetur, quid per octo menses periculi, quid laboris exhaustum esse? Romam orbis terrarum caput petentibus, quidquam adeò asperum atque arduum videri, quod inceptum moretur?

Verba Annibalis sunt, qui milites suos territos & detrectantes porrò ire ob infames illas Alpes, incitat atque adhortatur. Saguntum,

guntum, inquit, cum præmium peteretur, octo menses eam obsedistis, oppugnastis; piget transcendere hos montes, cum Roma ipsa futura merces sit? Cetera appositè & disertè; sed quòd Romam *orbis terrarum caput* hîc Annibal appellat, quis id feret? A decoro valde ea laudatio abit (præsertim cum hostis) & magis à vero. An enim illo æuo Roma terris caput? imò nec toti Italiæ, Gallis Cisalpinis & Liguribus etiamnum restantibus: & extra eam vix quicquam firmiter in potestate suâ ac ditione habuit, præter Sardiniam & Siciliæ partem. En dominam orbis! Peccauit igitur Liuius, eiûsque exemplo Silius, qui eundem Annibalem adhortantem suos facit sub pugnam Cannensem, lib. IX.

——— *Raptor per sæcula longa*

Dardanus edomitum vobis spoliauerit orbem.

Minimè verò: paupertina tunc Roma, neq; dum in illud spoliarium cruentæ exuuiæ congestæ edomiti orbis. Vterque æuum suum pro veteri, cum hæc scriberet, mente complexus est: quæque essent vera & apta, si ab ipsis dicerentur; desinunt esse talia, cum ad priscos illos relegantur.

C A P. XXVI.

Curtij numeralis error de exercitu Darij.

ERrorum in libris magna seges & materia numerales notæ. nec ratio scruposa est, tam procliui librariorum circa eas lapsu. Manifesta res est, tum multis è locis, tum ex isto Q. Curtij, quo numerat copias Darij, quas in Ciliciam duxit contra Alexandrum, Lib. III.

Vniuersas vires in conspectum dedit, & circumdato vallo, quod decies centenùm millium armatorum multitudinem caperet, Xerxis exemplo numerum copiarum iniit.

Hæc ita recentiores libri, cum prisci præferant, *decem millium armatorum*. Neutri fideliter, quòd & hi minuunt valde, & illi nimium quantum augent. Enimuerò grandis ille numerus vanus & * ἀδόξος: quæ vel ipse Curtius refellat, vbi de copiis Darij ad Arbela: *Dimidio fermè maior exercitus erat, quàm in Ciliciâ fuerat.* ^{* inopinabilis.}

* magna
nuga.

Ergone ille vices centenûm millium? * *λίγες πολὺς.* imò *οὐδὲν* gentorum millium peditum, ducentorum millium equitum, ex Diodori fide. Quem eundem si audimus in priore numero (quod ipsius exemplo Curtij faciamus, qui multa ab illo mutuatur) si, inquam, audimus, emendabimus in Curtianis, *sexies centenûm millium.* Tot enim in Ciliciâ ille numerat; at Arrianus tantum *millia quingenta.* Curtij summæ, quas distinctè subiicit, hunc ipsum numerum non efficiunt; nec eæ scilicet correctæ.

CAP. XXVII.

Antilogia suspicio ab Hirtio & Suetonio segregata.

AD pacem inter scriptores conciliandam nihil profectò videtur efficacius, quàm diligens observatio distinctiō-que temporum, eoque potissimùm remedio quicquid inter Hirtium & Suetonium dissensionis ac dissidij vir doctus esse censuit, omnino tolli componique posse existimo. Verba sunt & querelæ Cæsaris Commentario *V I I I.* Gallicorum:

Ereptum Ser. Galbæ Consulatum, cùm is multò plus gratiâ & suffragiis valuisset, quòd sibi coniunctus & familiaritate & necessitudine legationis esset.

Si verè hæc & ex animo Cæsar, quid ita Suetonius in Galbâ, cap. *I I I.* causam huius repulsæ in ipsum Cæsarem transfert? Nam ait: *Eius Galbæ nepos* (hic ipse noster) *ob repulsam Consulatus insensius Julio Cæsari, cuius legatus in Galliis fuerat, conspiravit cum Cassio & Bruto.* Apparet iniuriam hanc à Cæsare illatam, atq; adeò Galbam eius cæde se vindicasse. Hoc & Cicero indicat Philippicâ *X I I I.* vbi hæc verba ex epistolâ M. Antonij: *SER. GALBAM EODEM PUGIONE SVCCINCTVM IN CASTRIS VIDETIS.* Subiicit Cicero: *Nihil tibi de Galbâ respondeo, fortissimo & constantissimo ciue. coràm aderit, præsens tibi ipse, & ille, quem insimulas, pugio respondebit.* Nam pugionem hunc intellegit, quo Cæsarem interfecit. Quis litem hanc dirimat & incêdat? Tempora distinguenda sunt. Prior enim illa repulsa euenit, cùm Cæsar in Galliâ: quod ex narratione Hirtianâ constat; hæc posterior, Cæsare iam Dictatore, & rerum honorumque potente.

Cùm

Cum igitur tunc magistratus ordinaret, Galbam iterum petentem distulit aut reiecit. quod ei sic perdoluit, ut in necem Cæsaris cum Cassio conspiraret: illo Cassio, qui ipse ob causam similem, ut Velleius memoriae prodidit, cum Bruto coniurationis auctor. Designat posterius hoc tempus vno verbo Suetonius, cum ait: *cuius legatus fuerat*. non ergo nunc erat, cum secundo petebat.

CAP. XXIX.

Linij locus corrigitur & declaratur.

QUod in Liuij XXII. legitur, *Celtiberi principes, qui regionis suæ legatos obsidesque dederant Romanis, nuntio misso excitati à Scipione arma capiunt.* in tenebris aut in vitio est. Nam qui isti regionis Legati? Ioh. Saxonus in suis ad Liuium notis explicat *Vicarios*, & quos vulgò dicimus *Locum-tenentes*. Apage, non sic Latini. Liber scriptus ex parte subuenit, qui habet traiectis vocibus: *Celtiberi, qui principes regionis suæ.* ut non legati regionis, sed principes sint. Sed, ut diximus, ex parte: quia suspectum etiam & durum, *Dare legatos*. Obsides sanè damus, at illos mittimus. Velim: *qui principes regionis suæ legarant, obsidesque dederant.* Duo commemorat amicitiae & foederis signa. Celtiberi, inquit, primores gentis suæ legatos miserant, & obsides quoque præterea dederant. Hæc autem legatorum missio supra indicata his verbis: *Reditumque in citeriora prouinciæ, quò omnium populorum qui Iberum accolunt, multorum & vltimæ Hispaniæ legati venerunt.*

CAP. XXIX.

Vitium in Curtio animaduersum. Roxanem Oaxatris, non Cohortani filiam fuisse.

EGO iam diu mecum disputo, & Homeri verbis,

* ———— καὶ φρένα μεμπύλλω,

* Studiosè
in pectore
verso.

quid ita Roxanem Cohortani Satrapæ filiam Q. Curtius faciat, quam

quam alij consensu Oxatris vel Oxyartis. Verba eius sunt hæc, libro VIII.

Inde peruenit in regionem, cui Cohortanus Satrapes nobilis præerat, qui se regis potestati fideique permisit. Ille imperio ei reddito, haud amplius, quàm vt duo ex tribus filij secum militarent, exegit. Satrapes etiam eum, qui penes ipsum relinquebatur, tradit. Barbarâ opulentiâ conuiuium, quoniam regem accipiebat, instruxerat. Id cum multâ comitate celebraret, introduci xxx. nobiles virgines iussit: inter quas erat filia eius Roxane eximiâ corporis specie & decore habitus in barbaris raro.

Vides ex contextu & serie, palàm appellari Roxanem. Atqui Arrianus cautus & veri diligens historicus ita scribit: καὶ τὴν Ὀξάρτην πατρὸς τοῦ βασιλέως, ἥντιν οὐκ ἔδειξε, ὡς ἔδειξε, ὡς ἔδειξε: *Erat Oxyartis filia virgo iam viro matura, Roxane dicta. Atque adeò Alexander apud Curtium lib. x. Ergo ipse Oxatris Persæ filiam mecum in matrimonio iunxi, non dedignatus ex captiuâ liberos tollere. Iterumque Curtius indicat, lib. ix. Oxatres Prætor Bactrianorum non absolutus modò, sed etiam iure amoris, amplioris imperij donatus est finibus. Vbi Curtius sanè quàm eleganter ius amoris dicit, quia non ex merito promotus, sed ab hoc in filiam affectu. Quid igitur? illum pro Cohortano substituiamus? temerarium sit & falsum. Nam quæ hîc narrantur non congruunt Oxyarti, qui iam diu in fide regis. Puto hiatum aliquem & defectum esse, & post illa de Cohortano narrationem fuisse de Oxatris comitate & conuiuium, cuius causa siue occasio deest. Ponamus igitur ἐκλείψας notam inter hæc verba: tradit * barbarâ opulentiâ. Nam vt aliter nunc suppetias feram, non est copia.*

C A P. XXX.

De Circo & mappa missione.

QUod à Pyrrho Ligorio, ceterisque qui Circum delinearunt & descripserunt, aut perperam expressum aut prætermisum est, in præsentia monendum existimaui: dexteram videlicet eius partem spatium occupasse latius quàm sinistram. Vidimus in eo, qui iuxta viam Appiam est vnus omnium, qui
fuere,

ICONISMVS CIRCENSIVM ET MISSIONIS MAPPÆ.



Corn. Galle sculp.

fuere, maximè integer; & aliquantum submirati, caussam anquirere cœpimus, mōxque inuenisse visi sumus. Procurſionis nempe initium hinc fiebat, plurēsque simul quadrigæ effundebantur. has autem, vbi longiùs prouherentur, diſiungi neceſſe erat; atque ita, aliis ante alias emicantibus, anguſtiora facilè ſpatia ſufficiebant.

Irroborauit etiam inueterauitque paulatim opinio, Præto-rem Editorémve, vt ſignum committendorum Circenſium daret, ingentem vtraque manu mappam miſiſſe, eoque modo Ligorius depinxit. Verùm hæc ſollicitat Lapis antiquus apud portam Nomentanam, vbi id ipſum fit vnâ tantùm manu, linteolũque ſiue mappula ſimbriata, mucciniĩ inſtar, excutitur atque mittitur. Sed ellum, vt verba compendi faciamus, & oculis certiùs dijudicemus.

Inſerendus hîc ꝑconismus miſſionis mappa.

C A P. XXXI.

Deſperatus & depositus Liuij locus ſanatus.

IN Liuiio, lib. XXI.

Conſules M. Atilius Regulus, Cn. Seruilius Geminus, exercitu accepto, hibernaculis maturè communis (tum enim autumnus tempus erat) Fabij artibus cum ſummâ inter ſe concordia bellum geſſerunt.

Mira & prodigioſa hîc ſcriptio veterum librorum: *M. Atilius Fabianus, Cn. Seruilius Muſicanus*, aut *Nuſitanus*. Nec aliter etiam antiquitus excuſi. Glareanus & Sigonius, tam multi in ſtudiis ac celebrati nominis, non hîc par ceteris factis ſuis fecere; & audacter potiùs, quàm feliciter, hæc quæ habemus ſubſtituerunt. Non enim illa cognomina Conſulum, inquiunt, vt è Faſtis patet. Fateor; ſed nōne tamen attentius cogitandum erat ſuper librorum pertinace illo conſenſu? Ego non is homo ſum qui ſciam

E

diuini-

* Arist. vii
Eudemio-
rum.

* pruden-
tium & sa-
pientium
velocē esse
diuination-
em.

diuinitus; neque me fugit quod summus ille * Sophus scripsit,
* φερσίμων κ' σοφῶν (à quibus me titulis longissimè abesse scio)
ταχέϊαν εἶναι τὸ μαντικὴν dicam tamen quod in mentem mihi venit,
& eruditis, vt spero, viris approbantibus rescribam; *M. Atilius*
Fabiano, Cn. Seruilius Minuciano exercitu accepto. Consules nem-
pe pro more veteri copias inter se diuiserunt, & Atilius quidem
Fabianum exercitum accepit, Seruilius Minucianum. Ista au-
tem diuisio paullò antè inter duos Dictatores facta: *cùm prima*
& quarta legio Minutio, secunda & tertia Fabio euenerunt. Ita enim
Liuius ipse suprà. Nihil alienius ingenio meo quàm iactantia &

* magnilo-
quentia.

* Non est se
supra vires
iactare de-
orum.

* dextrè &
eluciter.

* μεγαληγορία, satisque commemini Poëtæ monitum,

* ——— εἰ καλὸν ὑπέρβιον εὐχετάσθαι.

non verebor tamen dicere * εὐσέχως κ' δεξιῶς, præ quàm aliis fuit,
hunc locum à me tentatum videri.

CAP. XXXII.

Conatus in duobus Hirtij locis emaculandis.

Hirtius de bello Alexandrino, vbi raponem illum Longi-
num describit:

*Pecunie locupletibus imperabantur, quas Longinus sibi expensas
ferri non tantum patiebatur, sed etiam cogebat. in gregem locu-
pletium simultatum causse tenues coniiciebantur, neque vllum
genus questus pratermittebatur.*

Dictio *simultatum* huic sententiæ non satis apposita videtur.
Scribo: *multarum*. Cassius Longinus, inquit, tenues aliquas &
leuiculas causas diuitibus impingebat, ob quas certâ pecuniâ
eos multaret. Non item ad palatum meum est hoc eodem
libro:

*Nam neque interfectis amissam vitam, neque exsecutis virilita-
tem restituere posse. quod quidem supplicium grauius morte ci-
ues Romani subiissent.*

Quæ verba Cæsaris sunt sæuitiam Pharnaci meritissimò obie-
ctantis. Nónne verò nihili & vacuum ibi verbum est, *amissam*?
mihi quidem videtur; & si quid tale addendum, aptius fore,
ereptam.

*ereptam. Ut coniecturam tamen meam iterum promam, libenter rescribam: interfectis Amisi vitam. Historiam hoc illustret atque factum, de quo Appianus I I. Εμφυλίων: Αμισὸν πόλιν ἐν τῇ Πόντῳ ῥωμαίζουσαν ἐξελθραπόδισο, καὶ τοῖς παῖδας αὐτῶν τομίας ἐποίησατο πάντας. Amisum Ponti urbem ad Romanos inclinantem diripuit, in seruitutem ciuibus abductis: eorumque liberos omnes exsecuit. Tamen fluctuat mihi animus, & * ἐν εἰδῶς, ἀλλὰ εἰκάζων, id dico.*

** non probè
sciens, sed
coniecturâ
ductus.*

CAP. XXXIII.

Q. Curtius aliquoties castigatus.

Philotas coniurationis reus forti sanè & facundâ oratione apud Q. Curtium causam suam agit. In eâ hæc quoque exstant:

Non mehercule ista me magis ledunt, quàm quòd Amyntas Perdiccæ filius insidiatus est regi. cum quo quòd amicitia fuerit mihi, non recuso defendere, si fratrem regis non oportuit diligere à nobis.

Legendum censeo: *non recuso dependere.* litterulâ immutatâ, sed longè commodiore sensu. Ego paratus sum, inquit, luere hanc culpam, & pœnas pendere, si nefas amare eum, quem rex amat. In Alexandri quoque oratione, quâ Philotam culpat, scriptum vitiosè:

Deum providentiâ & misericordiâ viuo, conspectusque vestri venerabilis coëgit, ut vehementius parricidis irascerer, quoniam spiritus, imò vnus vitæ meæ fructus est, tot fortissimis viris & de me optimè meritis referre adhuc gratiam posse.

Nam τὸ *spiritus* * ὑπονοθεῖ, libenterq; verbum vicarium ei dem, *supremus.* Ἀνέφελον hoc & clarum. In extremo verò libro, re-
tectâ iam & oppressâ coniuratione, quasi acclamationem & epi-
phonema auctor addit:

Magno non salutis, sed etiam vitæ periculo liberatus erat Alexander. Quippe Parmenio & Philotas principes amicorum, nisi palàm fontes, sine indignatione totius exercitus non potuissent damnari. Itaque anceps quæstio fuit. Dum inficiatus est faci-

nus, crudeliter torqueri videbatur; post confessionem ne amicorum quidem misericordiam meruit.

Sordent squalentque hæc verba: *magno non salutis, sed etiam vitæ periculo.* An enim salus & vita diuersa? non priscis quidem Latinis. Quare rescribendum autumo: *non salutis, sed & inuidiæ.* Alexander, inquit, non solum salutis & capitis discrimen effugit, sed etiam inuidiæ & calumniarum flammam, per confessionem hanc Philotæ. Fortè etiam rectius legatur: *Ita cum anceps quæstio fuit, dum inficiatus est facinus, crudeliter.* Sed non temerè affirmo.

CAP. XXXIV.

Quid Abacus & Delphica: quando Romam & unde aduecti: quâ materiâ: quomodo vasa in iis disposita. In Plinio coniectura.

FAtendum est, ab Asiâ Græciâque cultum & elegantiam manasse; nec artes inde solum & disciplinas, sed suppellectilem quoque lautiolem ac magnificentiæ choragium, Romanos accepisse. Quædam huius generis ab historicis nominantur. Liuius lib. xxxix. de triumpho Manlij ex Asiâ & Gallo-Græciâ, deque eius militibus: *¶ primum plagulas & alia textilia, & quæ tum magnificæ suppellectilis habebantur, monopodia & abacos Romam aduexerunt.* Et Plinius libro xxxiv. cap. iii. *Triclinia ærata abacosque & monopodia (n. Manlium, Asiâ deuictâ, primum inuenisse triumpho L. Piso auctor est. Vbi legendum, ὡς ἐν παλαιῶ τετρί λέξω, inuexisse.* Romam enim ille modò transtulit, & diu antè nota hæc Asiaticis & inuenta. Quid autem per *Abacum* hîc intelligitur? non aliud quàm mensula minor, quæ seorsim ad cenaculi latus stabat, poculis & vasis ad potum ferendis. Apertè hunc usum Cicero ostendit, in Verr. *Abaci vasa omnia, uti exposita fuerant, abstulit.* Plinius libro xxxv. cap. ii. narrat, in triumpho Pompeij de Asiâ & Ponto translata vasa ex gemmis & auro abacorum nouem: id est, quæ vel abacos nouem implerent. Nominat Sidonius lib. ii. *In hac (cenatiunculâ) stibadium & nitens abacus.* Cur *nitens*? quia ex marmore, argento, auro, aliâve materiâ pretio-

pretiosiore factus. Vulgò quidē è marmore. Id Horatius voluit:

—— *Lapis albus*

Pocula cum cyatho duo sustinet. —

Ibi Scholiastes vetus: *Mensa marmorea, quam Delphicam vocant.* Sed ex rariore etiam materiâ apud diuites: vt Plinius notat de Murrhinis: *Protinus ad hominum vsum transiere, abacis etiam escariisque vasis inde expetitis.* etsi veriùs fortasse ibi scribatur, *abaci etiam*: vt significet non ipsos abacos, sed eorum vasa (quod palàm est) item escaria ex murrhinis concinnata. Sed notandum in Scholiaste Horatiano, idem *Abacum & Delphicam* esse: quod ipsum Iuuenalis Scholiastes in illud,

—— *Vrceoli sex*

Ornamentum abaci.

Quod nos, inquit, Delphicam dicimus. Itaque recepta & vsitata vox *Delphica*. Vnde nomen? an quia Delphis eiusmodi mensulæ, in quibus exposita donaria, Apollini sacræ? Sanè quod Plutarchus in Solone & Laërtius in Thalete *Finoda* aureum appellarunt, qui nimirum sapientissimo daretur, id Valerius in ipsâ eâ historiâ *auream mensam Delphicâ* dixit. Ea vox etiam in Martiale:

Argentum atque aurum non simplex Delphica portat.

Significat, vel operosum abacum, nec è simplice soloq; marmore, vel non vnum, sed plures pro copiâ poculorum, in diuite hac domo fuisse. Sidonius indicat, strui per loculamenta in iis vasa solere:

Nec per multiplices, abaco splendente, cauernas,

Argenti nigri pondera defodiam.

Qui mos adhuc seruetur, ac ministerij hæc vasa per gradus, & ordine disponuntur. Agroëtius vetus Grammaticus scribit per paria solemne fuisse collocari: *In Delphicâ, inquit, comparia vasa semper sunt.* Vnde ipse Cicero dicebat: *Scyphorum paria complura.* In Glossis priscis legimus: *Abacus, Delphica, mensæ eorum.* Ab vsu nempe; quemadmodum Hispani hodie *Apárador*, & Itali *Credenza*. Sic Lampridius in Alexandro: *Ducentarum librarum argenti pondus ministerium eius numquam transit.* Ibidem: *Argentum in ministerio plus ducentis libris non habuit.* Vopiscus in Tacito: *Argentum mensale, quod priuatus habuerat, ministeriis conuiuiorum, quæ in templis fierent, dedicauit.*

CAP. XXXV.

Cæsaris quadam loca tentata.

Secundo Com. Ciuilis belli, de rebus à Curione in Africâ

Sed hoc itinere est fons, quò mare succedit, longè lateque is locus restagnat.

Mirum satis fontem hîc esse, & mare in eum succedere. An scribendum? *pons, quòd* (ita Ciacc. è suo cod. pro *quò*) *mare succedit, & longè lateq; is locus restagnat.* Quasi dicat: Est eâ parte viæ pons structus, non quòd flumen aliquod illie, sed quia mare longius in terram se insinuat, & æstuarium stagnumque facit. eius pars ponte transeunda. Com. III.

At Labienus cùm ab eo impetrauisset, ut sibi captiuos tradi iuberet, omnesque deductos (Faërnus, productos) ostentationis, ut videbatur, causâ, quò maior perfugis fides haberetur, commilitones appellans, & magnâ verborum contumeliâ interrogans, solerentne veterani fugere, in omnium conspectu interfecit.

* inenarrabile.

Non omnino capio, quid de *Perfugis* hîc velit. Nihil tale præiuit aut sequitur, & mihi quidem * ἀδύνητον est, quibus perfugis fides hoc facto concilianda sit. Reformo leuiter in aliam sententiam: *perfugio fides haberetur.* perfugio nimirum ipsius Labieni. Hoc sine crudelitas hæc suscepta, ut ostenderet se bonâ fide Pompeianum esse, & alienissimum ab illis partibus, in quas

* leue mendum.

tam foedè sæuiret. Est & alterum inibi * ἐλαττωματικόν:

Senatores omnes ex provinciâ vocasse, ut iis testibus summa pecunia uteretur.

Quod, ut opinor, tollitur, si legimus, *summa pecunia iniretur.* Sed quid hæc minuta colligo? vix pretium curæ est, & tamen remoram sæpè faciunt Lectori.

CAP. XXXVI.

In Liuiio diuinationes.

Occultum sed certum vitium est in his Liuij verbis libro
XXI. de Annibale iter faciente:

*Quartis castris ad Insulam peruenit. Ibi Arar Rhodanusque am-
nes diuersis ex Alpibus decurrentes, agri aliquantum amplexi
confluunt in vnum.*

Minimè *diuersis*, sed *diuersi*. Ex iisdem enim Alpibus Arar &
Rhodanus orti, seorsim disparatiq̃ue aliquamdiu fluunt. Sene-
ca in Apocolocynthosi:

*Vidi duobus imminens fluuiis iugum,
Quod Phæbus ortu semper obuerso videt:
Vbi Rhodanus ingens amne prærapido fluit,
Ararq̃ue dubitans quò suos cursus agat.*

Eodem libro, de procuratione prodigiorum,

Signum æneum matrona Iunoni in Auentino ædificauerunt.

Bellè. Signa scilicet & æreæ statuæ ædificantur, vt domus, ac
templa. Ridiculum est, & tamen deprauatio ea manifestaria in
omnibus adhuc libris. Quin tu lege, *dedicauerunt*, & Liuium im-
puri sermonis absolue.

CAP. XXXVII.

Curtij duo loci pristino nitore restituti.

Offendunt nos in honestissimâ Q. Curtij facie etiam par-
uæ labes. Talis est in oratione, quâ milites suos Alexander
increpat, missionem importunè flagitantes, & quidem in hac
eius parte, libro x.

*Omni herculè spem, quam ex vobis conceperam, damno: nec, vt
cum militibus meis (iam enim esse destitistis) sed vt cum ingra-
tissimis oportet, agere decreui.*

Satin' enim concinno sensu sunt hæc postrema: *vt cum ingratissi-
mis oportet.*

--- * ego
verò haud
arbitror
esse.

— * ἐγὼ δ' ἐν ὁμοίᾳ εἶμι.

Erunt autem, si legas: *ut cum ingratissimis operis*. Non ultra vobiscum, inquit, quasi cum militibus aut ingenuis agere mihi decretum est, neque præmia dare aut munera; sed, ut vilibus mercenariis, appendere debitam modò diurnamque vestram mercedem. *Operarum* scilicet vox ignominiam habet, quadratque in
 * Cognatū. eos, qui viles & lucello tantum inhiantes. * Σύσσιχον est huic istud
 Ciceronis pro Sestio: *Erat mihi contentio non cum victore exercitu; sed cum operis conductis, et ad diripiendam urbem incitatis*. Spero,
 * non extra certamen iacisse. ut cum Pindaro dicam, hoc iaculum * ἐν ἀγῶνι ἐξω βαλεῖν, & ita caput hoc concludo.

CAP. XXXIIX.

De armillis Collectanea. Glossæ & Isidorus emendati. Tertullianus illustratus.

Armillas inter dona militaria legimus. Quid fuerunt? rotundi circuli ex argento vel auro, quibus summum brachium cingebant, idque ornatus causâ. Festus: *Armillas ex auro, quas viri militares ab Imperatoribus donati gerunt, dictas esse existimant, quòd antiqui humeros cum brachiis armos vocabant. unde arma ab his dependentia sunt vocata*. Ait, ex auro. atque ita apud Valerium lib. vii. cap. xiv. *Scipionem dona militaria diuidentem T. Labienus admonuit, ut forti equiti aureas armillas tribueret*. Sed fuere etiam sæpissimè ex argento. In eo ipso Valerij loco, Scipio non paruit Labieno, & *Imperator te, inquit, argenteis armillis donat*. Sic Liuius lib. x. *Equites omnes ob insignem pluribus locis operam, corniculis armillisque argenteis donat*. Capitolinus in Maximino: *Seuerus militares ludos dabat, propositis præmiis argenteis, id est armillis, torquibus, baltheolis*. In lapidibus etiam priscis testimonia huic ritui; ut Taurini: C. GAVIO. L. F. DONIS. DONATO. A. DIVO. CLAUDIO. BELLO. BRITANNICO. TORQVIBVS. ARMILLIS. PHALERIS. CORONA. AVREA. Festus Galbeos siue Calbeos eiusmodi armillas ostendit olim dictas. *Calbeos, inquit, armillas dicebant, quibus triumphantes utebantur, et quibus ob virtutem milites donabantur*. Facit huc quod ille idem: *Galbeum orna-*
 menti

menti genus. Atque olim sanè Armillæ istæ in vsu; sed, vt videtur, per luxum. De Sabinis Liuius lib. i. in arcis proditiōe: *Quod vulgò Sabini aureas armillas magni ponderis brachio lauo habuerint.* Dionysius in eadem re: Καὶ αὐτῶν ἑρως εἰσέρχεται τῆς ψαλίδος, ἀπὸ τῶν ἀεισεργῶν βραχίονα ἐφόρου: *Atque ipsam (Tarpeiam) cupido subiit armillarum, quas circum brachia sinistra gerebant.* & addit: Χρυσόφογο ᾧ ἦσαν οἱ Σάβινοι τότε, καὶ Τυρρηνῶν ἐχέοντες ἀβροδίατοι: *Aurienim gestores tunc Sabini erant, & non minùs quàm Etrusci molli vitæ addicti.* Ac posteriore etiam æuo armillæ per delicias gestatæ. Petronius de suo Trimalcione: *Dextrum nudauit lacertum, armillâ aureâ cultum.* Athenæus in reliquo Samiorum luxu, lib. xii. Εφόρου χλιδόνας ἔτι τοῖς βραχίοσι: *Ferebant armillas in brachiis.* Sed & Caligula manuleatus & armillatus in publicum processit: Sueton. cap. lxi. Etiam Nero (in eodem Suetonio cap. vi.) *exuias serpentis aureæ armillæ inclusas dextro brachio gestauit.* Credo hæc esse, quæ Tribunis militū dari solebant, & *Brachiales* appellabantur. Trebellius in Claudio, ex epistolâ Valeriani: *Anulum bigemmeum vnciale, brachiale vnum vnciarum septem.* Vopiscus ex epistolâ Aureliani: *Stipendium in baltheo, non in popinâ habeat, torquem, brachiale & anulum apponat.* Atque vt Latini *Brachiales*, ita Græci Βραχισήρας aut Βραχισήρας dicunt. Etiam in Glossis priscis Latinam vocem expressam inuenias: Βραχιάλιον, *Veriola.* Corrige, *Viriola.* Vt in iisdem: Ψέλιον, *Viriola, Armilla.* Isidorus lib. xix. cap. xxxi. *Dextras communes esse virorum ac feminarum, quia vtriusque sexus dextrae sunt. Armillæ autem propriè virorum sunt, collatae victoriæ causâ militibus ob armorum virtutem. Vnde & quondam vulgò Virilæ dicebantur.* Scribe, *Viriolæ.* Ampliùs, *Dextral commune est virorum:* quod res exigit & contextus. *Dextralia* nominat D. Gregorius lib. i. i. epist. ci. *Sicut ex auro vno alij murænas, alij anulos, alij dextralia ad ornamentum faciunt. Quæ ipsa Dextrocheria dicta.* Capitolinus in Maximino: *Pollice fuit ita vasto, vt vxoris dextrocherio vteretur pro anulo.* Idem in Maximino Iuniore: *Dextrocherium cum costulâ de hyacinthis quattuor.* Trebellius Pollio in Quieto Macriani F. tyranno: *Alexandrum Magnum Macedonem viri in auro & argento, mulieres in reticulis & dextrocheriis & in anulis & in omni ornamentorum genere, exsculptum semper habuerunt.* Iuuenalis etiam, vt propria feminarum, ea tangit, Sat. ix. vbi

munera recenset pathico cui piam mittenda, quasi mulieri:

*En cui tu viridem vmbellam, cui succina mittas
Grandia.*

Scholiaſtes vetus ibi: *Gemmata dextrocheria*. Et fanè illud diſcrimen inter Armillas & Dextrocheria ſiue Dextralia indicare etiam Tertullianus videtur, De pallio, cap. iv. *Cùm latrinarum antiſtes ſericum ventilat, & immundiorē loco cervicem monilibus conſolatur; & armillis, quas ex virorum fortium donis ipſæ quoque matronæ temerè uſurpaſſent, omnium pudendorum conſcias manus inſerit*. Nam armillas à matronis abdicat, etſi fatetur viliffimos homines (ſed diuites) eas uſurpaſſe. *Latrinarum antiſtes* eſt, ut opinor, qui fornicas conſultat, apud Iuuen. Sat. i i i. Nec plura de Armillis, niſi quod Feſtus Plautinum Spinther huc trahit: *Spinther*, inquit, vocabatur armillæ genus, quod mulieres antiquæ gerebant ſummo brachio ſiniſtro. Prifcianus lib. v. *Spinther* quod ἀνεχάρον aut fibulā in humeris aut armillam ſignificat. Et ſubiungit loca Plauti è Menæchmis.

CAP. XXXIX.

Coniectura triplex in Liuiο. Una in Ammiano.

A Pud Liuium in oratione P. Scipionis, ſuos ad pugnam in Annibalem hortantis, ita ſcriptum, lib. x x i.

Nec nunc illi, quia audent, ſed quia neceſſe eſt, pugnaturi ſunt. Niſi creditis, qui exercitu incolumi pugnam detrectauere, eos duabus partibus peditum equitumque amiſſis, qui plures panè perierint quàm ſuperſint, plus ſpei naſcos eſſe. At enim pauci quidem ſunt, ſed vigentes animis corporibusque, quorum robora ac vires vix ſuſtinere vis vlla poſſit. Effigies, imò vmbra hominum, fame, frigore, ſqualore eneſti, contuſi ac debilitati inter ſaxa rupesque: adhuc peruſti artus, niue rigentes nerui, membra torrida gelu.

Pluſcula tranſcripſi propter duplicem mendam. Anterior in verbo, *panè*. quod aut ablegandum, aut mutandum in *planè*. Cùm enim lineâ ſuperiore proximâ adfirmatè Scipio dixerit, duas partes hoſtium amiſſas, cur nunc ambigat & mutet? Parùm hoc decorum ſit: vtique in concione publicâ, cumque verè & confidenter aſſerere poſſit, plures periſſe, quàm ſuperſint.

Nam,

Nam, vt omittam de tertiâ tantùm parte reliquâ, quod illum pro causâ magis quàm pro vero dixisse credo, Polybius periisse vel in Alpibus ait, *χεδὸν πρὶ τῇ ἡμισείᾳ τῆς δυνάμεως*: circiter dimidium exercitus. En priorem mendam. Altera videtur in voce, *torrida*. quæ cum gelu rectè quidem alibi iungitur, vt suprâ: *pecora iumenta quæ torrida frigore*; verùm hoc loco nec scitè nec opportunè. Nam præiuit in hac ipsâ clausulâ, *perusti artus*; & inuenustum istud, *δὲ τρυπὸ*. Itaque scribendum aio, *torpida gelu*; & vnâ mecum Silius, qui hæc è Liuiio proculdubiò sic hausit:

*Hostem miles habes fractum ambustumque niuosis
Cautibus, atque agrè torpentia membra trahentem.*

Lib. XXII. de pugnantis ad Thrasymenum:

Tantusque fuit ardor animorum, adeò intentus pugne animus, vt eum terræmotum, qui multarum urbium Italiae magnas partes prostrauit, auertitque cursu rapido amnes, mare fluminibus inuexit, montes lapsu ingenti proruit, nemo pugnantium senserit.

Nil temerè muto. Vult fortasse auctor, in locum fluminibus vacuum mare se insinuasse, cum illa nouum sibi alueum & cursum quæsisent. Tamen dubitabam leuiter, an non *culminibus*: vt dicat, mare sublatum expulsūque in ipsos montes. Silius ita hîc:

——— *Lacus ater in altis*

Sublatus montes, & sede excussus auitâ.

Et Ammianus in terræmotu, qui sub Valentiniano: *Ingentes aliæ naues extrusæ rapidis flatibus (fortè fluctibus) culminibus insedere tectorum.*

C A P. XL.

In Polybio loci nomen de opinione repositum.

QUid Polybius velit, haud facilè assequare, dum scribit, libro III.

Κρίναν δὲ συμφέρεν τὸ καὶ πάντῃ ἔσπον ἀναγκάσαι μάχεσθαι τὰς πολέμοις, καὶ ἐλαμβάνει τὸ καὶ καὶ πάλιν πρὸς τὴν ἀναγκάσαν τὴν πόλιν εἰς τὸ πάλιν σωθῆναι τὸν τε σῆτον καὶ τὰς λοιπὰς χορηγίας ἀθροίζουσι τοῖς Ῥωμαίοις, ἐκ τῆς πρὸς Κανύσιον τόπων.

Quæ verba sic ab interprete versa: *Cum statuisset vsque adeò premere Romanos, vt necessariò in prælium descendere cogerentur, Neapolitanam arcem occupat, frumento & omni comineatûs genere munitissimam.* Quid? Neapolitanam arcem Annibal? graue vulnus Romanis infligitur; sed mihi inauditum. Legimus quidem aliquantò post Cannensem pugnam Annibalem * affectasse Neapolim, sed frustra. Numquam ille obtinuit maritimam eam urbem, aut eius arcem; quâ verò nunc posset, cum in Apuliâ maritimâ versetur, id est diuerso valde tractu? Falsa non dubiè interpretatio: sed nec lectio, vt opinor, vera. Αἴνε & Καλήνης ὡς πολ. ἀνεσν? Certè eam agnoscit auctor in hac regione ad Geronium paullò antè vbi de Minucio: Αἰεμόνδρος δὲ ἐπὶ τῇ ἀνεσν, ἢ καὶ μὲν ἐπὶ Λαρινάτιδος χώρας, ὡς σαγορβέει δὲ Καλήνη: *Adueniens in arcem quæ in Larinatum regione sita; appellatur autem Calela.* Nam hunc locum castris occupauit, & muniit Minucius, cumque aggestio illic facta comineatuum, videtur nunc eo Annibal potitus. Nec turbet aliquem quòd ὡλιν siue opidû Polybius appellet. Nam, quid si fuerit opidum arcis iunctû aut subiectum? Quid etiam, si interpolata lectio sit, & illud πόλεως glossematium & aliena vocula? Huc equidem inclino, nisi secus iudicauerit litterarius ille Prætor, cuius operâ Polybium, quasi Virbium aliquem, * παλιγ-
 * *venatum* *ῥυῖ breui exspectamus; & adipisci tam gratum erit, quàm sperare prolixum est.*



PHILIPPI RVBENI
ELECTORVM
LIBER II.

CAP. I.

*Vestibus olim versus & tituli inscripti.
sed & imagines intextæ.*



Vantum cui longinqua valet mutare vetustas?
Quis nunc ferat, præterquam in scenâ,
spectaculis & rebus ludicris, inscriptas ver-
sibus ac titulis, aut variis depictas imagi-
nibus vestes? Et tamen has olim frequenti
in usu fuisse è scriptis veterum constat. Ut
omittam Homerum, qui variegatam ani-
malium figuris tunicam Vlyssi attribuit;
vt taceam de Massagetis, quos Herodotus herbarum succo pin-
xisse animalia in vestibus tradit, & hæc talia casca nimis & vetu-
sta; sub ipsis Cæsaribus in imperio Romano legimus idipsum
vsurpatum. Et quidem apud Spartianum in Carino, de pallio
tyrianthino, cui Messallæ nomen & vxoris inscriptum: apud
Aufonium etiam in Epigrammatis, de Sabinâ textrice simul &
Poëtriâ:

*Licia qui texunt & carmina, carmina Musis,
Licia contribuunt casta Minerva tibi.
Ast ego rem sociam non dissociabo Sabina,
Versibus inscripsi quæ mea texta meis.*

De eâdem:

*Siue probas Tyrio textam subtegmine vestem,
Seu placet inscripti commoditas tituli,*

Ipsius hoc domina concinnat utrumque venustas:

Has geminas artes vna Sabina colit.

De Hermiones zonâ:

Punica turgentes redimibat zona papillas

Hermiones: zona textum elegēion erat:

Qui legis hunc titulum, Paphie tibi mandat, ames me,

Exemploque tuo neminem amare vetes.

In gratiarum actione, ex epistolâ Gratiani Augusti: *Palmatam tibi misi, in quâ Diuus Constantius parens noster intextus est.* Sed ut palam fiat, quod initio dictum, frequens id atque adeo promiscuum & cōmune omnibus fuisse, audiamus Asterium Amaseæ episcopū, in Homiliâ quâdā * ἀνεκδότῳ de diuite & Lazaro, vestes eiusmodi, dum vsum earum carpit, nimis quàm graphicè describentem: Οὐ δὲ μέχρι τῶν εἰρημνύων ἔστησαν τῶν μωαῶν ὀππώϊας τὰς ὁδοὺς, ἀλλὰ πᾶσα κενὴ ὑφαντικῶν ἐξοδρόντες περιέρχον, ἥτις τῇ πλοκῇ τῆς σήμονος τοῦ πορτοῦ καὶ κρόκῳ τῶν γραφικῶν μιμεῖται τὴν δύναμιν, καὶ πάντων ζώων τοῖς πέπλοις τὰς μορφὰς ἐνσημαίνεται, τὴν ἀνδρῶν καὶ μυελῶν εἰδωλοὺς πεποικιλμένῳ φιλοτεχνῶσιν ἐδιδόχα ἑαυτοῖς τε καὶ γυναιξὶ καὶ παισὶν παίζοντες λοιπὸν, ὅς ποτε δάζοντες, καὶ τῶν ἀμειβῶν τὰς πλάττει ὡς χαρῶν τοῦ βίου, ὅς χαρῶν, ἀντιπομοδεζοῦντες τῷ Παύλῳ καὶ μαχόμενοι τῶν θεοπνεύματος φωνῶν, ὅς γραμμῶν, ἀλλὰ πορτοῦ. ὅς γὰρ ἐκείνῳ ἀπεκέρχεται λόγῳ, ταῦθ' οὗτοι πορτοῦ, καὶ πορτοῦ τοῖς ἔργοις. ὅταν οὖν ἐνδυσάμενοι φανῶσι, ὡς τοῖχοι γεγραμμένοι ὡς τῶν σωτηριολογῶν ὁρῶνται, καὶ περὶ καὶ τὰ παῖδ' αὐτὰς πορτοῦ μειδῶντα πορτοῦ ἀλλήλων καὶ δακτυλοδεικτοῦντα τὴν ἐν τοῖς ἱματίοις γραμμῶν. βαδίζουσι δὲ παρεπόμενα, ἐκ ἀναχωρῶντα μέχρι πολλῶν. ἐκεῖ λέοντες καὶ παρδαλεῖς, ἄρκοι καὶ ταῦροι καὶ κύνες, ὕλας καὶ πέτραι καὶ ἄνδρες θεοεικεῖνοι, καὶ πᾶσα ἡ τῶν γραφικῶν ὀππότηδ' οὖν μιμεῖται τὴν φύσιν. ἔδει γὰρ μὴ τοῖς τοῖχοις αὐτῶν μόνον, ὡς εἴκεν, καὶ τὰς οἰκίας κοσμεῖσθαι, ἀλλὰ καὶ τοῖς χιτῶνας καὶ τὰ ἐν ἐκείνοις ἱμάτια. ὅσοι δὲ καὶ ὅσοι τῶν πλεονεξῶν δολοφονεῖν, ἀναλεξόμενοι τῶν Εὐαγγελικῶν ἱστορίαν τοῖς ὑφανταῖς παρέδωκαν αὐτὸν λόγῳ τῶν Χριστῶν ἡμῶν καὶ τῶν μαθητῶν πάντων, καὶ τῶν θαυμασιῶν ἔργων, ὡς ἡ δόξα ἔχει. ὅφει τὸ γὰρ τῶν Γαλιλαίας καὶ τὰς ὑδρίας, τὸ ὡς λυτὴν τὴν κλῆτον ὅτι τῶν ὁμῶν φέροντα, τὸ τυφλὸν τῶν πηλῶν θεραπεύοντα, τὸ αἰμορρῶσαν τὴν κραδίον λαμβανομένην, τὸ ἀμαρτωλὸν τοῖς ποσὶν τῆς Ἰησοῦ πορτοῦ πορτοῦ, τὸ Λάζαρον ἐκ τῆς τάφου πορτοῦ τὴν ζῶν ὑποσφύροντα. καὶ ταῦτα πορτοῦ δολοφονεῖν νομίζουσιν καὶ ἱμάτια πορτοῦ τῶν Θεῶν ἀμείνων. Nec verò constituerunt hic stulte sollertia fines; sed vanâ quâdam & superuacua arte texendi inuentâ,

uentâ, quæ staminis atque subtegminis contextu pictoriam facultatem imitatur, & omnium formas animalium in vestimentis exprimit, floridam & infinitis imaginibus variegatam vestem tum sibi tum vxoribus & liberis studiosè comparant: ludentes etiam in reliquis puerili more, nilque sedulò vel seriò agentes, per immodicas diuitias abutentes vitâ, non vtentes, aduersantes denique Paulo, pugnantésque cum iis quæ numinis instinctu profatus est, non dictis, sed factis. Quæ enim ille verbo proscripsit, hæc isti mordicus retinent, & ipsâ re confirmant. Quandocumque igitur sic amicti prodeunt, quasi depicti parietes ab obuiis aspiciuntur. sed & pueri eos circumstunt, ridentes inter se, digitisque commonstrantes in vestibus picturam. Prosequuntur etiam ad multum spatij, neque temerè recedunt. Sunt ibi leones, pantheræ, vrsi, tauri, canes, siluæ, saxa ac venatores, & omnia denique, circa quæ pictorum versatur industria, ad imitationem naturæ expressa. Necesse quippe erat, vt videtur, parietes non solùm atq; domos ita adornari, verùm etiam ipsas tunicas & pallia eis superiecta. Qui verò, quæque ex diuitibus illis religiosiores sunt, ex historiâ Euangelicâ textoribus argumenta suppeditant: ipsum dico Christum nostrum cum discipulis omnibus, & vnumquodque miraculorum, hoc ipso quo narratur modo. Videbis nuptias Galilææ & hydrias, paralyticum humeris lectum ferentem, cæcum qui luto curatur, mulierem, quæ sanguinis profluuio laborat, fimbriam prebendentem, peccatricem ad pedes Iesu accidentem, Lazarum è sepulcro ad vitam reuertentem. Et hæc dum faciunt, piè se facere & vestimenta Deo grata induere arbitrantur. Plura quidem adduci à me possint; sed nihil clarius & illustrius.

CAP. II.

*Mendum è Propertio extritum. Sententia
melior & argutior reposita.*

ITa res habet: eæ scriptorum mendæ quæ minùs in oculos incurrunt, & à vero propiùs absunt, quasi breuia latentésq; scopuli, incautos maximè fallût, & pertinaciùs sedibus suis hærent. Eiusmodi fortè illud è Propertij Elegiâ i x. lib. i. de Cleopatrá:
Coniu-

*Coniugis obsceni pretium Romana poposcit
Mœnia, & addictos in sua iura patres.*

Quod nullus adhuc Ædilis, si probè commemini, vitiosum iudicavit. Et tamen, si benè inspicimus, haberi pro sano non potest. Nec enim coniugis, id est Antonij, pretium Romam Cleopatra poposcit. Illane Antonium emeret? imò contrà planissimè Antonius ipsam totâ Româ. Florus: *Hæc mulier Ægyptia ab ebrio Imperatore pretium libidinum Romanum imperium petiit. Et promissit Antonius: quasi facilius esset Partho Romanus.* Qui profectò dictorium hoc à Propertio sumpsit, quem emendandum ita cenfeo:

Coniugij obsceni pretium.

Sui, inquam, coniugij & communicati tori pretium hoc venustissima fœmina petiit. Hoc quidem ^{* extra cō-}traditionē ^{* ἀναρτήσας} est, & pluribus probare, *tam sit stultum, quàm in clarissimum solem mortale lumen inferre.* Legitur in Elegiâ x i i. lib. i. querela de amicâ abductâ aut immutatâ:

*Invidia fuimus. Num te Deus obruit? an quæ
Lectæ Prometheis diuidit herba iugis?*

Non sum ego qui fueram. mutat via longa puellas.

Quantus in exiguo tempore fugit amor?

Quæ postrema frigent ac iacent præ ingenio & argutiis Poëtæ. Correctio iuuabit ac distinctio:

Non sum ego qui fueram? an mutat via longa puellas?

hac sententiâ: An ego subito alius factus sum? an te via longa potius immutauit? Simile ferè in Theocrito:

<sup>* Num quis
me subito
Deus aliū
hominem
facit?</sup>

^{* Ἀέ τις ὁξαπῖνας με θεὸς βροτὸν ἄλλον ἐτάβη;}

C A P. I I I.

Liuij locus de coniecturâ correctus.

Sincerum haberi non potest quod apud Liuium est lib. x x i. sub pugnam ad Trebiam:

*Ponte perfectò traductus Romanus exercitus in agrum Insu-
brium quinque millia passuum à vico tumulis consedit.*

Sigonius & ante eum Glareanus abesse nomen loci censuerunt, & hîc

& hic quidem, *tumulis considerare* quomodo in plano, vt hîc omnia erât, intelligatur, haut capere se fatetur. Ego vitium potius quàm defectum odoror, & è duabus vocibus nomen loci concinno: à *Victumuiis*. Vestigia scripturæ suadent, & Liuius, qui infrà Emporium isto nomine agnoscit; idq; in hoc ipso tractu. *Paucorum inde dierum quiete sumptâ ad Victumuias ire pergit* (nempe Annibal) *oppugnandas*. Nam ita membranæ, non *Vicumuias*, vt libri vulgati.

CAP. IV.

In Hirtio coniectura. Verba in ordinem reposita.

TEntare locum Hirtij placet, De bello Africo:

Dum hæc ad Ruspinam sunt, legati ex Acillâ ciuitate libera etiam vndique ad Cæsarem veniunt, seque paratos quacumque imperasset, & libenti animo facturos pollicentur.

Illud etiam vndique nimis laxè & ἀόριστος dictum videtur: nec valde subuenit Fuluius, qui diuissim, & iam, legit. Ego, quam infistam viam, nescio. Concinnabam tamen ex ductu scripturæ: & *immuni*. De solâ enim Acillâ sermo videtur, eamque dicit liberam & immunem; vt suprâ de Lepti: *Inde mouit, & peruenit ad opidum Leptin liberam ciuitatem & immunem*. Nota hæc conditio quarundam vrbiū, quibus id beneficio S.P.Q.R. concessum. Idem hic deinde,

* Ὡς πάντ' ἄγαν γ' ἀνικτὰ καὶ σαφὴ λέγει,

in his nempe verbis:

Aquila tempestate iactatus promontorium superare non potuit: atque angulum quemdam tutum à tempestate nactus cum classe se longius à prospectu remouit. reliqua classis in salo ad Leptin, egressis remigibus, vacua à defensoribus stabat.

* Obscurè
vt omnia
atque cre-
perè disse-
rit.

Nam prior narratio expungitur, damnaturque à sequenti. Si Aquila cum classe angulum nactus est, quomodo adiicit, *reliqua classis in salo ad Leptin*? Sed auctor culpâ vacat, & editio prisca verissimè scribit & ordinat: *Aquila tempestate iactatus, cum classe propius promontorium superare non potuit: atq; angulum quemdam tutum à tempestate nactus, se longius à prospectu remouit.* Cur

G

hæc

hæc mutata? Nam Aquila solus angulum illum cum naui suæ cepit; reliqua classis ad Leptim appulit.

CAP. V.

Lucani incogitantia & ἀσυνεψία.

AMo Lucanum vel ob altum & verè excelsum animum. Seruile nihil spirat in mediâ illâ temporum seruitute. Atqui dicam,

* nihil-
que, verum
quod fiet,
non profe-
ciat.

* Κ' ἐδὲν παρήσω δ' ἀλυσέας ἔπος,

à se & à decoro nimium recedit; cum laudatum illum Magnum tam humilem subito tamque mollem facit, vt nulla mulier abiectior esse potuerit in calamitate. Versus eius principio lib. viii.

Corripedem exhaustum cursu stimulisque negantem

Magnus agens incerta fuga vestigia turbat,

Implicitasque errore vias. pauet ille fragorem

Motorum ventis nemorum: comitumque suorum

Qui post terga venit, trepidum laterique timentem

Exanimat.

Quid ais, Annæ? hic est ille tuus, quem paullò antè in ipso

* ac tempe-
state horrè-
da calami-
tatis.

nimbo * καὶ μὲν ὦν δεινὴ συμφορὰ, alterum Herculem fingis, aut

Catonem? Recognosce tua ipsius verba lib. vii. exitu:

Non gemitus, non fletus erat, saluaque verendus

Maestate dolor: qualem te Magne decebat

Romanis præstare malis: non impare vultu

Aspicis Æmathiam, nec te videre superbum

Prospera bellorum, nec fractum aduersa videbunt.

Hic ego Lucanum agnosco suum & vigilem; cum illa verò scripsit, somno dedisse operam puto.

CAP. VI.

Liuius lux & sanitas.

DE Fabio Maximo Liuius, lib. xxi.

Ad aures quoque, militum dicta ferocia voluebantur: ac si
militaris

militaris suffragij res esset, haut dubie ferebant, Minutium Fabio duci praelaturos. Fabius pariter in suos haut minus quam in hostes intetus, prius ab aliis inuictum animum præstans, quamquam probe scit, non in castris modo suis, sed etiam Romæ suam cunctationem infamem esse, obstinatus tamen eodem consiliorum tenore æstatis reliquum extraxit.

Supinum autem illud nimis & natans, ab aliis inuictum animum præstans. A quibus enim aliis? Itaq; Germanâ simplicitate Gla-reanus: *Vt ingenuè dicam, quid hoc, ab aliis, referat, haud equidem intellego.* Nec ego certè, & ut anus ad armillum, ad correctionem decurro ac rescribo, prius à fabulis inuictum. Sententia quidem ista: spreuisse eum rumores, & quod ipse Fabius Æmilio præcipit, aduersus famam rumorésque hominum firmum stetisse. Monemus etiam, alibi esse: *inuictum animum præstat. Quamquam enim probe scit.*

CAP. VII.

Taxatus Caesaris locus & tentatus.

INconsiderata & supina mihi visa isthæc scriptio de expugnatione castrorum Octauij I I I. Belli ciuilis:

Ipsi (Salonenses) manu factâ, cum iis quos nuper manumiserant, in proxima Octauij castra irruperunt. his expugnatis, eodem impetu altera sunt adorti, inde tertia & quarta, & deinceps reliqua: omnibûsque eos castris expulerunt.

Ait, *deinceps reliqua.* Quæ, malum, reliqua? perinde quasi terna etiam aut quaterna amplius expugnata. Atqui antea scriptum: *Octavius quinque castris opidum circumdedit.* Si quina tantum, & quarta iam expugnata, quæ, sodes, hæc reliqua? Hæret hæc res nisi fortè scribimus, *Octavius quindenis castris.* id est, castellis & propugnaculis. Præter hoc nihil exculpo: quod si non optimum est, melius tamen quam quod deterrimum.

CAP. VIII.

*De simpulo siue simpuio. Scholiastes Iuuenalis
& Varro correcti.*

ROmani cum aliarum rerum antiquarum, tum rituum sacrorum retinentissimi fuerunt, & quod opidò mirum, etiam in maximis opibus & inter spolia orbis terrarum fictilibus ad sacrificia vasis vfi sunt. Fuit inter ea *simpulum* siue *simpuium*; vt quidam appellarunt. Varro lib. i v. *In sacrificiis remansit Guttum & Simpulum.* Plinius xxxv. cap. xii. *In sacris quidem, etiam inter has opes, non murrhinis crystallinisve, sed fictilibus prolibatur simpulis.* Apuleius in Apolog. *Eadem paupertas populo Rom. imperium à primordio fundauit: proque eo in hodiernum Dies immortalibus simpulo & catino fictili sacrificant.* Intellegit hæc ipsa Valerius lib. i v. cap. v. *Per æternos Veste ignes, fictilibus etiamnum Vasis contentos, iuro.* Et Dionysius lib. i i. vbi Romuli instituta frugi dilaudans, ea (in sacris quidem) mansisse ad suum æuum scribit: Καὶ πικρὰς εἶδον, inquit, ἐννεαπόδας ἐκ ἐν ἀργυρεῖς καὶ χρυσεῖς ἀλγιστὰ, ἀλλ' ἐν ὅσῃσιναυς καὶ ἰσχυραὶ καὶ ἀσπασταὶ: Et libationes vidi infusas non argenteis & aureis poculis, sed fictilibus culignis & simpulis. Nam ἀσπαστα ibi sic explicem; à profundendo scilicet, & quòd vsus eorum in libando. Festus: *Simpulum vas paruum non dissimile cyatho, quo vinum in sacrificiis libabatur.* Cum cyatho comparat: atque ita Glossæ, *Simpulum, κύαδος.* Scholiastes Iuuenalis in Sat. v i. *Simpuium vas sacrificiis aptum, in quo Pontifices lauare solebant.* Ridiculum de lotionē: corrigo, *luare* siue *libare*, & paulò antè, *aptum*, quo, præpositiunculâ deletâ. Quemadmodum & Varro apud Nonium corrigendus: *Non vides ipsos Deos, si quando volunt gustare vinum, deripere ad hominum fana, & tamen tum illi ipsi Libero simpuiuo vinitari.* Lego, *simpuiuo liuitari* seu *libitari*, compari erroris causâ. Quod etiam præit, *deripere*, velim esse, *dirigere*: id est, ire, tendere. Festus: *Dirigere apud Plautum inuenitur pro discedere.* Sed enim in his postremis exemplis *simpuium*, non *simpulum* scribitur, & vtrique scripturæ assertores. huic posteriori etiam Cicero apud Nonium: *Oratio exstat Lælij, quam omnes*

omnes habemus in manibus, quàm *simpuiua* Pontificum Diis immortalibus grata sint, Samieque, vt is scribit, *capedines*. Et Iuuenalis Sat. vi.

Simpuium ridere Numæ. ———

vbi & Versus *simpulum* respuit, nisi quis vellet *simpullum*. In Arnobio *sympinia* leges, quasi ὑπὸ τῆ συμπίην: *Brias*, *pateras*, *sympinia*. Sed nescio, an verè; neque Hadriano Iunio, quamuis viro longè doctissimo, secundas agere possum, cùm lectionem hanc annixè tuetur, & Lazaro Baïfio nimis inclementer dicit, quòd hîc ei

Lib. vii.
aduersus
gentes.

————— * Συμὸς ἐνὶ σήδεσσιν ἀπὸς ☉,

neque id ipsum ab aliis antè dictum assentiat. *Simpulum* certè Latinam, secundùm Varronem, habet originem. à sumendo nimirum, quòd vinum eo *sumebant*, id est bibebant, *minutatim*. Et optimis libris auctoribus tam *simpulum* quàm *simpuium* absque litterâ Græcanicâ, secus atque eruditissimus ille vir censebat, scribendum est. Plura equidem adferrem, nisi alij occupassent, scriptumque in animo meo Sophocleum illud esset,

--- * incre-
dula pecto-
re mens est.

Lib. i v.
de L L.

* Τα μὲν περιετέοντε τῶν λόγων ἀρε.

* Dictis su-
peruacaneis
abstifiro.

Ex his autem, quæ adduxi, satis constat sacrorum proprium esse *simpulum*, & Pontificibus attribui, qui creberrimè eo vsi. Quare etiam inter insignia eius sacerdotij numi prisci ponunt.

C A P. I X.

Diuini Liuij locorum correctio.

Obscurus, imò vitiosus est locus in calumniosâ oratione Tribuni Bæbij apud Liuium lib. x x i i.

Abhorrere igitur interregnum eos. Consulatum vnum certè plebis Romanæ esse: populum liberiùs habiturum ac daturum ei, qui magis vincere quàm diu imperare malit.

Si meo fiet modo, furcillis primùm eiicietur τὸ abhorrere, & vacuum in sedem atque suam reducetur quod in membranis est, *habere*: deinde ex ingenio distractis vocibus malè iunctis scribemus, *liberum ius habiturum*. Dicit Tribunus, Patres omnibus artibus rem ad interregnum duxisse, vt in eorum manu comitia essent: nullâ tamen arte efficere posse, quin alter Consul sit

ē plebe. populum igitur *liberum ius habiturum*, & illum saltem talem facturum, qui potius publica commoda quàm sua ipsius spectet. Saxonius quidem aliter, & *liberius habiturum*, Hellenisimum esse ait: sed illud

... * mihi
visum re-
ctius esse.

———— * ἐποφ' ὀφρὸς δονεὶ ἐπ' ἀρετῇ.

C A P. X.

Petronius correctus & illustratus.

IN Petronij Satyrico Carmen est sublime, sonorum, quo causas refert ciuilis Cæsariani belli, atque inter eas auaritiam & luxum. Ibi hæc:

*Nec satiatus erat. grauidis freta pulsa carinis
Jam peragrabantur: si quis sinus abditus vltra,
Si qua foret tellus, quæ fuluum mitteret aurum,
Hostis erat.*

Grauidas carinas haut satis probo; & puto germanum esse, *Grauis freta pulsa carinis*. Nempe Pontus & loca, per quæ Iäson cum suis ad aureum vellus. Quod sequitur in oratione Cæsaris,

*Sanguine Germano sexagintaque triumphis
Esse nocens cæpi. quamquam quos gloria terret,
Aut qui sunt qui bella volunt? mercedibus emptæ
Ac viles operæ, quorum est mea Roma nouerca.*

id sumptum est à Scipionis voce liberâ, qui in mediâ concione: *Taceant*, inquit, *quibus Italia nouerca est*. quasi diceret libertinos aut externos & nec sanguine Romanos esse.

C A P. XI.

Liuij locus emaculatus.

NON satis cum fide retulerunt Patribus Decemuiro, si fida hæc Liuiana, lib. XXII.

Decemuiro libros Sibyllinos adire iubentur. qui inspectis fatalibus libris, retulerunt patribus, quod eius belli causâ votum Marti foret, id non ritè factum, de integro atque amplius faciendum esse:

— & Ioui

& Ioui ludos magnos & ades Veneri Erycina ac Menti vouendas esse.

Nam vbi, obsecro, Marti votum aliquod factum? Euolue priora omnia, nō reperies: etsi Liuius in eiusmodi rebus nimis quā curiosus. Ego reperio votum anno antè factum, ex libris Sibyllinis, à C. Atilio Serrano Pratore, si in decem annos respublica eodem stetisset statu. Narrat Liuius libro superiore extremo. Nec ambigo quin huc iam aspectum. Id autem votum non Marti propriè, sed Ioui aliisque diis factum. Imò statim ecce varij dii nominantur, quibus votum id instauratum, Martis nullā mentione. Credo igitur rectè hīc emendatum iri: *votum antè foret.* errore illo nato ex adhæsione litterulæ, suppositoque Marte, quia videbant Martem in manibus, &

Omnia iam belli trepido concussa tumultu.

CAP. XII.

De veste militari: publicitus ea data. Sagum, lacerana, Pænula, Armilauſa. De colore vestium militarium disceptatum.

DE veste domesticā & vrbā multī multa; de militari, nisi quā Imperatores & duces spectat, * ὥς ἐγὼ μνήμενος ἔχω, vix * *quæ memoria est.* quisquam, aut cursim & saltuatim. Quare facturum operæ pretium me puto, si quæ circa ea mihi notata sunt, vno velut missu hoc capite exhibeo. Hæc igitur missa donatæque olim è publico, vt clarè Polybius: & ferè (pluries in Liuiō videmus) *Tunica* ac *Togæ*. atque illæ quidem grandiore semper numero. vt in Liuiō, lib. x x i x. *Vestimenta exercitui deerant: ea quoque haud segniter curata res. mille ducentæ Togæ breui spatio, duodecim millia Tunicarum missæ.* & alibi. Quæ causā disparitatis? quòd Togæ honestioribus tantū missæ, vt equitibus, Centurionibus, ac talibus; gregarij tunicā contenti fuerunt, & super eam fortasse sago. Sagum quidem militaris vestis. atque ita Polyænus de Scipione ad Numantiam: Εἰέλθε ἱματίῳ χεῖρὸς σισύρα Γαλατικῇ, καὶ πρῶτος αὐτὰς ἐνεπορήσατο σισύραν μελαίναν: *Iussit eos vti veste sago Gallicano, & ipse*

ipse primus nigrum sagum fibulâ sibi induit & adstrinxit. Inde toties lectum: *Ad saga ire*, in rebus turbidis: quasi omnes tunc milites pro re natâ. Lampridius in Alexandro: *Depositis armis, depositis etiam sagulis militaribus, omnes non ad castra, sed ad diuersoria iuerunt.* quasi non vltrâ nempe milites. In Italiâ autem, & Vrbe imprimis, aliter se res habebat, quàm in prouinciis & castris. Nec enim decere videbatur ille ferox habitus dominam terram & Urbem. Capitolinus in Antonio: *Per Brundisium veniens in Italiam, togam & ipse sumpsit, & milites togatos esse iussit: nec vnquam sagati fuerunt sub eo milites.* Eâ de causâ Excubiæ Palatinæ togatæ, vt in Taciti 1. Histor. *Nec vna cohors togata defendit nunc Galbam, sed detinet.* Legimus item *Lacernas* militum & *Penu- las*. In Propertio:

Texitur hæc castris quarta lacerna tuis.

In Ouidio:

*Mittenda est domino, nunc nunc properate puella,
Quamprimum nostrâ facta lacerna manu.*

Domino, marito militanti. gratiores nempe hæ vestes, à muliebri vel amatâ aliquâ manu. In Scholiaste Persij: *Lacerna pallium fimbriatum, quo olim soli milites velabantur.* Benè, olim. postea enim Urbani passim Lacernati esse cœpere; quidam etiam super Togas. De Penulis autem, Suetonius Neronis cap. XLIX. *Irrumpenti Centurioni & penulâ ad vulnus appositâ.* Seneca De Benef. III. cap. XXVIII. *Quò te penulati isti in militum & quidem non vulgarem cultum subornati?* Tertullianus de milite suo: *Ibidem grauissimas penulas posuit, reuelari auspicatus.* Per penulatos autem istos Seneca feruos ad lecticam intellegit, ac militarem in modum vestitos significat, colore etiam rufo: de quo Martialis in Lemmate, Canusinæ rufæ:

*Roma magis fuscis vestitur, Gallia rubris,
Et placet hic pueris militibusque color.*

Trebellius in Claudio: *Tunicas ruffas militares.* Tertullianus huc aspexit, in eodem milite: *Et nunc sanguine suo ruffatus, spe calceatus.* quasi iam non veste & penulâ, sed sanguine ruffus. Si Isidoro credimus, veteres etiam hoc colore vsi. *Ruffatâ sub Consulibus Romani vsi sunt milites, vnde etiam Ruffati vocabantur.* Idem videtur ex fragmento Varronis apud Nonium in Torques: *Tela*
dextrâ

dextrâ vibrant, ruffati emicant. Est omnino de militibus, legendumque, & *micant.* Notum quid sit *minari* & *micare telis.* Sed dicet aliquis: quid in Imperatore & Licioribus eximium, si omnium veltes simillimè tinctæ? In procliui est soluere hunc nodum, propter discrimen inter ruffum & coccineum colorem, qui proprius Imperatoris erat, & vnde facilè internoscebatur. Pertinet huc Cæsarianum illud Commentario VI. *Accelerat Cæsar, vt prælio intersit. eius aduentu ex colore vestis cognito.* Non enim fides satis auctor Horatij Scholiastes ita scribens: *Romani milites in bellum euntes, coccineis sagis utebantur, vt ne quis vulneratus terrorem incuteret sociis.* vbi pro ruffo coccineum vsurpauit. Sed an hoc tantum de velitibus, quos chlamydulâ tectos fuisse scimus? in obscuro res sita est. Græci certè, & maximè Lacedæmonij τῇ φοινικίῃ militiæ sunt vsi. Aristoteles apud Suidam: *Ἀριστοτέλης δὲ φησὶ χεῖρας τὰς Λακεδαιμονίαις φοινικίῃ περὶ τὰς πολέμους. τὸτο μὲν, ὅτι τὸ δ' ἔχοντες ἀνδρικόν. τὸτο δὲ, ὅτι τὸ τῷ χρώματι αἱματώδες τὸ τῷ αἵματι ῥύσσεως ἐθίλει καὶ ἀφενεῖν.* Aristoteles ait Lacedæmonios puniceâ veste ad bella vti, tum quia color ille virilis, tum quia sanguineum illud in tincturâ sanguinis ipsius fluxum assuefacit contemnere. Plutarchus & aliis Græcis tunicas puniceas attribuere videtur, cùm de Philopemone scribit, eum milites suos adornatos & instructos voluisse Græcis ostendere, & in theatrum duxisse ἐν τῇ σεατιωτικῇ χλαμύδι καὶ τοῖς φοινικοῖς ὑποδύεσθαι in sagulis militaribus & puniceis tunicis. Idemque de Macedonibus, in Æmylio: *visos eos ἀνδραγαθῶς ἐν χρυσοῖς ὅπλοις, καὶ νεκροῖς φοινικίσιν: micantes in aureis armis & vestibus nouis puniceis.* Silius hoc & Carthaginienibus tribuit:

—— Rubræ velamine vestis

Ars erat in pugna visum oculuisse cruorem.

Has tales *Armilausas* videntur posteri dixisse. Paulinus Nolanus de quodam improbius vestito, epist. XI. I. Minimè monachali caligâ & veste, cùm præterea facie non minùs quàm *Armilausâ* ruberet. Iterum epist. V. I. Sibi ergo ille habeat *Armilausam* suam & suas caligas. Scholium vetus in Iuuenalis illud, *viridem thoraca: id est, Armilausam prasinam, vt simiæ.* Emendo ἐν παρέρῳ, aut simile. Sed ille alterius coloris etiam facit. Isidorus eo præterito de nomine & formâ sic ait: *Armilausâ* vulgò vocata, quòd antè & retrò diuisa atque aperta est, in armos tantum clausa, quasi *Armiclausea*. Iam verò

H

Caligam,

* militare
calceamen-
tum.

* indocti
verumq;
Romanarū
expertes.

Caligam, quod ait Dio, * *σεπτιωτικὸν ὑπόδημα* fuisse sciunt omnes qui non prorsus * *ἀμαθεῖς καὶ τῶς Ῥωμαίων ἀγνοῦσι*. De *Calceis* autem *clauatis* nihil dicam, ne actam rem agam. Pertractauit enim eam, vt ipse mihi confirmauit Iosephus Castalio IC^{us} morūque & litterarum veterum benè doctus. Sed & formam, quò vulgetur, è fornice Constantini diligenter exprimi curauit. Et oculis pænè ingerunt Iosephus *ἀλώσεως* lib. vii. cap. i i i. & Imperator Leo, qui & vsum addit clauorum: *Calcei peditum fastigia antè acuminata ne habeant. Necessum verò est paucis quibusdam clauis firmari calceos, quos carphia appellant. Ad varios enim vsus id vtile est; in primis ad itinera facienda.*

CAP. XIII.

Occultior significatio vocis commeatus, & exempla.

Commeatum veteres vsurparunt pro plurium simul nauium appulsu, quemadmodum hodie Galli, *la flotte*. Monuerunt id antè viri docti; quod reliquum est, exemplorum copiam ego dabo. Cæsar lib. v. *Duobus commeatibus exercitum reportare constituit*. Hirtius de bello Africo: *Rabirium mittit ad accersendum secundum commeatum*. Suet. in Nerone: *Alexandrinii qui de nouo commeatu Neapolim confluxerant*. Apul. lib. x i. *Metam. Ecce litteræ de noui commeatus prosperâ nauigatione*. Symmachus lib. vii. epist. l x v i i i. *Nobis tardior Africanarum nauium commeatus incutit curas, & sterilitas conditorum*. Et rursus, lib. x. ep. l. *Edita ratio est vectigalium, quæ Hispaniensis atque Alexandrinus inuehere debuit commeatus*. Pro eo Martialis, Ausonius & Sidonius Græcanicâ voce sunt vsi, *cataplus*: de quâ solens suo more, id est perquàm eruditè, vir plenus litterarum, & qui verè * *ἀεὶ ἀνεγερταύς* venisse dici potest, Isaacus Casaubonus, in Animaduersionibus Suetonianis. Simili notione cōmeatus dicitur, cū manus iuncta terrâ iter facit, quod Turcæ appellant *Carauanam*. Apul. lib. v i i i. *Vt luce clarâ, & die iam prouectò, & sole florido, vitantes vndique latentes insidias, cū & ipso lumine dirarum bestiarum repigratur impetus, non laciniatim disperso, sed cuneatim stipato commeatu difficultates illas transabircmus.*

* ad culmē
eruditionis.

CAP. XIV.

Soleis feminarum inserti clauī, gemma. Calcei purpurei, interpuncti, auratis praelati. Crepida exata. Calcei pedum quasi vincla.

DE calceamentis militum quia suprà mentio leuiter mihi facta, faciliè animum induxi de paganorum etiam dicere; sed pauca, sed aliis, vt opinor, indicta. Nam de calceis lunatis, lineis, albis, coccineis, auratis multi meminerunt. Sed & de baxeis, peronibus, mulleis, vdonibus, foccis, cothurnis. Præteritis igitur his talibus, clauos dico calceis nō modò militum, sed etiam mulierum, insertos. Patet è Clemente Alexandrino Pædag. lib. i i. cap. x i. περὶ ὑποδήσεως: Παρεπήχισαι δὲ καὶ περὶ ταῖς ὑποδήσεσι εἶναι αἱ ἀλαζόνες, ἢ πολλὰ βλακείαν κἀνταῦθα ὀπιδεικνύμεναι· αἰσχρὰ γοῦν ἀληθῶς τὰ σαρδάλια ἐκείνα, ἐφ' οἷς ὄντι τὰ χρυσὰ ἀναθήματα. ἀλλὰ καὶ τοῖς ἡλοῦς ἐλικοειδῶς τοῖς κατιτύμασιν ἐγκατακρῖεν ἀξισίον. *Similiter autem in calceamentis superbæ arrogantisque feminae magnam ostendunt mollitiem. Turpia quippe sunt illa sandalia cum aureis ornamentis. Sed & clauos circumcirca soleis infigere æquum censent. & an non ex auro? quales aliquando vel gregariis militibus. Iustinus lib. x x x v i i i. de exercitu Syriæ regis Antiochi, non Magni illius, cui bellum cum Romanis, sed è posteris eius: Argenti certè auriq; tantum, vt etiam gregarij milites auro caligas figerēt, proculcarentq; materiam, cuius amore populi ferro dimicant. Caligas enim inter calceamenta fuisse, confessa res ac manifesta: nimisque mirum quòd vir doctus ita braccas appellatas censet. Non autem hîc stetit luxus; itum est vltèrius, & gemmæ quoque calcatae. Curtius de Sophite lib. i x. Vestis erat auro purpuraq; distincta, quæ etiam crura velabat; aureis soleis inseruerat gemmas. Flau. Vopiscus de Carino: Habuit gemmas in calceis. Sed non magnum hoc in Principibus. Plinium audiamus lib. i x. cap. x x x v. Affectantq; iam & pauperes, lictorem femina in publico vnionem esse dictitantes. Quin & pedibus, nec crepidarum tantum obstragulis, sed totis focculis addunt. Neque enim gestare iam margaritas, nisi calcent, ac per vniones etiam ambulent, satis*

est. Et Spartianum in Elagabalo: *Semiamirica facta sunt S C^{ra} ridicula de legibus matronalibus: quæ quo vestitu incederent, quæ cui cederet, quæ ad cuius osculum veniret: quæ pilento, quæ equo sagmario, quæ asino veheretur, quæ carpento mulari, quæ boum, quæ sellâ veheretur, & utrûm pelliceâ, an osseâ, an eboratâ, an argentatâ, & quæ aurum vel gemmas in calceamentis haberet.* Disertè etiam dicit Clemens Alexandrinus dicto capite & libro: Χαίρειν ἐν ἑατέων τὰς ὀπυχρούσι καὶ δαλίδου τῆς σαυδαλίων ματαιοτεχνίας. Vale ergo dicendum est aureorum & gemmeorum sandaliorum artificii. Et Tertullianus de Orientalibus: *Gemmarum quoque nobilitatem vidimus Romæ de fastidio Parthorum & Medorum ceterorumque gentilium suorum coram matronis erubescens, nisi quod nec ad ostensionem ferè habentur. Latent in cingulis smaragdi, & cylindros vaginae suae solus gladius sub sinu novit, & in peronibus uniones emergere de luto cupiunt. denique iam gemmatum habent, quod gemmatum esse non debet, si non comparet: aut ideò comparet, ut neglectum quoque ostendatur.* Vnde minùs mirandum videri debet quod Herodotus memoriæ prodidit, Ægypti reginis magnæ alicuius urbis redditus pro calceario assignatos. Notabile etiam quod calceos purpureos pluris fecerunt quàm auratos, & supra omnes, interpunctos: ob artificium, ut opinor, atque manupretium. Epictetus in Enchiridio: Μέτρον κτήσεως τὸ σῶμα ἐκείτω, ὡς ὁ πᾶς ὑποδήματος. ἀν μὲν οὐδ' ἐπὶ τέττα σῆς, φυλάξης τὸ μέτρον· ἐὰν δὲ ὑπερβῇς, ὡς καὶ κρημνὲς λοιπὸν ἀνάγκη φέρεσθαι. καθάπερ καὶ ἐπὶ τῇ ὑποδήματος, ἐὰν ὑπὲρ τὴν πόδα ὑπερβῇς, γίνεται κατὰ χρυσὸν ὑπόδημα, εἴτα πορφυρεῖ, εἴτα κεντητὸν. τὸ γὰρ ἀπ᾽ ὑπὲρ τὸ μέτρον ὀρθοῦν ἐστὶν ὅτι. *Modus pecunie corpus est unicuique, ut calcei pes. Si igitur in eo institeris, modum servabis; sin praterieris, iam veluti per præcepte ferri necesse erit. ut & in calceo: si vltra pedem progressus fueris, fit auratus calceus, deinde purpureus, deinde interpunctus. Eius enim quod semel transierit modum, nullus est terminus.* Neque verò ta-

De habitu
muliebri.

De Pallio.

ὑποδ-

ὕποδεδέσθαι τὸ ἀνυποδετεῖν τῷ διωαμδύῳ κρεῖττον. κινδυνώλει γὰρ τὸ μὴ ὑπο-
 δεδέσθαι, τῷ δεδέσθαι ἐγγύς ἐστι. ἡ δ' ἀνυποδησία πολλὴν ἀλυσίαν πᾶσι καὶ δυσκολίαν
 παρέχει τοῖς ποσὶν, ὅταν ἡσυχαστοὶ ᾖσιν. ὁ δὲν καὶ τὰς ἡμεροδρομοὺς ὁρᾶν ἔστιν,
 καὶ χρωμένους ὑποδήμασιν ἐν τῇ ὁδοῖς καὶ τῇ ἀθλήντων τὰς δρομεῖς ἐκ ἀν' διωα-
 μένους σώζειν τὸ τάχος εἰ δέοι ἔτεχεν αὐτὰς ἐν ὑποδήμασιν. *Ac nudis pedi-
 bus incedere melius est, quàm calceatum. Propemodum enim dixerim
 calceatum esse perinde ac vinctum & constrictum esse. sine calceis au-
 tem valde expediti & agiles sunt pedes, præsertim si adsit usus. Vnde
 tabellarios videre est non uti calceamentis in itineribus; atque ex athle-
 tis cursores celeritatem eandem non seruare, si currendum est calceatis.*
 Dignum hîc certè notatione de tabellariis, & quod apud Sueton-
 nium est de classiariis, excalceatos eos cursitasse, cùm ab Hostiâ
 & Puteolis Romam pedibus per vices commearent. & fortè
 etiam, quod pænè præterieram, de calceis virginum aliis atque
 mulierum. Innuit sanè & indicat Tertullianus de nouis nuptis
 ita scribens: *Iam & consilium formæ à speculo petunt, & faciem mo-*
 rosiorem lauacro macerant: forsitan & aliquo eam medicamine interpo-
 lant, pallium extrinsecus iactant, calceum stipant multiformem, plus
 instrumenti ad balneas deferunt. *Quid singula persequar? Solemnem
 manifestæ paraturæ totam circumferunt mulieritatem. Sed de his
 iam satis est: Quod restat, restant alij, qui faciant palàm.*

Lib. De ve-
 land. virgi-
 nibus.

C A P. XV.

*De numero copiarum Rom. ad Cannas. Liuius
 ex Silio emendatus.*

VAriatum ab antiquis scriptoribus circa numerum arma-
 torum, qui in castris Romanis, cùm pugnatum ad Cannas.
 Liuius ad eos inclinat, qui septem & octoginta millia & ducen-
 tos fuisse scripserunt. & ab hac ferè parte Plutarchus, nisi quòd
 auctiore paullùm numero ab eo ponuntur μυριάδες ἑννέα δισχιλίων
 ἀνδρῶν δέκαται· *duo denonaginta virorum millia.* Polybius magis
 distinctè, Πεζῶν εἰς ὀκτώ μυριάδας, ἵππεῖς δὲ μικρὰ πλείους τῶν ἑξακι-
 χιλίων, recenset. Appianus numerum imminuit: & facit πεζὸς ἑπ-
 τακισμυρίου, ἵππας δ' ἑξακισχιλίου, *peditum septuaginta millia, equitum
 sex millia.* Quod mirum, quoniam ille idem paullò antè lectas

H 3

vult

vult nouas quattuor legiones. Οἱ δὲ Ῥωμαῖοι, inquit, κατέλεγον τέλην
 σεπρωτῆς τέσσαρα. Si ita est, profectò octo legionibus rem ges-
 serunt: ergo pluribus quàm millibus septuaginta. Præter Ro-
 manas Italásque copias, auxilia etiam regis Hieronis fuerunt, Li-
 uio quidem ad mille. Paullò infrà: *Itaq; misisse mille sagittariorum
 ac funditorum aptam manum aduersus Baleares ac Mauros.* Sed Si-
 lius mihi pænè persuadet, legendum hîc, *111. mille*, quia nimis
 exiguæ & non pro regiâ munificentîâ copiolæ illæ fuerint, & di-
 fertè ille sic tradit:

Addiderat ter mille viros, in Marte sagittæ

Expertos, fidus Siculâ regnator ab Ætnâ.

Mendum autem esse potest in Liuiò; non potest in Silij versu.

C A P. XVI.

*Veteres haut semper ad legem Grammaticorum
 scripsisse; eiꝯ rei exempla.*

VErè profectò Fabius, aliud esse Latinè, aliud Grammaticè
 loqui. Nam sunt in optimis auctõribus, quæ vtique non
 ferant Grammaticorum leges. Tale in Agellio, lib. i. cap. x i v.
Multis magnisque rebus, quæ bene ac beniuolè fecisset. Quas, oportuit, inquiet alius: ille verò negat, & vsurpat iterum lib. i v. cap.
 x v i i i. *Quàm fuerit altus animo atque magnificus, & quâ sui con-*
scientiâ nixus, pluribus rebus quæ dixerit quæque fecerit, declara-
tum est. Etiam ille

Romanâ primus Crispus in historiâ:

Abundantia earum rerum, quæ prima mortales ducunt. Ad rem sci-
 licet ipsam, non ad voculam attendere nos voluerunt. Atque
 hoc σολοικοφανές Generis est: ecce Casuum & Inflexionum. Agel-
 lius lib. i. cap. x x v. *Idcirco ex iis, quibus dixi, vocibus.* Lib. i i. cap.
 x x v i. *Sed in iis tamen coloribus, quibus modò dixisti.* Nónne ex lit-
 teratoriâ lege, *quas & quos* vtrobique oportuit? At veteres, & præ-
 sertim Comici, pleni talium. Etiam in Historicis reperire est. In
 Hirtio, De bello Africo: *Dum hæc ita fierent, rex Iuba cognitis Cæ-*
saris difficultatibus, non est visum spatium conualescendi. Eiusmodi
 quoque

quoque illud IC^{ti} L. XXVII. ad L. Aquill. *Si quis seruum con-*
ductum ad regendum mulum, commendauerit ei mulum: ille ad pollicem
eum alligauerit. Denique multa talia, quæ si autumem omnia,
 nimis longus sermo sit. & hæc satis, siue ad refellendos quosdam
 seruiliter Grammaticos, siue ad reprimendos alios audacter ni-
 mis Criticos, quos in memoriâ semper habere expediat, * ἀκίνητα * non mo-
 νηέιν. uenda ne
 moueant.

CAP. XVII.

Agellij duo fœdissima stigmata sublata.

AGellius cautè, si quis alius, meditatèque scripsit. Secùs ta-
 men videatur è lib. I. cap. V. I. I. ubi disputat de verbis istis
 Indefiniti modi, *Dicturum, Facturum.*

Qui modus, inquit, neque in numeros, neque in personas, neque
in genera, neque in tempora distrahitur (vetus editio, *distribui-*
tur) *sed omnia istæ vnâ eademque declinatione complectitur.*

Nam quòd scribit, verba eiusmodi non distrahi in numeros,
 in personas, in genera, in tempora, non est vacuum noxiis. Prio-
 ra quidem vera sunt; de temporibus verò cur addit? Profectò pa-
 lām * ἐξω τῆ ἀληθείας est, omnia tempora vnâ eademque declina- * falsum.
 tione his verbis comprehendi. Vnicam tantùm significationem
 habent * τῶ μέλλοντι; in præsens aut præteritum non torquentur. * futuri.
 Aliter autem est in numeris, personis, generibus, ad quæ omnia
 se aptant. Rectissimè igitur tria hæc verba, *neque in tempora,* à
 libris priscæ editionis absunt, & proculdubiò glossmata sunt &
 additicia. Barbaries & stribligo videtur cap. I. lib. XV.

Magni, inquit, reditus vrbiorum prædiorum, sed pericula sunt
longè maxima. si quid autem possit remedij fore, vt ne tam adsi-
due domus Romæ arderent, venum herclè dedissem res rusticas,
& vrbicas emissem.

in eâ videlicet lexi: si quid possit remedij fore. Emendo, remedij ferri:

CAP. XVIII.

*Vlpianus explicatus de Sparsionibus equorum.
Quid Spartor?*

QUod apud Vlpianum est, De his qui notantur infamiâ
 l. i v. *neque agitadores, nec qui aquam equis spargunt*, igno-
 miniosos haberi, id ego non de vulgari aliquâ sparsione, aut ad
 VI. Parerg. recreandos equos, accipiendum arbitror, etsi Alciatum iuris &
 cap. III. humanitatis consultissimum in hac sententiâ fuisse video; sed de
 sollemni quâdam & cum religione, imò superstitione, con-
 iunctâ. Nam fuisse mos videtur, vt, quoniam Circenses sacri lu-
 di erant, honorique Deorum dicati, equi certaturi prius lustra-
 rentur, & aquâ è certo loco petitâ spargerentur. Fidem huic rei
 peto è Charisio, lib. i. *Ad equas, an ad aquas vocari, dici debeat,*
quæsitum est. Qui ad aquas dicunt, enarrant quòd ex luco Camenarum
aqua religiosa afferri solebat, purificandi causâ. Sed melius Ad equas,
quòd olim greges equorum in Circum inducebantur, ibique per popu-
lum cursu equabantur. Qui etsi in alteram opinionem abit, tamen
 morem clarè satis ingerit, quem nos spectamus. Fallor valde,
 aut hunc ritum in mente habuit, & profanam hanc aquam aliâ
 aquâ damnauit Hilario vir sanctus: de quo * D. Hieronymus
 * In vitâ
 Hilarionis. narrat, cùm Italici cuiusdam, qui Christianus erat, equi Circen-
 ses dæmoniacis imprecationibus tardarentur in cursu, eum ac-
 cessisse Hilarionem. qui cùm aliquamdiu recusasset rei tam in-
 eptæ operam dare, tandem, inquit, *rogatus à fratribus qui aderant,*
scyphum fictilem, quo bibere consueuerat, iussit aquâ impleri, ei que tra-
di. Quem cùm accepisset Italicus, & stabulum, & equos, & aurigam
suam, rhedam, carcerumque repagula aspersit. eoque facto plenè vi-
 ctorem de aduersario est consecutus. In lapide veteri inter offi-
 cia Circensibus deputata etiam inuenio SPARTOREM. an pro
 SPARSORE? an potius à Sparto id nomen ductum, & ad Circi
 metarumque dealbationem munus pertinuit? Nam in Glossis
 ita scriptum, *Spartum, λουαλα ἐν διαφόροις.*

CAP. XIX.

Percutiendi Verbum variorum significatu.

Percutiendi verbum vsurpatum pro illo occidendi. Suetonius in Caligulâ, cap. III. *Hostem cominus sæpè percussit.* Capitolinus in Antonino Pio: *Nullus sub eo Senator percussus.* Vopiscus in Auidio Cassio: *Percutite me, si audetis, & corruptæ disciplinæ facinus addite.* Idem in Numeriano: *Aprum Præfectum Pr. ostentans percussit.* Victor in Tarquinio Prisco: *Filium tredecim annorum, quod in prælio hostem percussisset, pretextâ & bullâ donauit.* His omnibus locis (credo & aliis) palàm est *Percutere* τὸ φονέειν valere. Quid mirum? optimo etiam Latinitatis æuo, οἱ φονεῖν, *Percussores.*

CAP. XX.

De tunicâ interiore disceptatum. Ovidius, Plutarchus, Agellius explicati.

Non sum profectò * φιλολόγος, nec, vt quidam, animi morbo vel petulantia, sed studio veritatis, alienos interdum errores patefacere & proferre cogor. Scribit Lazarus Baïus, quod Lacænis vitio dabatur, & vnde * φανονεῖδες per iocum dictæ fuerunt, id ipsum à Romanis etiam virginibus factitatum: &, vt sine circuitione loquar, tam his quam illis in vsu fuisse tunicas vtriusque laterum inconsutas & apertas, vt inter eundem & in omni celeriore motu nudum femur appareret. Dij vestram fidem! vnde hoc in mētem tanto viro, quod nemo fando audiuit, -- neque vsquam fictum neque pictum neque scriptum in poematis? Nimis certè mirum esset, neminem vnum eorum, quorum Satyras, Amores & Epigrammata legimus, tam bellam lasciuendi iocandi que occasionem arripuisse: sed & omnes seueros illos Censores, qui vitia carpentes ac malos vrbis mores, alia quæ in vestitu peccarentur, perquam graphicè descripserunt, hinc c

nino mutos fuisse & elingues. Nam quòd Ouidium citat, vereor ne auctoritatem hic defugiat. Versus eius, quibus pugnat, hi sunt ex lib. i. De arte:


*Pallia si nimum terræ demissa iacebunt,
Collige, & immundâ sedulus effer humo.
Protinus officij pretium, patiente puellâ,
Contingent oculis crura videnda tuis.*

Hinc ita ratiocinatur: Si tunicæ vtriusque consutæ fuissent, colligendo vel attollendo pallio crura conspici non potuissent: nisi quis dixerit, leuatam vnâ cum pallio tunicâ, quod magis amantis fuisset quàm amantis. O plumbeum pugionem! Usqueadeò ne mirum & absolum fidei, dum officiosus iste amatorculus pallium sedulò colligit, motâ simul, vel adhærente tunicâ, puellæ pedes imâsve tibias leuiter aspici? Nam de femore quâ intellegi rectè possit, quod potius delapso pallio quàm collecto per apertam tuniculam apparuisset? Huc accedit, quod de cruribus Poëta dicit, quæ infra genua. Neque verò de Vestalibus hîc agitur aut Sabinis, quas in animo Baesium habuisse credo, sed lenibus istis & in misericordiam pronis, quæ facile ignoscant,

—— si quid flagrantius actum est.

* fide dignissimus

Cùm autem auctoritate Plutarchi moueri se negat, haud equum certè facit. Nam fidissimus & * αξιοπιστάτος ille scriptor discrimen hoc in vestibus inter Lacedæmonias & Romanas virgines clarè ostendit. Ipsum audiamus: Ἐν δὲ μᾶλλον ἢ περὶ τὰς παρθένους φυλακὴ κατέσχευετο τῶν Νεμεῶν πρὸς τὸ θῆλυ καὶ κόσμιον. ἢ δὲ τῶν Λυκέρων, περὶ τὰ παῖσι ἀναπεπταμένῃ καὶ θῆλῃς ἔσσι, τοῖς ποιηταῖς λόγον παρέχοντες. Φαινομένη δὲ τῶν αὐτῶν ἀποκαλύπτει, ὡς ἴσχυος, καὶ ἀνδρομανεῖς λοιδορεῖσθαι, ὡς Εὐριπίδης. Præterea cura puellarum ad pudorem muliebrem & verecundiam magis à Numâ restricta est; Lycurgi soluta prorsus & aperta iocandi materiam Poëtis præbuit. Φαινομένη δὲ τῶν αὐτῶν vocant eas, velut Ibycus, quòd incessu coxas reterent, & ἀνδρομανεῖς, quasi virosas, ὡς Euripides. Et paullò post de eisdem Lacænis, ut differentiam magis declaret: Τῶν δὲ οἵτις ἔπαρκεν χιτῶν & αἱ πτέρυγες ἐκ ἡσσαν ἀνερρεμέναι κατέπεσον, ἀλλ' ἀνερρεμέναι καὶ συνανεγύμνουσαν ὅλον ἐν τῶν βαδίζοντων μιν. Sanè virginum tunica imæ non habebant pinnas consutas, sed explicabantur, & totum incessu aperiebant femur. Satin' hæc sunt plana ac certa? Et tamen doctissimus ille vir alia nobis omnia (si diis



ICONISMVS DVPLICIS STATVÆ TVNICATÆ.



(si diis placet) persuadere conatur. qui cogitare certè debuerat, non semper verum veterem illum versum,

* Τὸ δοκεῖν καὶ τὴν ἀλήθειαν βιάζεται.

* *Opinio
vel veritas
in fa-
cit.*

neque omnes adeò fungos, vt si quis inero meridie tenebras esse dixerit, continuò credant. Tale enim hoc est, quod contra Plutarchum tam acriter defendit; qui tamen auxiliari habet Agellium affirmantem lib. V I I. C. X I I. Romanos *feminis solis vestem longè lateque diffusam decorum existimasse ad vlnas cruraque aduersus oculos protegenda*. Nam si crura tegi voluere, certè etiam femur atq; adeò nullæ apud eos φανομήριδες. Sed quàm hoc vanum, tam certum & exploratum hæc tunicas mulierum interiores sæpè per humeros & summa brachia inconsutas paucisque clauis siue sphæculis (aureis fortè & gemmeis in beatioribus) atque interdum etiam vno tantùm, connexas fuisse: quo, cùm vellent, soluto, tunica tota ad pedes nullo negotio defluebat. Bono sanè modo præut quàm hodie, cùm interulæ non exui facilè possunt, quin obiter (bonâ veniâ dixerim) & os & nares delibent. Plurimæ sunt statuae, quibus, si opus sit, hoc probemus: duæ sint instar omnium, altera Romæ ipsius in hortis Cæsiis, altera Deæ cuiusdam, in domo Farnesiorum.

Iconismus duplicis statuae tunicata hîc inserendus.

C A P. XXI.

Περίεργια & curiositas Pauli Iouij.

Annibalem ægrum oculis elephanto vno, qui superfuerat, quòd altiùs ex aquâ exstaret, in Etruriâ vectum Liuius narrat. Vnum superfuisse etiam Ioannes Zonaras memoriæ prodidit in pugná ad Trebiam, & hîc quoque Polybius. Quare satis mirari non possum, Paulum Iouium historiæ suæ hoc velut antiquarium Emblema * inseruisse: *In valle superioris Arni quâ Annibalem olim transisse ferunt: certissimo argumento, quòd ibi Ele-*

Lib. XXVII.

phantum ossa ab aratoribus hac ætate reperiantur, quas bestias multo gelu Alpium correptas amiserit. Nam si pensiore iudicio rem trutinemus, vana ac futilis hæc observatio; leuissimumque, vel nullum potius, quod ille grauissimum & firmissimum censet, argumentum. Primum enim, quomodo illic elephantum plurimum ossa, cum superstes vnus tantum? Deinde quis ei dixit, eum ipsum hîc periisse, cum vix per caliginem rationem itinerum Annibalis videamus, & adhuc incompertum inexploratumque sit, an per illam vallem transierit Annibal? Vereor sanè, ne stultiuidi illi fuerint aratores, plûsque fortasse viderint, quàm quod viderunt. Potuerunt tamen verè eruisse elephantum ossa; verùm aliorum, qui postea in Italiâ ad ludos & spectacula. Nam bellatores illi & Annibalici non in illo trans Glauim tractu.

CAP. XXII.

In Agellio glossemata quadam expuncta.

A Gellij Noctibus (quas non nisi cum Romanis rebus, vllâ nox obliuionis sepeliet) lib. III. cap. XII.

Laberius in Mimo libro primo, qui Salinator inscriptus est.
vett. libri: in Mimo vel primo. Certo certius est adtextum esse à
*submoueo. scriptore hæsitanti, primo scriberet, an Mimo. Itaque tollo & *ἐν-
τρίτω, vel primo.

Lib. VII. cap. II. disputatio est super errore Cesellij Vindicis in Enniano versu exponendo; sed is ipse non est expers errore.
Verba:

Hos autem versus Cesellius sic accipit, tamquam si Antiochus sic dicat: Annibal me, ne bellum geram, dehortatur. quod cum facit, æquale cor putat habere me ei: quàm stultum esse me credit, cum id mihi persuadere vult?

Nam Cesellij mentem quomodo hîc vides? Obscurat eum declaratione istâ suâ Agellius, non illustrat. Puto legendum: quod cum facit, quale cor putat habere me, & quàm. Patet ex ipso versu Ennij, quem Periphrasis hæc exponit. Sed & in eo quoque vitium, atque omnino scribendum:

Annibal audaci cum pectore de me hortatur.

Institutione & Timori priscis crebra.

Lib. x. cap. xxviii.

Tubero in Historiarum primo scripsit, Ser. Tullium regem P. R. cum illas quinque classes Juniorum census faciendi gratia institueret.

An Iuniorum modò illæ classes? imò etiam Seniorum. Delenda ea vocula, nisi palàm imperitiæ Tuberone arcessis.

Lib. ult. cap. ult.

Aut memoria adminiculatior, aut oratio solertior, aut sermo incorruptior, aut delectatior motio, aut in ludo liberalior.

Ponit callidè & tectè ea quæ sunt in ipsius libris. Sed quid est illa *delectatior motio*? nugæ: & legendum, *delectantior in otio*. Si scripta nostra, inquit, talia sunt, vt iis effici reddique possit aut oratio solertior, aut in otio & remissionibus delectabilior, aut in ludo iocòque liberalior. Vide connexum sententiæ totum.

CAP. XXIII.

Dissensus scriptorum in annis imperij Titiani.

PER mihi mirum est, dissentire & variare sic scriptores in annis imperij Titiani. Nam Suetonius (cuius fidem & accuratam scribendi rationem ignorat nemo) excessisse, scribit, in eadem, quâ pater, villâ, Idibus Septembris, post biennium ac menses duos dièsque xx. quàm successerat patri. Dionis compendium quoque omnia eadem: Ἡρξεν δὲ δύο ἐτηνὴ μὲν ἑξάς τε ἐμῶν, ὡς περιγράφεται. At Eutropius imperasse ait biennium ac menses octo, dies xx. Aurelius Victor hinc quoque stat, dicítque, *biennium ac menses ferè nouem*. Sex igitur menses amplius hi, quàm Suetonius & Dio. Eusebij verò Chronicon, in nonnullis quidem exemplaribus, largiùs: *Titus regnavit annos tres & menses duos*. In quam sententiam it Aufonius, vbi ex professo annos ætatésque Principum recenset:

Ter dominante Tito cingit noua laurea Ianum.

Mirum certè factum est, in tam illustri re & Principe tales esse ἀναρχονισμός. Quòd si verè annotatum à Suetonio, Vespasianum obiisse in nono Consulatus suo, viii. Kal. Julij, verissima sanè eius

computatio de annis mensibúsq; Titi. Quid autem caussæ, quamobrem alij seorsum ab eo sentiant; exputare non possum: præsertim cùm illi fides habenda, qui * *σύγγρον* Tito, vel certè ætati eius suppar.

CAP. XXIV.

Suus numerus Suetonio restitutus.

IN Suetonij Nerone extremo:

Denique cùm post x x. annos, adolescente me, exstitisset conditionis incertæ, qui se Neronem esse iactaret, tam fauorabile nomen eius apud Parthos fuit, vt vehementer adiutus, & vix reditus sit.

Numerus corruptus & iusto maior videtur. Longa enim hæc latitatio in x x. vsque annum: & quam refellit Zonaras in Titō: *Ἐπὶ τέττα, inquit, καὶ ὁ Ψευδονέρον ἐφάνη ὃς Ἀσιανὸς ὢν, ἐκαλεῖτο δὲ Τερέντιος Μάξιμος· θεωροεικῶς δὲ τῷ Νέρονι καὶ τὸ εἶδος καὶ τὸ φωνῶν. καὶ γὰρ καὶ ἐκιδαρῶδει. ἔκ τε δ' Ἀσίας πρὸς θεωροποιήσασθαι, καὶ ὅτι τὸ Εὐφράτιον θεωροῶν, πολλὰς πλείους ἀνηρτήσασθαι. καὶ τέλος πρὸς Ἀρταβανὸν τὸν Πάρθον κατέφυγεν ἀρχηγόν· ὃς καὶ δι' ὀργῆς τὸ Τίτον ποιεῖν, ἐδέξατο τῆτον, καὶ καταγαγεῖν ἐς Ρώμην παρεσιδούσετο. Sub eo Pseudo-Nero exstitit, qui Asianus erat, nomine Terentius Maximus, facie verò & voce Neroni persimilis. atque etiam citharâ cane-
bat. Is in Asiâ quosdam sibi adiunxit, & ad Euphratem progrediens longè plures conciliauit. Denique ad Artabanum Parthorum regem confugit, qui Tito infensus recepit eum, & Romam reducere statuit. Non alibi tam expressè res hæc tradita. At enimuerò si sub Tito hæc fraus, quis dubitabit, quin denaria nota superet in Suetonio? Atque ita initio Titiani imperij falsus hic Nero fuerit. Breuiter de eo Tacitus initio Historiarum, vbi hunc quoque motum tangit, inter præcipua scriptionis suæ argumenta: *Mota propè Parthorum arma falsi Neronis ludibrio.**

CAP. XXV.

*De sacris Apicibus, eorumq; materiâ & formâ. Gale-
rus, Albogalerus, Apiculum. Varronis lectio de-
fensa.*

Cum pridem antiqua fori Romani monumenta curiosis oculis arbitrarer, plusculum me tenuit apicis siue pillei sacerdotalis elegans forma, quæ in zophoro trium columnarum ad radices cliui Capitolini. & hac occasione domum post paul- lō reuersus scidas & aduersaria non indiligenter excutere cœpi. Multa quidem in illis, verum, vt sit, sparsim & confusim anno- tata. Sed & aliqua superuacua: quibus de industriâ præteritis, elegi quædam, &, vt ita loquar, edecumaui, quæ maximè facere ad rem propositam viderentur, leuiterque digesta capite vno complexus sum. Apex itaque sacerdotum est insigne, dictus ab eo, quod comprehendere antiqui vinculo apere dicebant. vnde aptus is qui conuenienter alicui iunctus est. Hæc Festus. Is autem duplex fuisse videtur, alter Flaminum, alter Pontificum, imò aliorum item sacerdotum. Communiter enim & Ἀπικῶς à Festo sacerdotum in- signe appellatur. Et Pacatus, in laudatione Theodosij: *Insignes apicibus sacerdotes.* Sed & de Saliis Dionysius: Τὰς καλεμδρῆς ἀπι- νας ἑπιμενδρῶν τῇ κεφαλῇ. *Apices qui appellantur capitibus imponen- tes.* Nec Athenæus aliò referendus: apud quem ita Larensius (siue is Romanis Laurentius fuit:) Πίλοις τε τῇ κεφαλῇ περικείμεθα τῷ περὶ τῶν δερμάτων δασεῖς. *Pilleosque capitibus imponimus è pel- libus ouillis densos.* Nam Laurentius ille inter Romanos Ponti- fices aut Sacerdotes. Ita enim idem Athenæus de illo: Καθίστα- μεν ἐπὶ τῷ ἱερῶν καὶ τῷ θυσιῶν ὑπὸ τῆς Μάρκε βασιλείας. *Præpositum sacris sacrificiisque à Marco Imperatore.* Capit nempe argumen- tum frugalitatis Romanæ, quod etiam tunc inter sacra Pilleis istis Ouillis vterentur, prisco ritu. Atquin Ouilli pillei, apices sunt. Festus in voce *Tutulus*: *Quidam pilleum lanatū esse dicunt, quo Pon- tifices vtuntur.* Vides *lanatum.* nec enim corium nudum erat, sed cum suâ lanâ: & ideò δασεῖς, densos, crassos, Athenæus dixit. Isi- dorus: *Apex est pilleus sutilis, quo sacerdotes gentiles utebantur.*

Sutilis,

Sutiles, nimirum è pellibus, vt dictum. Idem ostendit & *Galerum* appellatum : *Galerum*, pilleum ex pelle casæ hostiæ factum. Et Apuleius in Apologiâ : *Diogeni pera & baculus, quod Regibus diadema, quod Imperatoribus paludamentum, quod Pontificibus galerum*. Ergo sacerdotes etiam habuere, eoque referenda insignia Apicis in C. Iulij Cæsaris, Cn. Domitij & aliorum numis, qui exstant. Nam viris doctis & antiquariis nihil accredam, qui Flaminij Iuliani notam esse volunt. Quid? an ille Flamen? numquam inauguratus fuit: destinatus tantum, & à Sullâ statim priuatus. Itaque Pontificatum eius maximum notat. De pilleo Flaminis Varro tradit, propriè *Albogalerum* appellatum : *Flamen solus habet Albogalerum, vel quod maximus, vel quod Joui immolatâ hostiâ albâ fieri oportet*. Ergo videtur ille solus album Apicem gestasse, alij alius coloris. Præterea pilleo *Flaminum* (verba Festi) adfigebatur apex virgula oleagina. Sed & discrimen erat in ipsâ gestatione. Nam ὁ Φλάμεν (ait Appianus l. Ciuil.) *προφορεῖ μόνος αἰεὶ, τῶν ἄλλων ἱερέων ἐν μόναις προφορέντων ταῖς ἱερουργίαις*. *Flamen solus apicem semper fert, cum reliqui sacerdotes tantum in ipsis sacris*. Notabilis hic locus & ad differentiam & ad firmandos apices omnium sacerdotum. Formam eorum fuisse scribunt *κωνοειδῆ* siue metalem. Dionysius: *πίλεις ὑψηλὰς εἰς χῆμα συναγομένους κωνοειδῆς, & ἑλλῶες κυρθασίας καλεῖσι*. Pilleos altos in formam coni coeuntes, Græcis *Cyrbasias* dictos. Varro : *Tutulati dicti hi, qui in sacris in capitibus habere solent vt metam*. Quæ scriptura videtur ferri posse, neque temerè ablegandum, in *sacris*, in quibus eorum maximè vñus. Sed & Festus de metâ : *Tutulus pilleus lanatus metali formâ*. Et adstipulantur numi antiqui: nescio an lapides; certè non ij, quos ego quidem vidi. Nam hi pro metali faciunt pænè semicircularem. Ac ne quis oculorum meorum fidem timeat, rem ipsam testem dabo: lapides, inquam, ipsos ex archetypis expressos, quorum alter in arce Capitolinâ, alter in fornice Fabiano.



Addam tertium insignem artificio cultuque, & ex orbe cono-
noque mistum. Est is, de quo capitis initio dixi, in cliuo Capito-
lino, fulmenque & oleæ ramum habet. Quare facile adducor,
vt credam, Flaminis esse Dialis: maximè cum aliquorum sen-
tentiâ, quibus album ego calculum adiicio, reliquiæ templi sint,
quod Augustus in cliuo Capitolino (P. Victore teste) Ioui To-
nanti consecrauit. Cum enim * Palladius id negat, quia tam cul-
ta tamque ornata structuræ ratio non competit sæculo Augu-
steo, sanè oculos in occipitio habuisse videtur, nec Epigraphen
operis legisse, quæ restitutum esse dicit. Superest de Apiculo:
Apiculum, inquit Festus, *filum quo Flamines velatum apicem gerunt.*
Sed fortè caligarunt exscriptorum oculi. Seruius enim, *Apicu-*
lum, ait, *quo Flamines velatum caput gerunt.* Dicit caput eo velari,
non ipsum apicem, & referri possit ad ea quæ idem alibi: *Flami-*
nes in capite pilleum habebant, quod cum per æstus ferre non possent, fi-
lo tantum capita religare cœperunt. nam nudis peditibus capitibus ince-
dere nefas erat. Dionysius etiam respexisse huc videtur, cum scri-
psit Flamines gestasse *πίλωτα καὶ σέμματα*, pilleos & filamenta. An
& Statius Poëta?

* Lib. de
Archite-
cturâ.

K

Lanea

Lanea cui Phrygi coma flaminis.

Liuius enim filum, quo Feciales vsi, *laneæ velamen* appellat. etsi ad apicem referri quoque potest, sicut hoc Virgilij:

Lanigerosque apices. —

Non possum tacitus præterire, apicem pro pilleo à Cicerone vsurpatum, i. De Legibus, cum *ab aquilâ Tarquinio apicem impostum* scribit, qui Liuius pilleus est in eadem re siue miraculo narrando. itemque quod Appianus i. Εμφυλ. de Merulâ notat, apice deposito, venas sibi incidisse, quod Flaminem apicatum mori nefas.

*Interferendus hic Iconismus Apicis in lapide
clini Capitolini.*

C A P. XXVI.

Iuuenalis emendatus, & secus quam vulgò enarratus.

NON satis est ad meum stomachum Iuuenalis illud Sat. vi.
— *altera leuam*

Extendit, pectitque comas & voluit in orbem.

& genuinum Poëtæ esse existimo, *pectitque comas*: id est complicat & concinnat in anulos. Eadem Sat. quod est,

— *nondum Græcis iurare paratis.*

Per caput alterius.

explicant de periuriis; ego, quamquam Græcorum ingenia morésque ea non abhorrebant, ad adulationem potius refero, notarique puto Græculos eius æui, qui passim in magnis domibus, & per salutem aut Genium heri sui iurabant. scilicet eundem iis honorem, quem Diis aut Principi habentes. Iam ad illud,


— *periit libraria, ponunt*

Cosmetæ tunicas,

Librariam intellegi volunt, quæ exscribit dominæ libros. Sed an non palmam demus Glossulæ Pythæanæ? *Libraria, lanipendia*: quæ ancillis nempe distribueret appenderetque lanam. & inde *Pensa*. Post deinde:

Inter-

ICONISMVS APICIS IN LAPIDE
CLIVI CAPITOLINI .



Corn. Galle sculp.



*Interpres legum Solymarum & magna sacerdos
Arboris ac summi fida internuntia cæli.*

Referunt hoc omnes ad nemus Egeriæ, quod inhabitabant Iudæi. Suprà:

*Omnis enim populo mercedem pendere iussa est
Arbor, & eiectis mendicat silua Camenis.*

Mihi suspicio de sensu magis arcano, & cum irrifu Sacerdotem arboris dici, quia Iudæi censebantur in templo colere vitem.

CAP. XXVII.

*Suetonius & Dio, siue potiùs Xiphilinus, leui correctio-
ne in gratiam reconciliati.*

N Vllâ re veritas altiùs mergitur, quàm dissensu diffidióque librorum. Hic lectorum

—— animos nunc huc, nunc diuidit illuc,

nec quicquam cuiquam accredere omnino finit. Interdum tamen conciliari pax potest, neque semper * ἀσπονδον hoc bellum. ^{* irreconciliabile.} Et fortassis tale inter Suetonium & Dionem, siue potiùs Xiphilinum, quâ de factionibus agitatorum auctis à Domitiano scribunt. ille quidem sic: *Duas Circensibus gregum factiones aurati purpureique panni ad quattuor priscas addidit. hic autem contrâ, non de purpureo, sed argenteo panno: Τοῖς δὲ ἀρματηλαῖς δύο γένη ἔπεσεν, τὸ μὲν χρυσοῦν, τὸ δὲ ἀργυροῦν ὀνομάσας περπατήσῃσι. Aurigarum duo genera adiunxit, quorum vnum aureum, alterum argenteum appellauit. Certè vnus syllabulæ mutatione res confiet, si πορφυροῦν reponere audeamus. Si id religioni habemus, dicendum est, insignem fuisse errorem aut supinitatē in exscribendo Xiphilini. Nam argenteus color albus est, atque iam antè Factio albata. In Cassiodoro quattuor colores prisci nominantur; sed cum corruptiunculâ: *Prasinus virenti verno, Venetus nubilæ hiemi, roseus æstati flammeæ, albus pruinoso autumno dicatus est. Legendum, russæus. Nam roseus profectò minimè, qui ad purpureum accedit. & in codice Columniano, russæus vel roseus, hæsitante librariolo scriptum; ac passim in lapidibus, FACTIO RVSSATA.**

CAP. XXIIIX.

In Scholiaste Iuuenalis vetus scriptura integrata.

SCholiastem Iuuenalis veterem Petrus Pythæus, multis ornamentis ingenij, virtutis, honoris præditus, magno rei literariæ bono vulgavit; sed multimodis corruptum & hiulcum, pluscula ipse sanauit; pauca nunc ego. Sat. i. ad illa verba

——— *cùm verna Canopi*

Crispinus. ———

[Crispinus.] Niliacus, vnus de Consulibus Liciniæ, ac de plebe Ægypti fuit, magnarum postea Romæ facultatum.

Grauiissimo vulnere magno aliquo fomento medendum est. Apage igitur Consules istos Liciniæ, quos ego nec vinqum fuisse nec vsquam gentium arbitror; eorúmque vicem repone, quod germanum auctoris: *vnus de consodilibus Licini ac de plebe.* Vult quippe cum altero illo præpotenti nebulone Licino iunctum olim sodalitio fuisse, de cuius item opibus alij multa.

Sat. v. de Sarmento:

Quare per ludos, qui ibi primus xiv. ordinibus sedit, hæc à populo in eum dicta sunt:

Aliud scriptum habet Sarmentus, aliud populus voluerat.

Digna dignis. Sic Sarmentus habeat crassas compedes.

Rustici, ne nihil agatis, aliquis Sarmentum alliget.

Lego: *per ludos quibus primitus xiv. ordinibus sedit*, id est cùm primùm pro equite ausus & inter equites sedere. Iocorum autem vulgarium argutia in eo, quòd velint hunc falsum equitem non eo loco, sed seruili ergastulo dignum. Primus versus ludit in scripti nomine. Nam, vt eques esset, Censorium scriptum emerat Sarmentus. Ita in vitâ Horatij priscâ legitur, *eum quaestorium scriptum comparasse.* Et Cicero in Verr. lib. i i. clarè ostendit, cuius è libertinis, numulis corrogatis decuriam scribarum emere licuisse. Habet igitur, inquiunt, Censorium scriptum; at populus voluerat, vt in fronte scriptus & stigmatias ergastulorum more esset. In fine quoque eius Scholij iocus est, quem explicamus:

Jam autem senex coactus aucionare, cùm interrogaret conscriptum

*ptum quoque Censorium venderet, non infacetè bonæ se memoriæ esse perdita.**

Scribo: cum interrogaretur, cur scriptum quoque Censorium venderet; non infacetè bonæ se memoriæ esse prædicaui. Sarmenti hic iocus: rogabatur, cur Decuriam quoque, id est Scriptum venderet. Bonæ memoriæ sum, inquit. quasi diceret, Scripto non egeo, omnia commemini sine scripto. Pro corollario capitis addam hunc Sat. x. versum,

Exsilium & carcer Minturnarumque paludes.

vbi Scholiales:

Marius fugit, & latuit in Galliis, in Minturnarum paludibus.

Monstrum: an ibi, id est in mediâ Italiâ Galliæ? Corrigendum sine dubio, in calamis. Plutarchus: Καὶ πῆσαι καλῶσας ἐν χορῶν ποίλῳ ὡδὰ τὸ ποταμὸν ἐπέβαλλε ἥ τε καλῶσων πολλὰς καὶ τὴν ἄλλην ἐπιφέρον ὕλης ὅση κέρη: Et loco cauo propter amnem demittere se iusso (Marius) multam arundinem iniecit, aliamque materiam aggressit leuem.

C A P. XXIX.

Julij Frontini de Strategematis pluscula loca sanata.

Vtilem fanè operam homines doctissimi in Iulium Frontinum contulerunt, remque è malâ meliusculam fecerunt. meliusculam inquam, non optimam, quòd etiam nunc aliqua reperiuntur parùm lauta, quæque cinerem quærant. Strategematum lib. i. cap. xii.

Scipio ex Italiâ in Africam transportando exercitum, cum egrediens nauem prolapsus esset, id quod trepidationem afferebat, constantiâ & magnitudine animi in hortationem conuertit. Et ludite, inquit, milites, Africam oppressi.

Velim: Ludens, inquit, milites Africam oppressi. Lib. i. cap. iv.

C. Sulpicius Petreius Consul contra Gallos dimicaturus.

Imò verò, Peticus Consul. quod cognomen Sulpiciæ genti, & in historiis obuium. Eodem libro, cap. v.

Iapyges P. Licinio Proconsuli pagos quoque sub specie deditio- nis obtulerunt, qui recepti & in postremâ acie collocati terga Romanorum ceciderunt.

Emendat non nemo: *paganos quoque*. At ego, *paucos quoque*, malim. Illud quoque pertinet ad exemplum præcedens de Annibale. Lib. iiii. cap. ii.

Epaminondas Thebanus in Arcadiâ, die festo, effusè extra mœnia vagantibus hostium feminis, &c.

De verbo, *vagantibus*, incertat animum meum Polyænus in eâdem re narrandâ. Ait enim feminas istas bibisse ἀγχι μέδουσας, *que ad ebrietatem, & mox exiuisse ἐπὶ τῇ νυκτερικῇ θυσιᾷ, ad quoddam nocturnum sacrificium*. Itaque bacchari iis aptum, & bacchantibus huic loco. Sed ego fortasse hîc fatago, & quod dicitur, * *λὺ-
* lapi alas
quariso.* *us πρὸς ἑνὸς* non certè in eo quod subiicio. Cap. vii.

Clisthenes Sicyonius ductum aquarum in opidum Criseorum ferentè rupit. mox affectis siti restituit aquam elleboro corruptam, quâ vsos profluvio ventris decipiens cepit.

Scribo: *profluvio vètris deinceps cepit, vel deficientes cepit.* Cap. ix. *Philippus in obsidione cuiusdam maritimæ vrbis binas naues procul à conspectu contabulavit, superstruxitq; iis turres: aliis deinde turribus adortus à terrâ, domibus propugnatores distrinxit, turritas naues à mari applicuit, & quâ non resistebatur, subiit muros.*

Quis adeò Pyrrhonius, vt pronuntiare dubitet, hoc loco vitium esse? Tollimus id diuulsione vocum: *dum ibi propugnatores. item, cōuersione Præteriti in Præsens, distringit, pro distrinxit.* Cap. x.

Idem, vt Saguntinos eliceret, rarâ acie ad muros accedens, &c.

Resistamus ad limen. Quis ille *idem*? Hannibal? certè is præcessit, sed alius ab eo qui Saguntinos deuicit. Nam Hannibal est qui in Siciliâ bellum gessit, & Himeram urbem cepit, vt ibi narrat. Quomodo ergo *idem* qui cum Saguntinis manum conseruit? Certum est exscriptorum virtute & magisterio deprauatam scripturam, atque adeò Criticam opem aduocandam. In duabus autem positus sum sententiis: vna, quòd legendum, vt *Segestanos eliceret*, notam Siciliae gentem: altera, *Item, Hannibal vt Saguntinos*. Ita repetendum Hannibalis nomē sit, omissum quasi superuacuum à tēporum hominumq; parum gnaris. Cap. xvii.

Velius Præfectus Romanorum, arcem Tarentinorum tenens misit ad Hasdrubalem, &c.

Credo, *Liuius præfectus*, si hæc quidem gesta, vt apparet, bello Punico

Punico secundo. Nam constat è Liuiio aliisque, hunc præfuisse
arci, opido per focordiam eius amisso.

CAP. XXX.

*Adoratio sacra purpura. Non omnes ad eam promi-
scuè admissi. A Constantio cœpit, & hodie etiam
in usu.*

INter amplissimos honores, quibus Principes ætas posterior
affecit, adorandæ purpuræ fuisse comperio. Ammianus lib.
xv. *Susceptus tamen idem dux leniter, adactusque, inclinante negotio
ipso ceruices, adorare solemniter anhelantem celsius purpuram.* Idem
lib. xxi. *Verùm cum primitus visus, adorandæ purpuræ datam sibi
copiam aduertisset. Sed quid hîc adorare purpuram? non aliud quàm
tangere eam, & ad os veneranter admouere? Declarant sequen-
tia in Ammiano. Cùm enim ille (captiuus Lucilianus) securum
hoc facto se putaret ac Principi reconciliatum, subiecit iste: Hæc
verba prudentia serua Constantio. Maiestatis enim insigne, non ut
Consiliario tibi, sed ut desinas panere, porrexî.* Appellat autem Ma-
iestatis insigne porrigere purpuram hanc dare osculandam. Colli-
gas idem ex altero loco, superius paullò: *Inter complures alios ho-
nore conspicuos, adoraturi Imperatorem peregrè venientem ordinantur
etiam ex Tribunis insignibus. Cùm igitur à Mesopotamiâ reuersus Con-
stantius hoc exciperetur officio, Amphiloehius quidã ex tribuno Paphla-
go ausus paullò petulantius stare, ut ipse quoque ad parile obsequium
admittendus, agnitus est & prohibitus.* Nam ordine scilicet ad-
missi fuerunt ad sacra purpuræ tactum. Idem Ammianus de
Thalassio inimico: *Quo adorare adesseque officio inter honoratos pro-
hibito.* Sic etiam olim salutatione prohibebantur. Suet. Vesp. cap.
i v. Mos hic non admodum vetus; sed à Constantio (si Am-
miano fides) ortus. Eodem libro xv. *Vrsicino ingresso Consistorium
offertur purpura: atque ita ante Principis pedes supplicem statuerunt
externorum Regum ritus, cùm semper antea ad similitudinem iudicum
salutatos Principes legerimus.* Sed & hodie hæc Adoratio in usu:
tangendi inquam vestem & ad os admouendi. Quòd certis au-
tem

tem & honoratioribus tantum personis sacrae purpuree tactus
 permixtus fuerit, quasi beneficii loco, vel ratione tituli, praeter
 Ammianum toties hic citatum, Cassiodorus in Variis satis de-
 clarat: Lib. x i. Ep. x x. de Primicerio: *Quapropter spectabilitatis
 honore suffultus inter Tribunos & Notarios venerandam purpuram
 adoraturus accede. Iterum Ep. x x x i. de eodem: Inter domesticos
 & protectores sacram purpuram adoraturus accedat.*

CAP. XXXI.

Qui Diui fratres in Lampridio. Vopiscus correctus.

Lampridius in Elagabalo: *Lapides qui Diui dicuntur, è pro-
 prio templo; Dianae Laodiceae simulachrum ex adyto suo, in quo
 id Orestes posuerat, auferre voluit. Qui sunt hoc loco Diui? An
 Diui fratres, id est Castores? Argumentum ex Eusebio, qui Do-
 mitiani rebus adnotat: Multa opera Romae facta, in quibus Capitolium,
 Forum transitorium, Diuorum porticus. Atqui Domitianus inter
 alia Castorum templum instaurauit, siue additis porticibus or-
 nauit. Martialis lib. i x. Epigr. i v.*

Quid loquar Alceiden, Phœbumque piōsque Laconas?

Addita quid Latio Flauia templa polo?

Sed animus mihi pendet, ampliusque deliberandum censeo.

Vopiscus in Probo:

*Orbis terrarum non arma fabricabit, non annonam præbebit: vo-
 bis habebuntur aratra, equus nascetur ad pacem: nulla erunt bel-
 la, nulla captiuitas.*

Pro statu pacifico, quem describit, & quia sequitur de equo, non
 male, * *τὸν ἐμὸν δοκῶν*, legatur, *bobus habebuntur aratra*. Nam id
 inter præcipua pacis munera, terram coli, nec aut boues abripi,
 aut aratra in enses verti.

• pro mea
 opinione.

CAP. XXXII.

E. J. Frontino pluria vitia sublata.

Frontinum mihi fodes corrige, lib. I v. cap. III.

M. Catonem vino eodem, quo remiges, contentum esse traditur. Satis enim liquet id esse alienum occupasse, proque eo mittendum in possessionem verbum egisse. Et cap. v.

Sempronius Tuditanus & C. Octavius Tribunus militum, omnibus fufis ad Cannas, cum circumfederentur, suaserunt commilitonibus, ut stringerent gladios, & per hostium praesidia erumperent secum. de cunctantibus duodecim omnino equitibus vel pedibus qui comitari sustinuerunt repertis, incolumes Canusium perueniunt.

C. Octavius illum Tribunum — qui sit homo, nescio,

Neque novi: neque natus, necne is fuerit, id solidè scio,

quoniam ignotus planè & innominatus aliis est scriptoribus. Hoc igitur dubium me dabat, an nō scriptum olim, *Tuditanus è leg. octava Tribunus militum.* Solent enim, vbi plures legiones, ad discrimen numerum addere & designare, in quâ quisque Tribunus. Liuius, Cæsar, & alij. Sed nil demuto, præter, *Tribuni militum.* Nam de Sempronio liquidò constat. Etiam illa vitiosa, *duodecim omnino eq.* bonoque periculo corrigas è Liuiio: *DC. omnino equit.* Nam tot numero fuere, qui comites se dederunt animoso huic Tribuno. Eodem cap. exemplo penultimo:

Æginenses, cum à Vialotis liberi & coniuges caderentur, præoptauerunt spectare supplicia pignorum suorum, quàm à Romanis deficere.

Palmerius ingeniosè quidem & acutè emendat, à *Bæotiis.* Ego tamen præoptem, ab *Ætolis.* Nam de horum acri & sæuo cum Romanis bello libri & historiæ loquuntur. Sed nec à scripturâ nimium recedimus. Cap. vlt.

C. Cæsar cum in partibus Pompeianis magna equitum Romanorum esset manus, eaque armorum scientiâ milites conficeret, ora oculosque eorum gladiis peti iussit.

Sermo ille inquinatus: *milites armorum scientiâ conficere.* Coniicimus ex ipsâ re-gestâ: *suique armorum scientiâ militis confideret.*

CAP. XXXIII.

De Claudiani versibus aliquot, coniectura.
Numeri militares.

COr & cerebrum pænè mihi finditur, quoties apud Claudianum in oratione Romæ lego:

At ego quæ terras humeris pontumque subegi.

Quis enim bambalio sic loquatur? virtute, manu, copiis, quidvis potius dicendum erat. Itaque sine controuersia τὸ humeris

* ad cornus * ἐς κόρυμβας, quod aiunt, mitti debet, eiusque vice aliud rei conuenienter assumi. Quid autem potissimum? Mihi quidem:

* Diuisus
nunc huc
animus nunc
voluitur
illuc.

* bonum
sonum habens.

* διχα θυμὸς ὁρᾷ περὶ ἐντα καὶ ἐντα.

Nam *armis* quidem idoneum sit; at nescio quomodo non satis * ἑσπεριον, & à scripturâ longulè dissitum. Numeris autem, pro cohortibus & copiis militaribus, cùm benè aures implet, tum à libro minùs nihilo discedit. Sed vereor, ne quis hoc tanquam inusitatum proscribat, eoquæ Claudianum vsurum fuisse neget. quod tamen facere non sunt veriti cùm Vlpianus & Paullus Iurisperitorum coryphæi, tum politissimus ille Secundus. Nam Tertullianum & Optatum Mileuitanum in medium non voco. Quid, quòd hoc verbum circa Claudiani tempora frequentissimo in vsu? Patet ex Sozomeno: *Romanorum cohortes, quæ nunc numeri nuncupantur.* Itaque caussam non video, cur id tantopere abhorrerit, qui satis liber talium, atque adeò religioni non habuit, *absentare, madidantes, podager* pro podagrico, & huiusmodi quædam vsurpare. Verumtamen si rectius quis reppererit, dabo manus.

* Nā certi
habeo nūc
huc & illuc
fluctuans.

* Ἰσμερὺ γὰρ ἐδ' ἐν φανέσ, ἀλλ' ἀλώμεθα.

Apud eundem eodem libro:

Hoc erat in fratres? medio discordia Mauro

Nascitur, & mundus germanaque dissidet aula?

Ita libri vulgati, præter eum qui nouissime Lutetiæ prodiit, habentem: *Hoc erat? in fratres m. d. M.* Vtriq; nōne præstet?

Hoc erat in fatis? m. d. M. N. & m. g. dissidet aula?

Paullò post:

Restitit

*Restitit in speculis fati, turbaque reductus
Librauit geminas euentu iudice vires,
Ad rerum momenta cliens, seseque daturus
Victori. Fortuna simul cum morte pependit.*

Postrema hæc non facio tanti. Quî tamen emendem, consilij
certi parata gutta non est. Vt tamen deuorem, quod aliquam-
diu circumrodo, quid si mente pro morte scribamus? Hoc nunc
placet, ——— * ἐπεὶ ἔ μὲν π ὧς ἀπονοήσαι ἀμενον.

Nec magis ferendum quod subiungitur:

———— vix hæc amentia nostris

Excubiis; nedum puero rectore quiescet.

De præteritis enim sermo. quare valeat τὸ quiescet, ei que succedat
quiesset per συκοπλὴ pro quiesisset.

---* quan-
do melius
reperire
hæc est
mihi quic-
quam.

CAP. XXXIV.

*De cultu sacrarum arborum. Longè lateq; diffusam
hanc superstitionem fuisse, & in Conciliis sæpe dam-
natam.*

MIrum ingenium, magna vis superstitionis: nihil tam in-
eptum & absonum fidei, quod non persuadeat; nihil
tam indignum ac turpe factu,

———— quod non mortalia pectora cogat.

Hæc nemora, hæc arbores quasi sacras, imò Deorum sedes, coli
iussit. Plin. lib. XII. cap. I. *Arbores fuere numinum templa, priscoque
ritu simplicia rura etiam nunc Deo præcellentem arborem dicant.* Maxi-
mus Tyrius Ser. XXXVII. Κεῖτοι σέβουσι μὲν Διῶ, ἀγάλμα δὲ Διὸς Κελ-
τικὸν ἐν ἡλὴν ὄρεσιν. *Jouem Celtae colunt, Jouis autem apud eos simulachrum
alta quercus est.* Liuius: *Et hæc, inquit, sacrata quercus & quicquid
Deorum est audiant.* Quinctil. lib. X. *Quasi sacras vetustate quercus
adoramus.* Itaq; vittis & lucernis eas colebant. Prudentius II. con-
tra Symmachum:

*Et quæ fumiferas arbor vittata lucernas
Sustinuit, cadit vltrici succisa bipenni.*

Sed & vota ad eas nuncupare & tabellas appendere solebant.
Ouidius IX. Metam.

* lucis nēpe

Stabat in his ingens annoso robore quercus
Una nemus: vitta mediam memorēsque tabella
Sertaque cingebant, voti argumenta potentis.*

Isidorus hunc morem tangit, nec intellegit. Lib. xvii. cap. vi. *Lucus est densitas arborum, tropo per Antiphrasim, eò quòd non luceat, siue à luce, quòd in eo lucebant funalia vel cerei propter vlmorum tenebras.* Non herclè ob vlmorum tenebras, sed ob cultum. Et hac quoq; fini religiosi viatores ad eas gradum tanquam ad alicuius Dei vel aram vel simulachrum sistebant. Apul. Flor. i. *Neque enim iustiùs religiosam moram viatori obiecerit aut ara floribus redimita, aut spelunca frondibus inumbrata, aut quercus cornibus onerata, aut fagus pellibus coronata, vel etiam colliculus sepimine consecratus, vel truncus dolamine effigiat, vel cespes libamine humigatus, vel lapis vngvine delibutus.* Quemadmodum autem exuias ferarum, sic hostium etiam spolia sæpè hîc deponebant. Liuius i. *Ibi ea (spolia) cùm ad quercum pastoribus sacram deposuisset.* Lucanus i.

*Qualis frugifero quercus sublimis in agro,
Exuias veteris populi sacrataque gestans
Dona ducum.*

De anathematis præterea legimus contra fascinum appensis, & pro fructuum prouentu: apud Suidam in *ωεγατ&λ&ωα*. Ad summam, tanta diuinitas inesse credebatur, vt eas lædere ac violare extremum nefas ac piaculum haberetur. Exempla compendifacio, quibus opera Poëtarum plena sunt. Porro autem latissimè vagata est hæc superstitio, nullamque ferè gentem intactam & intemeratam reliquit. De lucis Baali apud Samaritas & alios quàm frequens sacris in libris mentio? De Græcis Italisque mitto dicere, ne vel eadem iterare, vel vulgaria & peruagata nimis adferre necesse sit. De Indis Curt. lib. viii. *Deos putant quicquid colere cœperunt, arbores maximè, quas violare capitale est.* De Gallis Maximus Tyrius sermone suprâ allegato. Lucanus de luco Massiliensium lib. i i. etiam victimas iis cæsas docet:

Omniſque humanis lustrata cruoribus arbor.

De Germanis Tacitus: *Lucos ac nemora consecrant, Deorumque nominibus appellant.* Idem de Sueuis: *Stato tempore in siluam auguriis patrum & priscâ formidine sacram omnes eiusdem sanguinis populi legationibus cœunt.* Et xx. Ann. Ciuilem Batauos sacrum in ne-

mus conuocasse tradit. Chronicon Vrspergenſe de Saxonibus: *Frondoſis arboribus, fontibus exhibebant venerationem.* Althamerus vult Hercyniam ſilvam ab Hercule, Martianum nemus, vulgò nigram Silvam, à Marte nomen habere: & alius, Trebocos ſiue Triboces populum, quaſi Treybuchios, à tribus fagis antiquâ religione ſacris. Adeò verò penitus hæc perſuaſio ſe fixerat, vt ſæpiùs à ſanctiſſimis viris & Synodis damnata vix euelli ſtirpitus ex animis hominum potuerit, & ad poſtrema pænè tempora peruenerit. Contra eam D. Auguſtinus De tempore Serm. CCXI. *Quicumque in agro ſuo aut villâ aut iuxta villam aliquas arbores aut aras vel qualibet ſana habuerit, vbi miſeri homines ſolent aliqua vota reddere, ſi non eas deſtruxerit vel ſucciderit, in illis ſacrilegiis, quæ ibi facta fuerint, ſine dubio particeps erit.* Et Concil. Carthag. v. can. xv. *Placuit ab ſmpp. gloriſſimis peti, vt reliquæ (gentilium) non ſolùm in ſimulachris, ſed in quibuſcumque locis vel lucis vel arboribus omnino deleantur.* Arelatenſe 11. *Si in alicuius præſbyterio infideles aut faculas accenderint, aut arbores aut fontes vel ſaxa venerentur, ſi hæc eruere neglexerit, ſacrilegij ſe reum eſſe cognoſcat.* Sacriuas arbores eas vocat Concil. Antiſiod. can. 111. *Non licet inter ſentes aut arbores ſacriuas vel ad fontes vota exſoluere.*

CAP. XXXV.

Frontinus De Aquæduct. duobus locis correctus.

DE libellis Aquæductuum non ſine cauſâ dubitari poteſt, an eiufdem ſint Frontini, qui Strate gematum collegit. Purior enim & emendatior in illis videtur ſermo. Vitia tamen, vt fit, ac menda quædam irrepſerunt. quale eſt hoc lib. i.

Martia autem parte ſui, poſt hortos Pallantianos, in riuû qui vocatur Herculaneus, deicit ſe per Cælum. Ductus ipſius montis vſibus nihil vt inferior ſubminiſtrans, initur ſupra portam Capenam.

Si enim ductus ille per montem Cælum, quomodo eo inferior? Corriſio: *Ductus ipſius montis vſibus nihil, at inferioribus miniſtrans, finitur ſupra portam Capenam.* Sententia eſt: Aqua Martia etſi per Cælum ducta, tamen colli illi non ſeruit, ſed tota & illibata fertur ad loca ſubiecta.

Libro secundo:

Nam cum oriatur Anio supra Trebam angustā (scribo Augustam: estq; Treba opidum Latij Plinio & Ptolomæo notum) seu quia per saxosos montes decurrit, paucis circa ipsum opidis obiacentibus cultis, seu quia lacus altitudine velut depuratur, &c.

Legerim: *circa ipsum opidum obiacentibus cultis*. Pauci, inquit, agri culti aut vomere scissi adiacent opidum Trebam: ideoque prior illic Anio, quoniam luti nihil trahit, aut radit è cultis ripis. Hæc enim causa est, cur infrà Anio sit turbidior, quòd (verba eius sunt è lib. I.) *terras cultas circum se habeat, soli pinguis, & inde ripas solutiores*. Vel possit etiam legi, *paucis circa ipsum opidò. id est, opidò paucis, Comicâ phrasi*.

CAP. XXXVI.

De pueris ac puellis alimentariis.

MOrem hunc, etsi satis memorabilem, vix est ut putem à quoquam antehac libatum. Et ideo pro bono me facturum existimo, si caput hoc ei dicauero. Fuerunt pueri puellæque tenuiores, eisque cum alendis tum erudiendis annui redditus, vel ex ærario fiscove, vel è priuatorum donis & legatis: idque partim misericordiæ causâ, partim in honorem & cultum Augustorum Augustarumve; sed cum sexus discrimine, & ut illorum nomen pueri, harum puellæ referrent. Quæ diximus, subiectorum aspectu locorum patebunt. Et primo quidem de pueris Martianus ad leg. Falc. *Diui Seuerus & Antoninus rescripserunt, pecuniam relictam ad alimenta puerorum Falcidiæ subiectam esse: & ut idoneis nominibus collocetur pecunia, ad curam suam reuocaturum Præsidem provinciae*. Et iterum lib. I. De legatis: *Si quid relictum sit ciuitatibus, omne valet: siue in distributionem relinquatur, siue in opus, siue in alimenta, vel in eruditionem puerorum, siue quid aliud*. Sed & lapis antiquus:

*

DIVO
ANTONINO
AVG. PIO
ALIMENTARI

De puellis autem Iul. Capitolinus, in Antonino Pio: *Puellas alimētarias in honorem Faustinae Faustinianas constituit.* In M. Antonino Philosopho: *Nouas puellas Faustinianas instituit in honorem uxoris mortuae.* Et de his vetus exstat numus, quem videre fuit in Musæo viri nobilis & tertium Antuerpiæ iam Consulis Nicolai RokoxI; tum etiam omnibus hoc loci videndum dare. Est enim vir ille, si quis alius, in commune bonus, publicorumque commodorum, quæ publicè, quæ priuatim, admodum studiosus: ac proinde & rei antiquariæ & omnis elegantiae thesauros, quos habet amplissimos, tam liberaliter omnibus recludit, ut quæ optimo iure sunt ipsius, ea publici iuris esse videantur. Huius igitur beneficio prodit in lucem hic numus, ad Capitolini loca nimis quàm accommodatus, & ex quo supplere simul & emendare possis eum, cuius epigraphen tum mancā tum vitiosā Adolfus Occo publicauit.



Sed hæcenus de pueris puellisve seorsim; videamus qui coniungant. Facit Paulus I C^{us} libro iam allegato de Legatis, qui locus insignis, & eā re totis hīc à me transcribendus: *Ciuitatibus, inquit, legari potest etiam quod ad honorem ornatumque ciuitatis pertinet. Ad ornatum: puta quod ad instruendum forum, theatrum, stadium, legatum fuerit. Ad honorem: puta quod ad munus edendum, venationemve, ludos scenicos, ludos Circenses, relictum fuerit. hoc amplius, quod in alimenta ætatis putæ infirmæ (senioribus, vel pueris, puellisq;) relictum fuerit; ad honorem ciuitatis pertinere respondetur.* Faciunt quoq; Spartianus & Capitolinus. ille in Hadriano: *Pueris ac puellis, quibus etiam Traianus alimenta detulerat, incrementum liberalitatis adiecit.* hic in Alexandro Severo: *Puellas & pueros, quemadmodum Antoninus Faustinianas instituerat, Mammaeas et Mammaeos instituit.* Adhæc lapides antiqui, Traiani vnus, alter Antonini Pij:

IMP. NERVAE. TRAIAN. AVG
GERM. P. MAX. TRIB
POTEST. COS. IIII. P.P.
NOMINE. PVERORVM
PVELLARVM QVE
VLPIANORVM
EX. S. C. P.

T. AELI. HADRIANI
ANTONINI. AVG
PII. PONT. MAX
TRIB. POT. XIII
IMP. II. COS. IIII. PP.
FILIO
PVERI. ET. PVELLAE
ALIMENTARI

Tertius elegantissimi doctissimique Secundi nostri, quem honoris eius causâ L. M. describo.

C. PLINIVS. L. F. O V F. CÆCILIVS
AVGV. LEGAT. PROC. PR. PROVINCIAE. PONT
CONSVLARI. POTEST. IN. EAM. PROVINCIAM. ET
IMP. CÆS. NERVA. TRAIANO. AVG. GERMAN
CVRATOR. ALVEI. TIBERIS. ET. RIPARVM. ET
PRÆF. ÆRARI. SATVRNI. PRÆF. ÆRARI. MIL
QVÆST. IMP. SEVIR. EQVITVM
TRIB. MILIT. LEG. III. GALLICÆ
X. VIR. STLITIB. IVDICANDIS. THER.
ADIECTIS. IN. ORNATVM. H. S. CCC.
AMPLIVS IN TVTELA. H. S. CC. T. F. I.
ET. LIBERTORVM. SVORVM. NOMIN. H. S. XVII. LXVI. DCLVI. REI
INCREMENT. POSTEA. AD. EPVLVM. PLEB. VRBAN. VOLVIT. PERTIN
AMPLIVS. DEDIT. IN. ALIMENT. PVEROR. ET. PVELLAR. PLEB. VRB. HS. . .
IN. TVTELAM. BIBLIOTHECÆ. H. S. C.
.

Nec omittendum quod ipse Plinius Ep. IIX. lib. I. *annuos sumptus in alimenta ingenuorum* pollicetur, & educationis eorum munus commendat, vtilissimūq; appellat. quod quidem non absimile orphanotrophorum muneri videtur, cuius in Codice Iustiniano Constitutionibūque Principum aliquoties mentio. Adhæc in lapidibus reperire est hæc talia:

QVÆST. ALIMENT.

Q. ARC. PVBL. ET. PEC. ALIMENTAR.

QVAE. AER. ET. ALIM.

CVRATOR REIP. ALIMENT.

Verū an hæc ad frumentariam modò distributionem pertinuerint, an & simul nostram hanc rem alimentariam respexerint, in medio relinquam. Sed nec plura concenturiabo, ne sortè
puti-

putidum & * ἀμείζονα iniquisquam esse clamet. Vnum Dionis * Verborū
locum appingo, quo Traianum ita liberalitatem suam diffu-
disse constat, ὥς καὶ τὰ πόλεις καὶ ἐν Ἰταλίᾳ πολλὰ καὶ παλαιὰ τροφὴν πολλὰ
χρησάσθαι. vt etiam opidis Italiae multa, ad puerorū alimenta, contulerit.

CAP. XXXVII.

In Claudiano diuinationes. Dissensus à viro docto.

IN Claudiano, de bello Getico :

*Vulneribus pars nulla vacat, incisaque cuncti
Gloria fœdatis splendet iactantior oris.*

Stephanus Clauerius iuris & humanitatis consultus qui Com-
mentario Poëtam hunc illustrauit, hos versus ita vulgauit. Re-
ctè præut quo pacto passim : *recisaque cunctis*. Tò *cunctis* enim
certè est * ἀπὸ παντὸς & nulli rei, cum de vno mentio fiat. Quia ta- * reiiciendū.
men omnes ferè libri sic habent, orta mihi suspicio, adulteri-
num & * ὑποβλήτων esse pro *contis*, id est lanceis aut hastis, qui- * suppositi-
bus illæ gentes vsæ, & vnde καὶ τὸ βόλεος dicti. Iul. Pollux lib. I.
Onomast. Examina Lector, & omnes in vtraque parte calculos
pone. Εἰρηφῶ δὲ κύβος. Lib. I I. in Eutropium: * iacta verò
sit alea.

*Subter adulantes tituli nimiaque leguntur
Vel maribus laudes : claro quod nobilis ortu;
Cum viuunt domini ? quod maxima praelia solus
Impleat ; hoc patitur miles ? quod tertius vrbis
Conditor ; hoc Byzas Constantinúsque videbunt ?*

Ita locum hunc, si quis alius, corruptissimum R. P. Matt.
Antonius Delrius egregiè iam olim emendauit. A quo tamen
abit Clauerius, & in tertio versu edit, *Coniuiua & Domini*; in
sequenti, & *pariter miles*. Quid hoc aliud, quàm inuentis
frugibus ad glandes redire?

— * ἢ μάλα τῷ ποτὶ ἔπος νημερτὲς ἔειπε
vir ille in omni doctrinæ genere eminentissimus, probamq;
planè scripturam in integrum restituit. Cum autem in eius
explanatione Clauerius per Dominos ipsos designari dicit
Imperatores, * Οἷός τε καὶ ἄλλον μῦθον ἀμείνονα τῷ ποτὶ νοήσας.

Non enim illi omnium Domini, sed Eutropij tantum, à quibus
fastiditus & venum datus fuerat, intelligi debent, hac sen-
tentia: * Sermone
hoc aliū me-
liorem pro-
mere nouit.

M tentiâ:

tentiâ: nihil ineptius esse vel intolerabilius, quàm quòd ille genus & longos iactet natales, cuius adhuc domini sint superstites, sub quibus seruitutem eum seruissè constet. * Τοῖονδ' ἐμὸν φερόμεναι, &, audeo dicere, omnium, qui animum aduertunt. At secundo loco, quò minùs ab impressâ librorum orbitâ recedamus, exarari possit, & patitur miles.

* Talis meus
sensus.

De I V. Consulatu Honorij:

*Quæ sub te vel caussa gravis, vel iudicis error?
Nec legitur dubiis quis litibus addere finem
Iustior, & mersum latebris educere verum.*

Ita libri excusi; sed melioris notæ MS. in Bibliothecâ Vaticanâ:

*Quæ sub te vel caussa gravis, vel iudicis error
Neglegitur? dubiis quis litibus addere finem
Iustior, & mersum latebris educere verum?*

Vtrum concinnius, palàm esse puto. De nuptiis Honorij & Mariæ: ——— blando spirantem numine ceston

*Cingitur, impulsos pluuiis quo mitigat amnes,
Quo mare, quo ventos irataque flumina soluit.*

Cui non suspecta hæc ταυτολογία? an aliud amnis à flumine? Puto fulmina non flumina γήσιον auctoris esse, id quæ, eiectò subditio, suam in sedem reducendum. Sic apud alios, iracunda fulmina: fulminis ira. Sed horum talium iam sat est; imò vereor, ne nimis multum.

* Fortè etenim cunctis non est mea cantio grata.

* ne satietas adueniens.

gravis ac molesta sit.

* Cunctarum satias rerum est, somni Venerisq; Et cantus praedulcis & egregij salatus.

* Satietatem & mel habet.

* Οὐ γάρ πως πάντας χειζόμενος τὰδ' ἀείδω.

Nec ad omnium hæc palatum: &, vt maximè sint, cauendum tamen, ^b μὴ ποθὲς ἐλθὼν κνίσῃ, vt ait Pindarus. Nam quod verissimè Poëta princeps;

* Πάντων μὲν ποθὲς ἔστι καὶ ὕπνου καὶ φιλόποτος,

Μολπῆς τε γλυκερῆς καὶ ἀμύμονος ὀρχητμοῖο.

& breuiter idem Lyricus, ^d Κόρον δ' ἔχει καὶ μέλι.

ERRATA.

Pag. 2. lin. 14. lege ὅν. pag. 7. l. 2. χαλλιερέαι. ibid. συνεκλυθέτας.
pag. 35. in marg. supposititium. pag. 68. lin. 13. Glanin.

PHILIPPI RYBENI

A D

IVSTVM LIPSIVM

POEMATIA.

INNOVATION

1871

THE NEW YORK

LIBRARY

GVILIELMO RICHARDOTO
 IOAN. RICHARD. PRAES.
 FILIO
 ACADEMIÆ DVACENÆ
 CANCELLARIO.



Audes IVSTI LIPSI, cuius
 memoria mihi sacrosancta,
 quò potiùs eant, quàm ad te,
 GVIL. RICHARDE, quem
 vnum omnium libentissimè
 lecturum existimo? Persua-
 det hoc eximius ille tuus erga *ἐν παραείλω*
 amor, ac debitus ille quidem cùm meritis eius
 & virtuti, tum affectui, quo te prosequeba-
 tur, panè singulari. Talem certè fuisse iuxtà
 mecum tenent omnes, quos in eodem illo
 contubernio Felicitas intimè iunxit; &
 etiamnum probè meminerunt, quanti te
 semper fecerit vir ille omnium calculo ma-
 ximus, quotièsque & quàm pleno ore re-
 ctam indolem, suauissimos & optimos mo-
 res, ac mirificum in te studium virtutis &
 litterarum commendarit. Sed quid opus in
 his priuatam conscientiae fidem interponere,

quæ tot litteris ac publicis testata monimen-
 tis patent? Ad tuam in me beniuolentiam
 venio, quæ spem mihi facit, quemadmodum
 amanti res etiam minimæ, quæ ab amatâ pro-
 ficiscuntur, in amore & deliciis, ita meum
 hoc qualecumque munusculum aliquo pe-
 nes te loco fore, communisque potius amici-
 tiæ, quàm sui pretij æstimatione ponderan-
 dum. Sed neque longior hac in parte ero,
 pluribusve, quid causâ meâ vel volueris vel
 feceris, enarrabo. *Satis magnum alter alteri thea-
 trum sumus.* Rogabo tantum, spem hanc uti
 meam ratam facias; ac si verba rem, quod fa-
 cilè video, non exæquant, id non solum in-
 fantiæ meæ, sed & amplitudini viri adscri-
 bas, cuius hæc præcipua laus, *dignè laudari non
 posse.* Qui vel parua vel mediocria aggredi-
 tur, nisi fauet Euentus, reprehensionem fa-
 cilè incurrit; *in magnis vel voluisse sat est,*
 & conatus etiam in laude. Etsi ne conabar
 ego quidem, neque tam longè spem meam
 porrigebam. Non enim ipse me prorsus
 ignoro, nec ex eâ sum litteratorum notâ, qui
 simul ac versum pedibus instruxerunt, in
 Heliconem continuò se venisse putant.
 Quod damus officium est, & omitti sine
 culpâ non potest. Iusta DOCTORI nostro
 solui-

soluimus, ac dolori, quem ex eius obitu cepimus, multò grauiſſimo, poſtque tam longam intercapedinem etiamnum recenti, piè parentamus. Sed & ſoluimus quod debemus: ſi quidem ille ſoluit, qui cùm ſoluendo non eſt, memorem atque gratum animum præſtat, ac nomen publicè profitetur. Quid, quòd ipſe LIPSIVS, huius conſilij olim fundus & ſubſcriptor? Notum id tibi, GVIL. RICHARDE; & vt aliis item ſit, ecce Epiſtolam eius teſtem. Cur autem ELECTIS hæc adiicio? Partim quòd Ampliſſimo PARENTI dignus eo FILIVS aptiſſimè ſubiungi videatur, partim faſtidij, quod illa Lectori fortean attulerint, leuandi & abſtergendi. ad morem videlicet ſcenicorum, qui reficendis auditorum animis aliud argumenti in exodio plerumque promunt & aſſumunt. Si fallor, &, quod aiunt, * τὸ κακὸν τῷ κακῷ ἰσμεν, * *malum malo curo*, voluntatem tamen ſtadiumque gratificandi non ingratum fore confido. Benè vale, & viue.

Guil. Richardoto & Phil. Rubenio suis.

A Bitis, imò abistis, & Vale illud, etsi mœstis, dicendum tamen fuit. O quando iterùm Salue? Erítne vt videam, & viuam? Voueo:

*Et non antè mihi claudantur lumina morte,
quàm ego vos brachiis istis claudam & astringam.*

*Quorum ego manantes oculos & saucia vidi
Pectora:*

nec meis quidem illis siccis, aut hoc illæso. Sed ite & redite felices, Italiam videte, ingenium polite, iudicium formate. Nam ego, cum Attio

Probis probatos potiùs quàm multis velim.

Nostis æuum, vanitatem, luxum, delicias, ineptias:

non ita Romuli

Præscriptum & intonsi Catonis:

neque hercules meum, vt tot annos audistis. Sed heus, tu Rubeni, nubem illam doloris circumfusam Carmen tuum * *ὑποκατήλειον* nonnihil dispulit, ô dij boni, bonum. Palpo non te percutio, sed cum Syracusio,

* Os plenū
eu mellis
habes.

* *Πλήρες τοι μέλιτος τὸ καλὸν ὄμμα.*

ô os Gratiarum & Musarum! Vulgari potest, siue à te siue à me, sed vulgari. Vísne vt ego per Moretum? promptiùs fecero, nisi sint laudes meæ, & quidem superfluentes. Sed vale, mi amice,

* quem su-
per omnes
diligō ami-
cos Vt ca-
put hocce
preum.

* *τὸν ἐγὼ πρὸ πάντων τῶν ἐταίρων*

Ἰὼν ἐμῇ κεφαλῇ:

& caput hoc ipsum tango. Louanij x v. Kal. Oct. ∞. i c c i.

PHILIPPI RVBENI

CARMEN

Apobaterion & Eucharisticum

AD

IVSTVM LIPSIVM

Doctorem & hospitem suum.

Hæc Rône sollicitos vacuum per inane precatus
 Ventorum volucres animæ, scæuivæ potestas
 Cæca GenI rapuit, nec cæli ad lucida templa
 Feruida se faustâ penetrarunt alite vota?
 Ergo igitur Diuûm sunt puluinaria frustra

Culta mihi, cunctâsque petitâ ritè per aras
 Pace Deûm multâ genua incerata tabellâ?
 Hæc sortis promissa, hæc coniectoris apellæ
 Responsa, & cælo, Phœnicum more, sereno
 Conscia secreti scrutantis sidera fati?
 Hoc Volucrum cantus, hoc præpetis omina pennæ,
 A leuâ cornix, dextrâ Phœbæius oscen,
 Multaïque præterea, quibus immoderata cupido
 Prona adhibere fidem, signorum læta notabant?
 Heu spem fallacem! heu vanos simulantia visus
 Ludibria, in mentes hominum quos nocte soporâ
 Limina candenti mittunt perfectâ elephantò!

N

Non

Non adeò nupèr toto spem corde sinuque,
 Ceu minimè dubiam, ceu calitus affulgentem,
 Amplexus, curaque animum defixus in vnâ,
 Italiam mea vota, tuis sed MAXIME LIPSI
 (Ah frustra!) auspiciis ac ductu penè Videbar
 Jam premere, & septemgeminæ miracula Romæ
 Per nebulam, quâ fas, mihi cognita, cominus ipsis
 Jam lustrare oculis, cupidoque morantia longum
 Sæpè representans animi mens gaudia (quid non
 Illa potis, quas non species ingignere rerum?)
 Vel sacro fixum lateri, vel ponè sequentem,
 Usque indiuiduum fantis fingeat ab ore
 Pendere, atque avidis haurire tot aurea dicta
 Auribus, & largo deductos flumine riuos.
 Nunc multum diuersa soli cælique docebas.
 Ingenia; vt mutantur & hæc labentibus annis,
 Quæque olim tellus culturam dura negabat,
 Quæ neque Pomonæ neque Bacchi munera norat,
 Jam facilis domino, nec in vlllo tempore mendax
 Largiter & Bacchi & Pomonæ munera fundat;
 Fluminaque Arctoi quæ victa furoribus axis
 Sapius iniectâ ceu compede torpescabant,
 Non interrupto labantur libera cursu:
 Nunc, quibus hic vastus distinguitur vrbibus orbis,
 Haut secus ac paruis in grandi corpore nauis:
 Quæ quibus emineant inprimis opida rebus,
 Quæ populis legum, quæ sit variantia morum,
 Quæ rerum regnique vices, vt in omnibus ortus
 Occasusque, suis vt quæque obnoxia fati:
 Nunc decora Italie veteris, sub flore virorum:
 Hic Villam & magno prætoria culta colono:

Hic exspiratum caua per tectoria sulphur;
 Nec procul inde lacus ac frigida piscinarum
 Balnea, & illustres busta asseruantia manes:
 At fragmenta alibi cuneata ingentia molis,
 Deque triumphatis eductos gentibus arcus:
 Quà lapsantem aram, quà crebrâ fulta columnâ
 Tecta Deum: grandes dehinc mirandasque ruinas,
 Ac fortunatam testantia rudera Romam.
 Hæc in delitiis & amoribus: illa voluptas
 Titillare animum, seu calum Phosphoros albis
 Seu furuis Nocturnus equis alterna subirent.
 His dapibus pascebam oculos, hæc mattya tamquam
 De Superum missas inhiabam sigmate partes,
 Cum velut hospitij ius & genialia sacra
 Aut fidi numen violassem Sigalionis,
 Ipsis à labris tam dulcia scitamenta
 Fugere, & medio flos Bacchi euauit ore.
 Jam calum sublimis & aurea sidera adibam
 (Sæpè iterare inuat, inuat indulgere dolori)
 Cum velut ille olim facinus puer ausus inausum
 Remigio liquida defectus in aëre pennæ,
 Aut Hyperionius vibrati fulminis ictu
 Excussus patriæ Phaëton temone quadrigæ,
 Votorum summo de vertice præcipitavi:
 Cum soli carpenda via est (quæ Diique Deæque
 Hæc Tropica?) illunæ ceu per caliginis umbram,
 Quod duce deiectus tali, qui nocte vel atrâ
 Lumen, qui mihi turba fuit per sola locorum.
 Usqueadeone igitur miseris mortalibus ægrè
 Proueniunt votiua? adeo sors altera passim
 Obuia? candidior tam rarò calculus exit?

I nunc, & vultu Fortuna crede sereno.
Nimbos ille parat nimius nitor, illa procellas
Seuas illa hiemes pellacia blanda minatur.
Sed quid agis, quò me laxis spatiatus habenis
Prouehis affectus? Summi Prætoris in albo
Sic erat, & solido, cui fata insculpta, metallo.
Quod statuit, nos velle decet, cælique negata
Decreto vanâ non suspirare querellâ.
Quin, quod & officij ratio nunc postulat, & mos,
Triste vale potiùs facio? quin dicere grates
Accingor tibi SVMME VIRVM? nam reddere dignas,
Et grande hoc tecum pariando expungere nomen,
Tam pote, flammigera quàm more volucris, in ora
Intonsi radiata Dei, cùm plenius orbem
Peruolgat, cùm iam medio aurigatur Olympo,
Inconuiam aciem & rectum fixisse obtutum:
Quàm velut aëriam referentia pennipotentum
Corpora naturam, superam volitare per æthram;
Errare aut instar animantium Nerinorum
Molem per liquidam & spatiosi terga profundi.
Quid tibi, si tabulas inspèxis, debeo, quid non
Debeo? tu modicâ inuectum freta cæca carinâ,
Non ad Erythræo latitantem gurgite prædam,
Aut spolia illa nouæ noua Colchidos, aut Eoï
Messèsque mercèsque soli; sed ad optima rerum,
Ad pretiosum animi censum cultumque parandum,
Dirigis, vt speculâ nocturnum lumen ab altâ,
Ardentèsque astrorum ignes, quibus arboris vnctæ
Nauita per tumidum moderatur Nerea gressus.
Tu tamquam ignotâ passim regione vaganti
Sponte tuâ certam monstras rectamque viarum.

Quæ sacros patet ad latices & Musica labra,
 Ac breuiore isthinc quasi tramite ducit ad illa
 Edita doctrinâ sapientum templa serenâ.
 Ad summam, angusto describam vt pluria gyro,
 Tu satus Iâpeto, tu Maiae filius almae,
 Tu bonus ille mihi Genius, qui noxia missus
 Munera Pandora cumulo pensare bonorum,
 Nec tæreum rectæ mentis cratera propinat.
 Quid sanctum patuisse domus, quid in ipsa receptum
 Tecta loquar? quæ Musæo communia cœtu
 Musarum antistes colis, & mediocria quamuis,
 Maiestate tui supra omnia culmina, supra
 Cesarea ambitiosa altè fastigia tollis:
 Tecta, mihi præ quæis tua vileat incluta Zeno
 Porticus, ac tantum complexa Academia nomen,
 Aut clarum variæ doctrinæ laude Lycæum,
 Cuncta togatorum facunda aut atria patrum.
 Nec dispar nostræ reliquæ sententia turbæ.
 Quamuis ante alias tibi dedita factio plaudit,
 Cui propius spectasse datum; tamen insimul omnis
 Hic caueæ fauor, hæc plenæ vox vna theatri.
 Inuidiæ victor ferruginei que veneni
 Omnibus es, L I P S I, mirabilis: omnia iunctim
 Puncta caput docti te constituere senatus.
 Quin tua te veterum penè obstruxisse triumphat
 Ætas lumimbus: quin tanto Belgica alumno
 Turritum calo caput infert, iamque vetustæ
 Helladis Italiæque excelsos æquat honores.
 Quid mirum? vt vario diuersa per ostia lapsis
 Se gremio latæ confundunt Tethyos amnes,
 Uuida maternis libantes oscula Nymphis:

Sic tibi (mira fides) cunctorum mista bonorum
Copia, sic largus mentem confluxus inundat;
Quæque alios hominum vix singula disque parata
Condecorauerunt, in te stipata relucet.
Omnia solus habes: labris Dea Dædala Peitho
Insidet, atque suos instillat mellea succos.
Doctrina & virtus pariter (prò pulcra synoris!)
Illa augusta tui sacraria pectoris ædem
Delegere sibi: quoquò vestigia flectis,
Quicquid agis, certo sequitur pede dia Minerva,
Nec secùs in quouis felicem dirigit actum,
Nestora quàm Pylum, Laërtiademque heròæ.
Illa etiam à primis vagitibus amplexata est,
Asseruitque suum: mox omni sedula curâ
Commisit Phæbo & Phæbi formare puellis.
Hinc de Pieriâ facias seu verba cathedrâ,
Quouis cumque animos Alcides Gallice ducis:
Sive premas calamum, calamo felicius illo,
Quem donum Cephala dederat Latonia virgo,
Quidlibet assequeris; quidquid venare, poteris.
Hinc, ut Amalthææ Nympharum munere cornu
Jugiter & pomis & odoro flore repletum,
Omnigenas tu mentis opes semperque vigentis
Ingenij fœtus autumno perpete fundis,
Qui sæclis prosint pòst omnibus, & longævæ
Non metuant umquam cariem tabemque senectæ.
Quid stabilis vitæ ratio, nec discolor ullâ
Parte, nec in vario variantes tempore mores?
Sed placidi semper, faciles duraque remoti
Tetricitate; quibus tantum non prodigus, omni
Te vulgas populo, tua passim æraria pandis.

Quid Decor, & suavi quæ cuncta lepore venustat
Componitque pari Gravitatis Gratia librâ?
Nempe palàm studuit Natura ostendere in vno,
Quem voluit cunctis cumulatum excellere rebus,
Unde satum mortale genus, quo semine oriundum,
Quoque tenuis prodire queat, quæque vltima creta.
Sed quid tam vastum laudum inconsultus in æquor
Labor, & obsequio tenuis te lædo Camenæ?
Non sunt apta meæ tam grandia vela carinæ;
Nec verò alterius, totam licet ille Aganippen
Hauferit, inque iugis Parnassi exegerit æuum.
Non magè Vlysseum cuiusquam viribus arcum
Quàm domini curuare fuit, nec Pelian vllis,
Præter Achilleos, pronum vibrare lacertis;
Quàm tua fas alijs consummatissima verbis
Ornamenta sequi. condignè te tua tantum
Musa canat; cuius complecti angustia mentis
Haut valet, effari nec linguae possit egestas.
Ten' igitur numero nos allegisse tuorum,
Dignatum mensæ secreto? mène beatum
Hoc apice & tanti maculatum culmine honoris!
Qui mihi communis cum paucis, qui mihi fasces,
Qui toga cum sellâ rutilans prætexta curuli.
En quibus astringar vinculorum nexibus: en queis
Vndique circunder nodis, quos nec ducis anceps
Æmathiæ ferrum, nec vis Vulcania soluat.
Verùm, age, cælestem qui duxti largiùs ignem,
Cælestes imitatus opertos inspice sensus,
Inspice, quâsque agimus penito tibi pectore grates,
Ponderibus perpende suis, & prompta probetur
Ac veterem iuxta morem deuota voluntas.

Nec

Nec porrò vulgata fiet mihi fabula fraudi,
Fabula fuscæ culpâ sublata animarum,
Hac modò grata tenus benefacta existere, citra
Dum spem soluendi consistunt; longiùs autem
Progressa in tenues euanida spargier auras.
Dum vivo & video, dum copula coniugiùmque
Corporis atque animæ diuort lignara vigeunt,
Nulla erit hac nobis aut cura aut cautio maior,
(Per lapidem deiuro Jouem, per numina Phœbi
Et quarum cluet hic præses præstèsque sororum)
Quàm ne sancta tui reuerentia claudicet hilum,
Quàm tua ne minimo violetur gratia naeuo.
Sin mala me tantùm manus, & cui (prò pudor!) ingens
Hoc mundi Chaos atque ipse est obnoxius æther,
Ipsa suos etiam submittit Delia fascès,
Æmonia pestis (quod abominor) infatuaret,
Extremóque meam turparet crimine vitam:
Te Dea, te vindex scelerum Rhamnusia testor,
Infaustamque Aten, damnatorumque ministras
Immites operum Eumenides, cuiicumque daturum
Ultrò me noxæ generi, quæcumque volentem
Supplicia hausurum: Siculi tunc æra iuueni,
Tunc formidatos tunicæ flagrantis amictus
Nullus defugiam: tum dirum Ixionis axem,
Augentemque famem dapibus, secundaque pœnis
Viscera, cum vestris deposcam Belides urnis.
Sed meliora Dii, sed ter monstra illa nefasque
Despuo: quæ fieri tum demum posse putabo,
Æternâ cum lege Dei cumque ordine verso
Naturæ, tellus cælo diffusior, astra
Inferiora globo terræ, cum flumina retro

In caput alta suum salsis à fluctibus ibunt.
 Quòd si non prorsus similem popularibus vsti
 Memnonis, Eoiq̃ue colentibus vltima mundi,
 (Queis atro noctis sunt ora imbuta colore,
 Lucida cùm primi nascentis tela diei
 Excipiant, primi radiatum insigne salutent)
 Et claro iubare & radiorum luce propinquâ
 Nonnihil ille meus me Cynthius illustrarit:
 Ac velut hoc solùm regio suprema calefcit
 Aëris, ætheriæ quòd sit contermina flammæ,
 Fors itidem sacer hanc glaciem tepefecerit ardor,
 Vicinûsque leuem stricturnam diderit ignis:
 Si non hoc animi, quod lumine conseris, aruum
 Deposìtum fallet, siquid letamine longi
 Percoctum studij, commentandi que subactum
 Vomere, venturis frugum profuderit annis
 (Si modò venturos Lachesis mihi neuerit annos)
 Quantulacumque tuis rationibus illaturus
 Semper ero, LIPSI: septem quodque ille Sophorum
 De numero petiit Milesius hostimentum,
 Tu mihi tu solus memorabere fundus & auctor.
 Te, te prælatus cunctis mortalibus vnum
 (Sic dextrum mihi numen, & hæc ad cœpta secundum)
 Eximio quodam cultu venerabimur; vni
 Calicolum vt Regi fortissimus Æacidarum,
 Certo cratere & proprio libabimus auro.

IN EIVSDEM NATALEM.

Cæstalos quisquis fontes & Musica labra
 Accessit, liquidoque rigauit nectare mentem,

O

Cecropia

Cecropiæ pia turba Deæ, cui dedita mens est
In Sophiæ studiis, & pura in corde voluptas;
Eia, agedum, niueo iam quisque insignis amictu,
Incinctusque comas ederâ & Parnasside lauro,
Lætitia vultum mihi sumite, sumite cultum.
Templa Deum reſerate, coronatasque recenti
Flore aras nubes Panchæi turis inumbret.
Lux agitur, verè quam ſignet candida Eôi
Bacca maris, feſtis & faſti lucibus addant;
Lux bona, LIPSIADEN cui doctior imputat orbis;
Lux magna, humanis quâ ſeſe obtutibus ipſi
Vulgauere Dîj. Summo nam venit Olympo,
Et dignata ſuo terras eſt corpore ſancto,
Caſta puerperiis quæ præſidet Ilithyia,
Ut maturatis prodiret nixibus infans.
Ipſa videbatur cari præuertere patris
Officium, manibusque ſuis de matre rubentem
Tollere & altrici protendere dia Leuana.
Innuba quinetiam Pallas, doctique Heliconis
Numina ſe pueri voluerunt ſiſtere cunis,
Atque haurire oculis, qui mox ſuus eſſet alumnus,
Et famâ reliquis ſic antiſtaret alumnis,
Ut matutinos præſtinguit Lucifer ignes.
Si qua fides, ternas huc ſe penetraſſe ſorores
Narrant, atque aliis ſubtemen nentibus aureum,
Præmonuiſſe unam diuino carmine Clotho,
Qui vagitantis ſplendor, quàm clara futura
Fama foret, quantumque olim voluentibus annis
Muſarum ſtudiis portenderet incrementum.
Hic puer, illa inſit, hic erit velut ætherius Sol
Deſubito exortus, qui peplum ſoluet opacæ

Noctis, & in clarâ mortales luce locabit.
 Per quem, sopitæ fuerant quæ turpiter artes,
 Pulchrius exsurgent, Augusteique resument
 Maiestatem cui: per quem squallore remoto,
 Absterfoque situ, scriptorum sæcla priora
 Veros induerint habitus veteremque nitorem.
 Gaudete illustres animæ, si quid modo, si quid
 Jam sapitis, sensusque aliquis Acherunte sub imo est.
 Aurea mens illi, vox dulcis tineta Suada
 Nectare, & omne genus rara ac miranda bonorum
 Congeries: vno se pectore cuncta recondent.
 Varronis memini, docti memini Arpinatis;
 Sed taceo. & tacuit cum dicto præscia Diua.
 Salve cura Deum. Sed & o mea maxima cura
 Ac desiderium: quem suspiramus, & vsque,
 Ingenti quamquam dispescimur intervallo,
 Visibus hinc animi tuimur tamen omnituentis.
 Hæc tua lux & amœna tibi & genialis agatur,
 Antiquumque tuum obtineas. nam scimus, & vnâ
 Commemini tecum festum hoc agitare suæue,
 Vitigenumque hilarè Genio libare liquorem.
 Ferrea non animi delibent tempora pacem,
 Non vis morborum, non æumnabile bellum,
 Et nostræ, heu, minitans patriæ res vertere fundo.
 Fortè breui meliora sequentur, moxque futurum,
 Ut tantis stet pausa malis, aliquisve Deorum
 Hos patriæ fluctus, hos tranquillauerit æstus.
 Namque vices rerum (tua sit fas dicta referre
 Hoc signata animo) sunt; & quæcumque geruntur
 In terrarum oris, rapido ceu turbine semper
 Versantur, nihilumque loco consistit eodem:

Ac veluti variat faciem Oceaneia Tethys,
 Nunc hiemante mari, caloque mimantibus vndis,
 Nunc iisdem placidis & leniter equore strato;
 Hac itidem alternare volunt & vertier vsque
 Fati lex eterna atque immutabilis ordo.
 Ipse vnus sapiens sibi constat: cumque minetur
 Horrida tempestas supra caput, ille futuri
 Securus fruitur presentibus; ac pote quantum,
 Curasque luctusque animorum caca venena
 Declinans, placidum tranquillumque exigit æuum:
 Secreto assimilis mundo summum aëra supra
 Lunaremque globum, quem numquam grando niuesque
 Horrificant, numquam vis fulminis ignea flammam,
 Non agitat Boreas, non imbricus Auster; at vnum
 Obtinet ac nullâ violatum nube serenum.
 Seria sed valeant hodie valeantque seuera:
 Absit sollicitus sermo, nec fabula mæsta
 Obscurâ nitidam temeret ferrugine lucem.
 Nulla hodie occurrant atri vestigia luctus,
 Obscureque nihil. per sudum nulla vagentur
 Nubila, siluifragus requiescat flamina Caurus,
 Atque ingens placidum stagni stet more profundum.
 Desinat argutam Pandione nata querellam:
 Desinat & lessum coniunx miseranda Ceycis.
 Ipsam arefcentem spectet Sipyleia pubes
 Tantalida, & lachrimam stupeat non depluere vllam.
 Largior at solito laticum fluat Aënius fons,
 Et plus Pierij saltus siluæque virete.
 Omnia letitiae sint nostræ ad finia: fausta
 Passim verba sonent, plausus atque omnia lata.
 Hoc ius, hoc fas est: tu porrò candide sepè

Natalis redeas; tu feste & fauste dierum,
 Jucundumque habeat seris te LIPSIVS annis,
 LIPSIVS Adriaci qui Vincere pulueris annos
 Pluriaque est dignus vivendo condere sæcla.

QVERELLA ABSENTIAE.

Quid me nunc Urbis strepitum fumumque quiete
 Mutasse & calo liberiore iuvat?
 Quid ruris secreta, quid optata otia prosunt,
 Et sopor ad fontem lenè strepentis aquæ?
 Quò mihi natiuos prati ridentis odores,
 Quòsque leui spirant à pluviâ segetes?
 Quò liquidas anium voces per frondea tecta,
 Cum matutino rore madescit humus,
 Si procul à Musis, abs te cultissime LIPSI,
 Dego rudes inter dissimilésque mei?
 Si te mens animi miserè cupit & suspirat?
 Quo nil Sol spectat doctius & melius:
 Humanam suprâ qui mensuramque modumque es,
 Atque ita sim felix, Numinis instar habes.
 Quicum unâ quoties, aurâ inuitante Favoni,
 Grudia non celeri culta pererro pede,
 Sermonemque bibo suspensis auribus omni
 Conditum Sophiæ Piëridumque sale,
 Sermonem Hybleo stillantem melle, quod ipsa
 Adspersit Peitho, quod Venus & Charites,
 Protinus exiit quicquid dolet, atque animo omnis
 Prorsus amarities & scabitus fugit,
 Quicquid & internam pacem delibat, ab herbâ
 Ceu Lacedæmonia letificante Helenes;

Inque vicem purâ pectus dulcedine tanger,
 Quæ sit vel dulci dulcior ambrosiâ:
 Catibus & qualem cælestibus assumptorum
 Percipere Heroum credibile est animas,
 Concilio Diuûm cùm Jupiter ora resoluens
 Resque hominum pandit fataque tam varia:
 Sollenni aut epulo, cùm quâ præclara Deorum
 Dona canunt molli voce Heliconiades,
 Quâ tenerum argutâ testudine carminis auctor
 Carmen mobilibus temperat articulis.
 O niueam quæ tanta reducet gaudia lucem!
 O mihi felicem terque quaterque diem!
 Quòd si fatorum lex durior intercedet,
 Summaque habent summi numinis imperia,
 Me longè externas aliquando diuidere oras,
 Expertemque tuis, ah, facere alloquiis,
 Tum nec arena Tagi me tota, nec aurifer Hermus
 Thesaurique inuent diuitis Arabia:
 Nec magè Sidonio saturata murice vestes,
 Lectaque Erythræis bacca sub æquoribus:
 Nec domus ampla, vbi eburque renideat atque argentum,
 Et ferat auratas Afra columna trabes,
 Assidue populo quæ concelebretur, & omni
 Mane salutantum perstrepat officiis:
 Quicquid & est horum, quæ Janus summus ab imo,
 Nec nemo è vulgo suspicit atque stupet.
 Hec alius cupiat atque æstimet, improba quanti
 Ambitio taxat stultaque avaritia,
 Quæ neque curarum strepitum mentisque tumultus
 Sedant, & repetit perfida sæpè Dea.
 At mihi sit (Voti summa hæc) te, PRIMA VIRORVM,

Simplice

Simplice vel cultu; sis ubicumque, frui:
Sis ubicumque, domum seu perpetuò urbem habebis;
Seu, dudum quod aues, avia rura coles:
Seu certum, in patriâ sortem quamcumque manere,
Sive erit illa bona, sive erit illa mala:
Seu potiùs, statione alibi te condere tutâ,
Dum venti ponunt, dum fera lenit hiems.
Tecum ego nam possim vel regna nivosa Aquilonis,
Aduersi fines vel penetrare Noti;
Et siue Hesperios stabile est seu visere Eöos,
Visere & Eöos, visere & Hesperios.
Ergo iam vallésque mihi collésque valete,
Aruaqué quæ vestit iam refecanda Ceres.
Ergo silua vale, cuius ego tutus in umbrâ
Defendi capiti torrida solstitia:
Silua vale, toties quâ nulli debita curæ
Moraqué cum fragis legimus & cerasa,
Capripedésque salax Faunos genus & Satyriscos
Vidimus arte vagas prendere Hamadryadas.
Ite procul teneris cum foetibus, ite capellæ,
Jam vestri satias me tenet ac pecoris:
Non ego vos posthac pendentes rupe videbo,
Bucera nec vallem sacra per irriguam.
Sed neque vos alacri iuvenes contendere cursu,
Missilibúsve scopum figere arundinibus:
Nec molleis choreas, nudâ cum rustica surâ
Virgo leues scitè subsilit ad numeros.
LIPSIVS *antistat rebus longè omnibus vnus:*
Hoc omnes vno sunt mihi deliciae.
Hic nos te subigat Rhodopeïe deferere Orphen,
Atque Amphionia dulce mēlos cytharæ:

*Tu quamuis blandus auritas ducere quercus;
 Hic lapides cantu mouerit & scopulos.
 Ac veluti Clytien Sol aureus, atque Erymanthis
 Fugiter Herculeum stella trahit lapidem:
 LIPSI me virtus rapit incluta, & obstupefactum
 In se admirandis figit imaginibus.*

IN SENECAM A I. LIPSIO
 RESTITVTVM.

Antiqui monimenta Sophi, quo sidera tangit
 Et Pandionis vrbs Martia certat Athenis,
 Indignis affecta modis, multisque pudendum
 Manca & hiulca locis; sed & aspera vulnera passa
 A Criticorum obelis & auari dentibus aui
 In medio leti quasi limine versabantur,
 Jam tineis deuota epula blattaque voraci.
 Non tulit hoc, reliquis tacite mussantibus, ardens
 LIPSIADAE virtus, quæ passim sternere monstra,
 Quæ coniuratas acies atque agmina contra
 Barbariæ ire solet, totamque immane furentem
 Ac tumidam imperio & latè dominantibus armis
 Versa fugâ dare terga subegit, & excellentes
 Restituit Latio ciues, orbi que magistros.
 Ille atrox prodire nefas haud passus, & hocce
 Tam detestando temerari crimine sacrum,
 Occupat auxilium, & notas accingitur artes:
 Noxia queis gangrena ac tabida serpere pestis
 Desuit vltèrius: queis cruda & hiantia latè
 Sicut Apollineis coierunt vulnera succis:
 Stigmata queis facièsque cicatricosa recessit,

Inque

Inque vicem nitida illa ac germanissima forma,
 Carmine ceu magicæ ve redit Titanidos herbis.
 O sacer, ô magnus LIPS I labor, optima leto
 Eripere, integramque colum & noua condere fata!
 Nam verè mors est geminata atque altera Parca
 Scriptorum interitus: quibus auctor quippe superstes
 Ipse sibi, Famaque aternum viuit in ore.
 Scilicet hi fructus, hæc præmia digna laborum,
 Bis Stygios innare lacus, bis turpia monstra
 Formidare Erebi, nec fungi simplice fato.
 Verum hæc vt paueant alij; tibi nulla timenda
 Magne tamen LIPS I: te tutum viuida virtus
 Inque alios præstat pietas: tibi nescia lædi
 Membra, tibi nullo corpus penetrabile telo:
 Quale tuum Perrhæbe, tuum Neptunie Cycne.
 Si non ergo nigris miscentur cuncta fauillis,
 Si mens, vt certum, cineri bustoque superstes,
 Desuper ex altâ mortalia despicit arce,
 Quis tibi nunc, ANNÆE, videntitalia sensus,
 Quidve modò est animi, cum præstantissima cernis
 Ingenij monimenta tui, iam penè sepulta,
 Ac tristi cinefacta rogo, dubitata tueri
 Astra & succiduo melius splendescere cultu?
 Cum prodire iterumque virum volitare per ora
 Scripta tui sanctos animi testata recessus,
 Unde velut diti fluxerunt aurea venæ:
 Scripta, quibus sacro Virtutis pectora thyrsò
 Percussa exstimulas, pulchroque Cupidine honesti
 Vel supra Alpinas inflammas algida ninguicis.
 Virtutem solam dum concinnare beatos
 Posse doces: hanc & tranquillâ in luce locare

Et veris cumulare bonis, quæ turbine nullo
 Fortuna excutiat, quæ firma & fixa perennent:
 Cetera quæ vulgum capiunt ceu grandia, parvæ
 Esse rei, fucum titulo faciente decoro.
 O ter & ô quater hoc felicem in vindice! quo se
 Porget ab Occasu redituum nomen ad Ortum,
 Nullaque venturis dispendia sentiet annis.
 Corniger vt quondam Laurente Numicius orâ
 Anean Anchisiaden iam cærule cæli
 Sidereasque domos spectantem mortis ab omni
 Labe prius liquidis in fontibus expurgavit:
 Vt Thetis in mæsti nimium solatia nati
 Nectaris ambrosiæ confuso rore iacentem
 Imbuit Actoriden, & cassum lumine corpus
 Integrum ad seros tæmuli seruauit honores:
 Ille tibi quicquid luteæ superabat ab vda
 Facis humo, quicquid reliquum contagis inesset,
 Eluit, æternaque dedit vernante iuuentâ
 Securum immanes æui contemnere vires.
 At benè te, LIPSI, benè te, cui cura mereri
 De multis benè, & officiis commune iuuare:
 Qui velut astrorum dominus, velut ætherius Sol
 Ingenij radiis ardentibus abdita claras,
 Obnuptasque altâ soluis caligine mentes.
 Te lemniscata decora ambitiosa coronæ
 Gemmatique premant orbes: tua tempora mille
 Circumeant laurus: tibi ceræ & magna elephantæ
 Congeries, varij tibi pondera vasta metalli
 Et picturatis animentur marmora venis:
 Omnis te celebret Phœbi Chorus: ingeniorum
 Omne tibi cesset genus, & persolvere tantis

*Mercedem meritis immixtis certet habenis.
 Ipse quidem parvâ facio tibi pauper acerrâ,
 Vilibus & Samiis ad nudi cespitis aram;
 Sed puris herclè manibus, sed pectore casto.
 Ac veluti cum magna caput contingere signa
 Altèeducta vetat moles, tum ponitur imâ
 In base florentis donum solenne coronæ:
 Sic nos tantarum ad fastigia surgere laudum,
 Temporaque & sacros inopes incingere crines
 Floridula ante pedes deponimus hæc tibiserta:
 Serta, mihi nuper quæ concinnata reductâ
 Phocidos in conualle sub umbrifero Parnasso.*

ALTERVM APOBATERION.

ERgo tanti erit è patriæ decedere flammâ,
 Ac fortunatas rursus adire plagas?
 Tanti erit æternâ sedem mihi figere in vrbe
 Inque clientelâ principis esse viri,
 LIPSIVS vt linquatur? hic editus ex Jove ramus?
 Palladis hic mystes atque Heliconiadum?
 Qui me præcipuo complexus amore, parentem
 Tantumnon operâ consilioque gerit:
 Quem præter cunctos ego diligo, proque parente
 Obseruo atque piis prosequor officiis.
 Dispice sis anime, & totum benè discute tecum,
 Nilque inconsulto quicquam age consilio.
 Nam temerè quisquis rem cœptat & impete ceco,
 Turpiter hunc paullò pòst piget atque pudet.
 Omnia sunt pensanda, vagi nec fluminis vnda
 Stultè intentato est ingrediunda vado.

Sed quid ego hæc toties nequicquam vulnera tracto?

Quid toties Unum hunc me refero ad scopulum?

Nil iam nil horum me fallit, & omnia mecum

Sapè Volutavi corde animoque prius.

Sentio quæ faciam dispendia, quo cruciatus

Mœstum hoc afficiet me modo discidium,

Cum lacrymis sparsus rorantibus osque genasque,

Triste inclinata Voce iterabo Vale :

Ut desideris post factum ingentibus ictus

Ipse accusabo meque meumque abitum.

Sed tamen est fundus mihi LIPSIVS : ille futurum

Utibile atque in rem deputat istud iter.

Imò etiam iurat, melior sibi sanguis & etas

Esset, in afflictâ non fore diu patriâ ;

Sed grata exsilia & felicia quæsiturum,

Quæ Diui nondum deseruere, loca.

Hoc hoc auspicij satis est, non vos ego vates,

Non ego vel lituos templaque Vestra morer :

Non ego pensi habeam, pecudum quid fibra minetur,

Quid creperi fati provida cantet avis.

LIPSIVS est nobis augur, Chaldeus, haruspex :

Hic mi de cælo servat, hic exta spicit.

Huic ego dum lito, Phœbe tuos ignoro profatus :

Nil mihi cum monitis Juno Moneta tuis.

Nec caussa est, illum cur credam abeundo relinqui ;

Pectore gestabo tempus in omne meo :

Et cum disjunget tantum terræque marisque,

Mente individuus, mente ego iunctus ero.

Semper inerrabit sermonum vena Venusque :

Semper inherebunt aurea tot monita.

Quin etiam coram velut aspectare videbor,

Et dicam, Sic fert ora, manus, oculos :
 Morumque effigies occurret, & illa suavi
 Temperie lenis lataque serietas:
 Illud nescio quid mentes inflectere præsens,
 Et capere, vt magico saga ministerio.
 Nec me deficiet quosuis accurrere Belgas,
 Penula quosque teget, causia quosque teget,
 Omnibus atque habitis post rebus, quærere id vnum,
 Dicite dum, Rectè LIPSIUS an'ne valet?
 Ingenuèque oculos ipsi debere fatebor,
 Atque adeò nexu & mancupio esse suum.
 Euentura loquor: spirare absistite venti,
 Nil vobis seritur, nil nebula aëriæ.
 Sic longum mihi iter Dii fortunate viales,
 Quod grauibus me angit sollicitudinibus:
 Sic tutò Alpinas mihi sit transcendere rupes,
 Et celo atque solo reddier Italia,
 Pacatàque olim patriâ carisquæ fruisce,
 Et cessare meis vsque Heliconiasin.

LACRYMÆ IN FVNERE

IVSTI LIPSI.

Ferales numeros & lamentabile carmen
 Ægro animo, nigrâque obseptus nube doloris
 Ordior. An Cyrrham mihi fas atque antra mouere
 Delia? an Aônias precibus ambire sorores?
 Et ius & fas est. nec enim parua vmbra cietur;
 Manibus, heu, lacrymas LIPSI damus, illius olim
 Mystæ Phæbe tui, atque tui, Polyhymnia, cætus.

Ergo seu rupes vòs Thespia, siue biuertex
 Parnassus, doctiue tenent iuga sacra Heliconis,
 Seu nemorum ramosa domus, secretaque sanctæ
 Castalia, secreta animis gratissima vestris,
 Sufficite infando vocem ingeniúmque dolori.

O nostrum quondam LIPSI decus! ô mihi cari
 Patris amate vicem, quis te rapit, heu, mihi luor?
 Quis festinatis, heu, sic intercipit annis?
 Siccin' abis nostri sidus mirabile sacli,
 Siccin' abis, nec te pòst vsurpare licebit
 Ampliùs hisce oculis? non auscultare loquentem,
 Et dignas adytis voces dimittere in aures?
 O Atlantiade, & cum virgine Phæbe patrima,
 Vos decuit, decuit vos intercedere iussis
 Fatorum & vestro noxam defendere alumno:
 Quò nil Cecropiæ tulerunt præstantius arces,
 Nil Latium vetus atque nouum, nil Gallia triplex.
 Qui dignus Pylias cui contingere metas,
 Atque omni tandem posito senioque situque
 Æsonis in morem reuirescere, siue Jolai.
 Saltim cygneam si vocem & iussa fuisset
 Excipere, atque aliquod supremo tempore fungi
 Triste ministerium: si prono colligere ore
 Effugientem animam, caligantésque propinquâ
 Claudere morte oculos, mœstúmve subire feretrum,
 Solamen tanto sit lenimenque dolori.
 Nunc est omni expers fomento plaga, nec vllâ
 Ad sanum coitura die: nunc prorsus in ima
 Viscera totum ensem & vitæ secreta recepi.
 Nec certè Ægiden grauioribus externauit
 Lucubus interitus letúmque parentis acerbum,

Quàm me nigra dies properatâque funera LIPSI.

Nam quamuis nullâ consanguinitate propinquum,

Hic me non alio complectebatur amore,

Quàm si sanguis ego Verè ipsius: omnia nobis

Unus erat, quæ læua mihi simul omnia Diua

Abstulit. O vbi nunc amor ille & cura paterna?

O vbi spes, vbi votorum mensura meorum?

Arx vbi præsidiumque meum? quo sospite ouabam

Toto animo, calumque manu contingere rebar:

Pampinus vt palmesque tener, cui grandior vlmus

Firma pedamenta & ramorum fulcra ministrat,

Mox animos tollit, mox dulcis cogitat vnas:

Ah, quis apex animi nunc internuncius ibit?

Quis dubio responsa dabit? quis fulgida cæcis

Errorum in tenebris præpandet lumina menti?

Quis varios agri sedabit pectoris æstus

Dulcibus alloquiis, postliminióque reuersum

(Si quando hoc voto Superis damnabimur æquis)

Excipiet, blandisque premet mea colla lacertis?

O calum! ô tellus! ô salsipotens Neptune!

Omnia mî periere, illi cùm lumen ademptum,

Qui mihi lumen erat; iam nox manet atra dolorum,

Omnia iam tristi mihi tempora felle madebunt.

Nec me sacra iuuent, quorum percussus amore

Antè fui; valeant mea quondam gaudia Musæ.

Tantum flere lubet; luctum pro LIPSIO amabo,

Et rudibus cantabo modis lacrymabile carmen,

Quale vel Alcyones in littoribus desertis,

Vel sub populeâ modulatur Daulias umbrâ,

Pignora cùm nido detraxit callidus auceps.

Ipsæ cum socio Charites grege Fontigenarum

Tam cari capitis queritantur præcoque fatum
Et gemitu & lacrymis & luctifono concentu,
Castalisque timent posthac ne fontibus humor
Desit, & assuetas silua arida deneget umbras.
Adde & Musarum comites, & quotquot vbique
Virtuti Sophiæque litarunt, omnibus ægrè est,
Omnes excessu LIPSI tenerè illacrymarunt.
At misera ingeminans lugubres Belgica lessos
In calum & Superos liberrima verba profundit
Dirumpitque sinus, nudataque pectora plangit,
Aut deturpatos laniat sibi puluere crines,
Luctu amens, tumultoque inconsolabilis hærens.
Elysium contra Chaos & iucunda virecta
Fortunatorum nemorum tanti hospitis ergo
Letitiâ plausuque fremunt: hunc agmina stipant
Semideum Heroum: hunc certatim vndeundique magna
Aduolitant animæ, mirabundaque pererrant
Luminibus tacitis, sociumque adiungere gaudent:
Haud aliter quàm cum feto patris edita busto
Prodit auis, magni tendens per inania mundi
Ad Ptolemæas Arabum de finibus oras,
Alituum coit omne genus, solisque volucrem
Attonita denso circum agmine conglomerantur,
Salve supremum Suade illibata medulla,
Doctrinæ Sophiæque penus, clarissima prisca
Fax aui, & veterum scriptorum acerrime vindex,
Humano propè maior, & egregium indulgentis
Naturæ specimen, LIPSI optime maxime salve,
Supremumque vale, facilisque hos pectore ab imo
Depromptos gemitus atque illatabile murmur
Accipe; si mea non odiosa ingrataque quondam

*Musa fuit; si te mappam mittente, tuisque
 Auspiciis primùm spatia hæc decurrere cæpi.
 Accipe quod præstare Diis hîc manibus vnum
 Officiosa potest pietas, quæ soluere iusta
 Mens ægra ac magno valet oblimata dolore.
 Posterius cùm me patriæ fors prospera reddet,
 Cottidie tua busta salutaturus adibo,
 Et benè, mi Doctor, repetam placidèque quiescas:
 Cottidie flores ferti simul atque soluti
 Plenis spargentur calathiscis, vrnæque felix
 Myrrhâ & Achemenio semper stillabit amomo.
 Semper apud memorem meritorum gratia stabit,
 Et sincera tui reuerentia. Non potes vllos
 Parca ferox magno fines præscribere amorì,
 Non potes; ipsa suis paret mens legibus, omni
 Libera hero, nullis docta inferuire lupatis.
 Quid libri? quid scripta? quis illis marmora & altos
 Pyramidum sumptus animosâque conferat æra?
 Hæc ferro, hæc flammâ fugitiuorumque caduca
 Ictibus annorum, nulla illis tempora, nulle
 Sunt metæ: quæuis leget ac mirabitur ætas.
 Namque olim Genio sunt nata Diisque secundis,
 Sæpius & dio rore imbuit alma Iuuenta.*

Tantum est: nec istis de Herœe nostro, quod eò
 non pertineat, adiici quicquam decorè posse vi-
 deatur. Corollarij tamen vice attexam Elegeidion ad
 suauissimum & optatissimum fratrem meum: non
 musteum illud quidem atque recens, sed ante trien-
 nium, cùm in Italiam ex Hispaniâ traiceret, ad eum
 missum.

missum. Discupio enim aliquod hîc exstare amoris
& grati in ipsum animi monimentum, qui tum artifi-
ci manu, tum acri certoque iudicio non parùm in
Electis me iuuit.

AD PETRVM PAVLLVM RVBENIVM
nauigantem.

Non sic Æmonio trepidauit mater Achilli,
Cùm Laertiada cognitus indicio
Pro Menelaëâ sumpsit bella horrida causâ,
Et præceps arces iuit ad Iliacas:
Non sic dilecti discrimine mota mariti
Penelope, Graia fama pudicitia,
Spumantem quoties Maleam atque Capharea saxa,
Fœniiq̃ue audit tanta pericla maris:
Nec sic Ægeo posuit qui nomina ponto
De caro Thesei sollicitus capite,
Dum soluit patriis à littoribus Pyrei,
Androgeoneis manibus inferia:
Quàm modò magna tui diuexat cura meum cor,
O mihi vel luce hac frater amabilior.
Tyrrhenum te nunc parua trabe currere marmor
Et maris, heu, fluxæ credere te fidei!
Nunc ubi ventorum vis horrida debacchatur,
Infestisq̃ue hiemant æquora sideribus.
Ah, gemat eternum, qui primus, naue paratâ,
Ausus in immenso velificare salo.
Hinc nos ludibrium facti pelagique notique:
Hinc immaturæ mortis aperta via.

Hectora

Heëtoræ qui magnum sæpè & Phrygiæ agmina contra
Inuictæ steterat cum Telamoniade
Locrorum ductor, nimia vi mersus aquarum
Littoreis iacuit fæda rapina auibus.
Et tibi, quæ cunctis mortalibus antistabas,
Quid versutia, quid provida mens, Ithacæ,
Jônio in magno valuit? longè tibi longè
Tum fuit, heu, dolus & callida consilia.
Nec tibi litterulæ, mi frater, nec tibi quidquam
Vena vigorque acris proderit ingenij:
Nec manus artifices effingere docta figuras,
Ac vel Apelleis pingere par tabulis.
Diique Deæque omnes, qui cæli lucida templa,
Qui terram colitis, qui mare nauigerum,
Et vos ante alios, Tyrrhenum quos penes æquor,
Ferte salutarem (namque potestis) opem.
Formidata rati defendite sidera, nimbos
Quæque solent, pelagi quæque ciere animos.
Æoliam rabiem metuat malè barbarus atrox,
Et cui non puræ sacrilegæque manus.
Ille nigri fremitum ponti horreat: ille minantes
In cælum fluctus pallidus aspiciat.
At tibi nec subitis quid peccet motibus Auster
Nosse sit, & quantus detonet Oërión,
Nec miserâ tacito iam mussante arte pauore
Optatos trepidè quærere Tyndaridas;
Sed ridente salo & modicè vibrantibus vndis
Leniter adspirans aura secunda ferat,
Grata coronatâ dum admotâ ad littora prorâ,
Æquoreis votum dissoluatur heris.
En erit, ut veniat lux hæc properantibus horis,

Hic radiet niveis Delius alitibus?
 En erit, vt fratri curram obuius, & venienti
 Jucunda hæc manuum vincula vt iniiciam?
 Tum mihi fulua Tagi venient sub tecta fluenta,
 Eöique legam dona opulenta maris.
 At nunc, heu, misero peracescunt omnia: nulla
 Non mala, te rursum dum potior, patior.
 Quin etiam studia hæc, queis nil acceptius antè,
 Et quascumque odi delicias animi:
 Solis & ipse parùm, mihi crede, est lucidus orbis,
 Luridaque obtusis cornibus ipsa soror:
 Obscuri astrorum, quibus æther pingitur, ignes;
 Ipsi etiam melli fellis amaror inest.



C E N S U R A,

PHILIPPI RUBENI Electorum Libros duos, eiusdemque ad IVSTVM LIPSIVM Poëmatoria, ab eruditione & elegantia commendo, ac publicâ luce & lectione digna censeo. Antuerpiæ, Id. Nouembr. M. D C. VII.

Laurentius Beyerlinck S.T.L. Ecclesiæ Cathedralis Antwerp. Canonicus & Censor.

S V M M A P R I V I L E G I I

ALBERTI ET ISABELLÆ CLARÆ EVGENIÆ, Archiducum Austriae, Ducum Burgundiae, &c. Serenissimorum Belgicæ Principum, Priuilegio cautum est, nequis *Philippi Rubeni Electorum libros duos, eiusdemque ad IVSTVM LIPSIVM Poëmatoria*, præter voluntatem Ioannis Moreti, typographi Antuerpiensis, intra sexennium excudat, aut alibi excusa in inferioris Germaniæ ditiones importet, venaliave habeat. Qui secus faxit, confiscatione librorum, & alia graui poena mulctabitur: vti latius patet in litteris datis Bruxellæ xv. Nouembris M. D C. VII.

Signat.


Buschere.


ANTVERPIAE,
EX OFFICINA PLANTINIANA,
Apud Ioannem Moretum.

MDCCVIII.



51. 50





1748919

